# **U LAMARA**

# **TULLIANUM**

## TAGGARA n YUGURTEN

(Ungal)



Tizrigin **K**ama

## Tullianum, di Ruma ....

"Mamertine Carcere d lhebs illan ddaw tmurt, degs sin wannagen. Tama wadda d tasraft, isem is Tullianum. Tedrem, izzi yas d ugadir, iqba s wezru. Yiwen kan yimi ufella i d tawwurt is, zun d imi n wecbali.

D amkan ixlan, irtem, yumes, itulles, isaggwad."

(Syur Salluste)

(Mamertine carcere était une prison souterraine à deux étages. Selon l'historien Salluste : « Elle contient une salle basse, nommée Tullianum, qui s'enfonce à douze pieds¹ sous terre. Elle est fermée de murs épais et couverte d'une voûte de pierre. C'est un cachot malpropre, obscur, infect, dont l'aspect a quelque chose d'effrayant et d'horrible. »)

(Salluste)



 $<sup>^{1}</sup>$  Adar n Ruman (Un pied romain) = 29,4 cm; 12 pieds = 3,53 m.

Taggara n Yugurten

2

## Agbur

1.	Tazwart	4
2.	Tṛad n Yugurten	13
	i. Deffir Makawsen	.13
	ii. Tallit n Bestia	.19
	iii. Tallit n Albinus	28
	iv. Tallit n Metellus	35
	v. Tallit n Marius akw d Sulla	62
3.	Tikli n Ruma (Triomphe n Marius)	80
4.	Di Tullianum	. 97
5.	Tallit taneggarut	.120
6.	Asaru umezruy	122
7.	Amezruy n Tullianum	124
8.	Idlisen (Bibliographie)	134

## 1. Tazwart

Di 1977 nni, di Paris, i ufiy adlis n Salluste<sup>2</sup>, **Tṛad n Yugurten<sup>3</sup> / La Guerre de Jugurtha** (Bellum Yugurthinum), di Librairie Maspero.

Adlis nni ɣliy fell-as ur bniy.

D yiwen umeddakwel i yi d innan : "Maspero iznuzu idlisen zun d tikci, akken ad iqfel taḥanutt is ussan agi d iteddun. Llant tid ilhan, azzel skud ur fuken !".

Akken i teḍra. Ass nni kan ufiγ d iman-iw di tḥanutt n Maspero, di Quartier latin, ferrneγ d idlisen ar ad d sγeγ.

Isem nni n Salluste, sliγ yis zik, ur cfiγ lliγ ssneγ ayen yura neγ ur t ssineγ. Salluste ilul di tmurt n Ruman deg wseggwas n -87. Yugurten immut di -104. Ger tamettant (lmut) n Yugurten akw d tlalit n Salluste zran 18 iseggwasen. Mi yura Salluste adlis "Bellum Yugurthinum"/La Guerre de Jugurtha, ad yili di laâmer is ger 30 d 40 iseggwasen.

Nezmer ad d nini llan kan 60 iseggwasen ger tamettant n Yugurten di Yennayer n -104 akw d tira n wedlis n Salluste. Tallit n 60

<sup>&</sup>lt;sup>2</sup> **Salluste**: Caius Sallustius Crispus, -87 ar -35 zdat Aâisa, ixdem akw d Cesar di Ruma. Di -46, iţţef leḥkem n Ruman di Tamazγa (Proconsulat d'Afrique). Itwassen ugar s wedlis nni yura "Bellum Yugurthinum ...".

<sup>&</sup>lt;sup>3</sup> La guerre de Jugurtha (Bellum Yugurthinum), Salluste, édition bilingue français / latin, les Belles Lettres, 1941 Paris, réimpression en 1974. Traduction du latin par Alfred Ernout.

iseggwasen am zun d ulac di tira umezruy. Di leqrun nni, tamurt ur tetbeddil udem di 60 iseggwasen, mačči am ass-a.

Tira nni n Salluste tban i yi d zun d tit n win illan dinna d inigi di trad n Yugurten mgal Ruman.

Mi bdiγ adlis nni, ufiγ t zun d tawwurt i d illin zdat-i akken ad ẓreγ amezruy n Yugurten, amezruy n Tmazγa<sup>4</sup>.

Γas akken iččur tiţ, di tedyant nni ufiγ ixuş kra.

Syen γer zdat, acḥal n tikkal i γriγ adlis nni. Yal aseggwas a t id ddmeγ, a t γreγ tikkelt neγ snat, syen a t serseγ. Tuγal am win itessen irennu yas fad. Yal tikkelt zerreγ zdat wallen iw agellid Yugurten iteddu, ittazzal, iferru tilufa n tmurt is, ikat aneccab deg imenγi, iteddu γef agmer deg wzaγar, deg idurar, ...

Taggara ufiγ ayen ixuşşen deg wedlis nni : ixuş wawal n Yugurten.

Di 2006, di "La Foire du Livre" n Paris, i d γliγ tikkelt tis snat γef wedlis<sup>5</sup> nni n Salluste. Mi t id ddmeγ, ufiγ d adlis i d iffγen di Leşşayer sγur "Grand Alger Editions". Ferḥeγ mi ufiγ adlis nni. Ferḥeγ ugar mi adlis d iḥekkun tudert n Yugurten iffγ ed di tmurt n Yugurten. Ass-en tban i yi d Tmazγa n Yugurten akw d Leşşayer n wass-a, yiwet tmurt!

Taggara n Yugurten

5

<sup>&</sup>lt;sup>4</sup> Tamazγa tella tebḍa γef sin : Tamazγa n wagmuḍ (Tunes akw d wagmuḍ n Leẓẓayer) ; Tamazγan utaram (Meṛruk akw d wmur utaram n Leẓẓayer). Akin tella Libya akw d Tiniri (seḥṛa)

<sup>&</sup>lt;sup>5</sup> La Guerre de Jugurtha. Editions GAL / Grand Alger Editions, 2005.

2112 iseggwawen zran si mi yemmut Yugurten.

Fas netta immut, isem-is akw d webrid d iwwi  $\gamma$ ef tmurt is, ar ass-a ddren. Abrid is injer seg iseggwasen nni n trad mgal Ruman.

Akken ad d yuγal wawal n Yugurten, ufiγ llan sin iberdan : aterjem n wedlis n Salluste s tmaziγt, akw d webrid wis sin.

Aterjem n wedlis kkseγ t di tazwara. Ufiγ aterjem n wedlis d timerna kan ar a rnuγ awal i wawal n Salluste. Nek γuri, ufiγ izwar wawal n Yugurten. Aterjem ad d yas wass is.

Taggara, qqimeγ as, wteγ ad d skefleγ ayen izemren ad yili deg wallaγ n Yugurten di tallit nni deg yennuγ Ruman, si mi tebda armi d ass-mi tewweḍ talast n tṛad ....

Di yal tadyant d iḥka Salluste<sup>6</sup>, wteγ ad d afeγ amek a yeg yiwen illan d Amaziγ, zdat tilufa nni imir.

Di tira n Salluste llan sin wudmawen. Yiwen d udem umaru d iḥekkun tadyant akken tella, akken i yas tt id ḥkan, akken i tt iγra deg idlisen illan imir, wis sin d wudem Uṛumi n Ṣuma, win iẓeṛṛen s tiṭ n wegdud iḥekmen ddunit imir. Illa deg wawal : "Ṣuma i d ikkan nnig akw timura"!

Taggara n Yugurten

6

<sup>&</sup>lt;sup>6</sup> Salluste iḥka d amur ameqran seg wayen iγra deg idlisen yura C. Sulla, win d iṭṭṭen Yugurten d ameḥbus di taggara useggwas -105.

Ma yella wugur ger sin ixşimen, anida yella lkil, yal yiwen ad d iḥku tadyant is akken tella. Win d amennuγ n yizmawen ; dinna i tferru s lheq.

Deg wedlis n Salluste, di yiwet tedyant kan i d igwra wawal n Yugurten ; d awal nni i yas inna ass nni deg d iffeγ s wurfan si tiγremt n Ruma, inna yas deg wawal is<sup>7</sup> : "Tiγremt usekkak, ad d yas wass n nger is ass-mi ad taf bab-is" / Vrbem uenalem et mature perituram si emptorem inuenerit

Tawaγit, γas d awal n Yugurten s tidett, d awal d inna s tṛumit mačči s tmaziγt !

Awal agi n Yugurten i d igwran ass-a, nezmer ad d nini icba awal nni n jedd-is, Masnsen, ass-mi yas inna : "Taferka i tarwa n tferka!" ("l'Afrique aux africains!").

Deg wsaru i yaγ d iǧǧa Salluste, nerra awal n lugurthae<sup>8</sup> i Yugurten n At Yiles. D netta i d iḥekkun tadyant akken tella, neγ akken "tezmer ad tili imir". Di yal tadyant, newet ad d naf awalen izmer ad yini Yugurten. Nesdukkel asaru nni n Salluste akw d wawal n Yugurten akken ad myefken tayett, ad aγ d seflen tafat γef leqrun

<sup>7</sup>Quand il fut hors de Rome, il tourna dit-on, plusieurs fois ses regards vers la ville, en gardant le silence, et s'écria enfin /"**Vrbem uenalem et mature perituram si emptorem inuenerit** !"/ "Ville vénale, et qui ne tardera pas à périr si elle trouve un acheteur "; La guerre de Jugurtha, Grand Alger Editions, p 56.; et Edition les Belles Lettres p. 69.

<sup>&</sup>lt;sup>8</sup> **lugurthae** = Yugurten (Isem, akken t yura Salluste s tlatinit).

nni imezwura n tmurt nneγ. Fas adlis d ungal kan, ur illa d adlis umezruy.

Di yal tadyant, di tallit n trad, neqqim kan deg wedlis n Salluste. Ur d nerna tadyant, ur nekkis. Ayen i nekkes, d ayen kan d inna Salluste yef tmeddurt akw d tlufa n Ruman gar-asen.

Taggara, tanemmirt tameqrant i Salluste i ya $\gamma$  d iğğan tira tinigit, tira iddren  $\gamma$ ef Yugurten $^9$ ,  $\gamma$ ef umezruy n imezwura nne $\gamma$ .

Adlis n Salluste illi ya $\gamma$  d tawwurt  $\gamma$ ef tallit izran<sup>10</sup>; nezra amur di tmeddurt n Yugurten akw d watmaten is di twizi nni tameqrant, deg iseggwasen nni u $\gamma$ ilif, iseggwasen n imettawen, n tidi d idammen.

"... Mi yekker Yugurten, yuγal d ilemzi, isdukel tezyen, tirkelt akw d tigzi (tamussni). Irna awal azidan. Ikka d nnig tezyiwin is. Ur iğğa iman-is di tudert n tinefcect n tarwa igelliden. Iteddu, ittazzal netta d imeddukal is, ikkat aneccab, acangal, irekkeb agmer am neţţa am at tmurt is. Γas d netta i d amezwaru di yal timsizzelt, ḥemlen t akw wid i t issnen. Illa di yal ṣyada n yizem di tzegwa n Tmazγa. Di yal tadyant, netta deg imezwura i tyita uneccab. Akken illa d amezwaru i tyita, i yella d aneggaru i wawal γef iman-is...", Tṛad n Yugurten, t. 11.

<sup>&</sup>lt;sup>9</sup> Awal n Salluste γef Yugurten :

<sup>&</sup>lt;sup>10</sup> Tadyant n Yugurten : Mi yemmut Masnsen n at Yiles di -148, agellid n Tmazγa (Numidya), yuγal mmi-s Makawasen d agellid. Mi yemmut Makawsen di -118, iğğa d lwert i sin warraw is, Aderbal akw d Hiemsal, akw d Yugurten, mm-s n gma-s Mastanabal. Di tazwara kan ikka d iceqqiq gar-asen. Aseggwas amezwaru, Hiemsal immut deg imenγi, neγ deg wfus n Yugurten (?). Aderbal ikkr-ed d axṣim n Yugurten, isuter i Ṣuman, bḍan asen tamurt γef sin iḥricen. Sirta tedda deg

Akken ibγu yili wedlis, akken ibγu yerra d tadyant zun tedder, akken tella, izmer yiwen ad izer ayen illan zdat wallen is, taggara, adlis iqqim d awalen kan. D awalen isnin, d ayen ur d itettef, ur innul ufus. Di tṛad n Yugurten, imukan nni yakw seg yekka ugellid Yugurten, anida yuzzel, anida yennuγ, anida yeḍsa, anida yeɣli... amur ameqran llan, ddren ar ass-a, mačči d tamacahutt : Sirta, Zama, Carthage, Gafsa, Tuga, Tala, Campus Martius, Via Sacra, Circus Maximus, Curia (n Senat), Capitolinus... Tullianum.

Yugurten immut di tesraft n Tullianum di Ruma. Immut si laz dusemmid n 6 wussan.

Ma nger tamawt γer tmeddurt n Yugurten, tameddurt ukwessar d usawenn wacḥal d aseggwas, ad d naf tidett taqerḥant: mačči d Ruman i t id isawḍen γer tesraft n Tullianum. D atmaten is i t id iskecmen. Irumyen ur as zmiren di trad. Ufan as kan iceqqiq di tixubbta n watmaten is akw d idammen is.

Amezwaru d Hiemsal, isaγ times tamezwarut n cwal, iwet ad ikkes Yugurten.

wmur n Aderbal. Si -118 armi d -112 teqqim akken. Di -112 tekker. Yugurten izzi i Sirta, ikcem s laâsker is, iţţef Aderbal, inγa t. Imir Ruman yuγal d netta i d axşim n Yugurten. 7 iseggwasen n imenγi ger Yugurten akw d Ruman. Di taggara n -105, gan as ticerkett s ufus n ugellid Buxuc. Qqnen as snasel, win t γer tiγremt n Ruma. Immut di tesraft n Tullianum di yennayer -104, deffir 6 wussan n laz d usemmiḍ.

Aderbal isaweḍ tamsalt armi ibḍa Tamazγa γef sin, tamurt nni n Masnsen.

Masiwen, irna d tilufa-s, deffir tedyant n Aderbal, akken ad ibḍu tamurt ula d netta ; ad iddem amur n Aderbal immuten.

Gawda, idda d axabit netta d imanyen n Marius, ikker ad ineγ atmaten is Imaziγen ; ikker ad iserγ tuddar akw d yigran.

Jiniral Bumelxir, ameqran n laâsker Amaziγ, ikka yas deffir i Yugurten, ad t izzenz i jiniral Metellus.

Aneggaru d agellid Buxus, adeggal is, ifka yas tiyita taneggarut. Izzenz it i Ruman akken ad isemyer akal is.

Afus, s tidett, degneγ i yella.

Akken ad zreγ s wallen iw amkan deg yemmut, ad beddeγ anida ibedd, ad naleγ s ufus iw izra nni yennul s ufus is netta, riγ ad kecmeγ tiγremt n Ruma. Riγ ad awdeγ amkan nni. Γas tiγremt n Ruma zriγ tbeddel, Tullianum ur ibeddel si legrun nni imezwura.

Γas si tama ufella ibeddel, bnan as tamesgida i tzallit di leqrun imezwura, tasraft akken tella i d tegwra. D awal d nnan akw wid ikecmen amkan nni. Izra nni d wid illan ass-en i yellan ass-a. Ri $\gamma$  a ten id zure $\gamma$ .

Acḥal n waguren si mi friγ d yiman-iw ad kecmeγ Ruma. Ussan teddun, agur deffir wayeḍ, ass n tikli ur d iwwiḍ. Ukiγ d yiman-iw akken riγ ad kecmeγ amkan nni i yas tezziγ i wass n tikli. Yal tikkelt illa wayen d ittasen d ugur i terzeft γer Ruma.

Tikwal, nek s timmad-iw tgeγ ccek: "s tidett illa wemkan nni akken i t iğğa Yugurten? Amek idyeq? Amek itulles? Amek iqqim Yugurten γef izra nni? Amek illa usemmiḍ is di tegrest? Illa wayen wumi isel mi yella dinna neγ d tasusmi n tesraft nni kan? Illa win ikecmen γures isawel yides, inna yas awal neγ sin, ifka yas ad isew, ifka yas ad yečč? I Marius, i Sulla, i imeddukal is di Ruma, nudan ad zren tawaγit deg yella? Amek? Amek?

Riγ ad zreγ ayen izmer ad iḥus Yugurten imir, mi t gren seg yimi n tesraft, ǧǧan t inṭeṛ akwessar, iγli am ucettiḍ deg tesraft n war tawwurt.

Yugurten illa issen tiγremt n Ruma seg yixef γer yixef.

Issen tizerbatin is, issen abrid n Curia, tazeqqa deg itγimi Senat, issen daγ isem n wemkan nni deg d igwra ass-a: Mamertinum et Tullianum. Izra anta i d taggara n wid ikecmen tasraft nni.

Di tuber 2008, rziγ γer tiγremt n Ruma. Mi kecmeγ γer tesraft nni, rgagiγ. Ukiγ as i wγilif nni amegran.

I tesraft n war tawwurt, ass-a bnan as tiseddarin akken ad kecmen imzuren. D izra nni i yellan imir i yellan ass-a; d tillas nni illan imir i yellan ass-a. Kecme $\gamma$ , serse $\gamma$  afus iw  $\gamma$ ef yiran nni n yimi n tesraft, imi nni seg inter Yugurten  $\gamma$ ef ibladen isemmaden. Amkan nni seg ur d iffi $\gamma$  d ameddur.

Nella nbedd di tesraft nni, nek akw d warraw-iw, nesusem, mi yaγ d tekcem terbaât n imzuren n Ţelyan neγ wis anta tamurt. Gar-asen illa uselway, « le guide » n Telyan, i sen d isefhamen amezruy n wemkan nni.

Mi ya $\gamma$  d isla nesawal s tmazi $\gamma$ t, nek akw d warraw-is, ikfa awal is i yemzuren nni, d $\gamma$ a izzi d  $\gamma$ urne $\gamma$ , inna ya $\gamma$  s tefransist :

- Dagi i yemmut ugellid Yugurten, agellid ameqran n Numidya. Agur agi izran, wiγ d γer dagi yiwet tmeddakelt-iw, d tamaziγt n Lezzayer. Si mi d tekcem Tullianum, tegumma ad tekfu imeṭṭawen... Yugurten d jedd-is!

Nniγ as i wemdan nni:

- D amezruy nne $\gamma$ , icrek, nekwni akw d kenwi. Ur tella tuzzma  $\gamma$ ef ayen izran !

## 2. Trad n Yugurten

## Deffir Makawsen<sup>11</sup>

Seg wass-mi yemmut wemγar, agellid Makawsen, gma-s n baba, tamurt ur as tufa ixef is. Nek nwiγ imir, mi yemmut kan babat-neγ, ad as neddukel i tcemlit tameqrant. Am nek, Aderbal akw d Hiemsal, a nesdukkel tidi nneγ akken Tamazγa ad as nbeddel udem.

Di tazwara, riγ a nekkes tuqqna nni neqqen γer tmurt n Ruman. Nniγ asen i watmaten iw, ilaq aγ ad d nerr tilisa n tmurt seg wanda llant zik. A nekkes ugzir, a nseggem tamurt nneγ. A neg iberdan, a nessemγer igran akw d tliwa n waman di yal tama n tmurt. A nesbedd tiseγlit i tlisa n tmurt akken yal Amaziγ ad yaf iman-is yella deg wakal is.

Yiwen weybel ameqran illan zik, ass-a yekkes, d Carthage i yaγ d illan am timmist deg wammas acḥal d lqern, acḥal d aseggwas. Di tallit nni, jedd-i, Masnsen iddukel netta d Ruman, zzin as i Carthage. Tefra tedyant nni, syen tuγal ed akken tella. Di trad aneggaru d agellid Makawsen i tuγ dinna. D imenγi aneggaru si mi terγa

Atmaten n Makawsen : Mastanabal, Gulussa, Masgaba akw d Bugud, negren di sin iseggwasen nni kan imezwura deg yuγal d agellid. D aṭan i ten isnegren (?).

<sup>&</sup>lt;sup>11</sup> Makawsen (Micipsa): agellid n Tmazγa si -148 armi d -118. D gma-s n Mastanabal, baba-s n Yugurten. Mi yemmut Makawsen, iğğa d tamurt ger ifassen n Yugurten akw d sin warra-is, Aderbal akw d Hiemsal.

temdint, tiyremt n Carthage i d ifkan talwit. Fas akken, Ruman isekcem tuccar is di tmurt nney. Iyil n Carthage irrez, Ruman yuy amkan is. Ayen illan akw d akal ger tlisa n Carthage, iḥella t Ruman i nitni, snulfan d tamurt « tamurt n Ruman / Province romaine ». Taggara, fellay ur tbeddel. Ilmend d imnayen n Carthage, usan d imsulta akw d imnayen n Ruman. Rran tamurt d ayla nsen, 28 iseggwasen aya.

Ass-mi immut ugellid Makawsen, tiţ iw nek a nekkes azaglu nni yellan fellaγ acḥal. Skud yella Ruman γer idisan nneγ, ur tezmir ad tili fellaγ talwit.

Di 30 iseggwasen n tgelda n Makawsen, seg wass-mi immut Masnsen, iγli d wegris γef tmurt nneγ. Kks-ed imenγi aneggaru mgal Carthage, anda kkren Imaziγen nnuγen di tama n Ruman akken ad hudden Carthage, ur illa kra imenγi i d irnan akken ad d yuγal wakal n Tmazγa i waraw is. Makawsen iqqim kan di tlisa-s am zun d tamellalt mar ad teγli. Ruman icrew akw akal illan iṭṭef it Carthage, ma d netta isusem, am zun mačči d akal nneγ.

Tasusmi n 30 iseggwasen mačči d tasusmi, d tiggugemt neγ d tesmeḍ n wul.

Si temzi i zerreγ akal nneγ imečč, tilisa gwrant-ed anda ur llant di tazwara. Żerreγ tamurt nneγ am wemdan i wumi yekkes uḍar neγ ufus.

S tmuγli yagi i yuγeγ abrid mi newṛet, deffir tamettant n Makawsen. Nek γuri newṛet , mačči d tagelda n ibeṛnas, d tagelda n tiwizi tameqrant. Newṛet aγbel, aγbel nni n tmurt ad t nbib γef tuyat nneγ. Nnan yiwen ufus ur ikkat Ilir. Tella tagmatt akken ad ibḍu waggway, yal amur γef yiwet tayett. Ad tebḍu taẓeyt, ad ibḍu uγilif. Sarmeγ tagmatt d watmaten iw ad tili; nek, Aderbal, Hiemsal, Masiwen<sup>12</sup>, Gawda akw d wiyaḍ akken Ilan, a nebges, a nbeddel udem i tmurt. Taggara, teffeγ tirga tezleg<sup>13</sup>.

Talast i yellan gar-i akw d Aderbal d Hiemsal d wa : nek zerreγ abrid nni n jeddi Masnsen, "Taferka i tarwa n Tferka"<sup>14</sup>, ma d Hiemsal akw d Aderbal kksen tamurt nsen ger ifassen nsen, kksen tamurt Imaziγen i tarwa-s, fkan tt d tarzeft i Ruman. Seg mi tekker garaneγ, sawden iyi d awalen inna Aderbal dinna di Curia<sup>15</sup> n Senat, tajmaât n Ruma, ass-mi yerwel akken ad icetki.

Inna yas:

<sup>12</sup> 

<sup>&</sup>lt;sup>12</sup> Masiwen (Masida), mmi-s n Gulusen (Gulusa); Gawda (Gauda): gma-s n Yugurten s baba-s. Gulusen d gma-s n Mastanabal.

<sup>&</sup>lt;sup>13</sup> Ugur illan ger Yugurten d sin watmaten is isemγer. Di cwal nni, Hiemsal immut. Ruman iskecm-ed tuccar is, yuzn-ed Opimius ibḍa tamurt γef sin, ger yugurten d Aderbal. 4 iseggwasen i teqqim akken, yiwen wass tekker gara-sen. Yugurten izzi s laâsker is i tiγremt n Sirta, anda illa Aderbal.

<sup>&</sup>lt;sup>14</sup> "Taferka i tarwa n Taferka !" / L'Afrique aux Africains !" (Masnsen).

<sup>15</sup> Curia: tazegga deg itnejmaâ Senat n Ruman, di tlemast n Ruma

"...Ass-mi qrib ad immet baba, Makawsen, yenna yi<sup>16</sup>: "tamurt agi, tagelda n Tmazγa, nekwni d iqeddacen is kan. Imawlan is n tidett d Ruman. ilaq a tgeḍ ayen wumi tzemreḍ akken ad talleḍ aγref n Ruman, am zun d idammen ik"".

Am zun ur isuget awal, Aderbal yerna ugar di tebratt nni yura i Ruman ass-mi i yas nezzi i tiγremt n Sirta. Aderbal inna di tebratt nni<sup>17</sup>: "...Tagelda n Numidia nwen kenwi, get as akken tram, ekkset iyi kan ger tuccar n Yugurten ; di laânaya nwen, di laânaya n tgelda n Ruman, i wudem n jedd-i Masnsen...".

Win ar issiwden taḥilett γer talast am tagi, ur as d igwri yiseγ, ur as d iqqim yisem n tissas akken ad yili n uzar n at Yiles, ad iqqim d agellid n Tmazγa. Awalen nni yenna, ass-mi i yasen sliγ, tuli yi d tkuffirt deg idmaren iw, ukiγ as i tkurt tcudd turin iw. Ikkes abernus

<sup>&</sup>lt;sup>16</sup> Aderbal devant le Sénat à Rome, défendant sa cause contre Jugurtha: "Au moment de sa mort mon père Micipsa me prescrivit de me considérer seulement comme l'intendant du royaume de Numidie, dont vous étiez les maîtres légitimes et les véritables souverains; de m'efforcer aussi, dans la paix comme dans la guerre, de rendre le plus de services possibles au peuple romain." (Salluste, p. 23)

<sup>&</sup>lt;sup>17</sup> Tabratt n Aderbal i Sénat n Ruma: "...Disposez à votre gré du royaume de Numidie, puisqu'il est à vous; mais arrachez-moi à des mains parricides: je vous en conjure par la majesté de votre Empire, par les droits sacrés de l'amitié, s'il demeure encore en vous quelque souvenir de mon aïeul Masinissa...." (Salluste, p. 47).

is, iğğa iman-is akken d aâryan. Taggara, ur as d igwri yisem n yiseγ. Ur illa d gma. Idammen i yaγ icerkan, nek kkseγ ten.

5 waguren i yas nezzi i teγremt n Sirta. Taggara, tefra temsalt is, Aderbal yuγ abrid n Hiemsal. D abrid i yuγen i ten isnegren i sin<sup>18</sup>.

Zdat anekcum γer tiγremt n Sirta, mi nella nezzi yas, usan d imγaren n Ruman γer Utique aken ad aγ frun. Ger yemγaren nni yella Aemilius Scaurus. Uznen i yi d, rziγ γer dinna, zriγ ten. Nek nniγ ayen nniγ, sefhemγ asen tadyant, niγ asen d Aderbal i d yuγalen γer cwal mačči d nek. Taggara ma yefka d udem, iffeγ si Sirta ilha, neγ tifrat n temsalt ad teglu s uqerru-s neγ s uqerru-w nek. Timmist d tukksa kan i d dwa-s. Imγaren nni n Ruman uγalen γer wansa i d kkan, nek fkiγ lamer i laâsker ad kecmen Sirta. Aderbal iffγ ed s laâsker is ad yeg imenγi. Itwaṭṭef, immut din am netta am wid illan yid-es.

Ur illa webrid nniden.

Mi slan di Ruma kecmeγ Sirta, Aderbal immut, dγa ikcem iten uferfud ameqran. Wid ibγan dinna ad smeγren taluft, ad d aznen laâsker γer tmurt nneγ, kkren fell-asen. Fkan as ṛṛay i Consul Calpurnius Bestia, sbedden t γef temsalt n Numidya, akken ad iheggi laâsker is.

8350 1 114 1 1011

<sup>&</sup>lt;sup>18</sup> Mi yas izzi Yugurten i Sirta, Aderbal iwet akken ad d iffeγ s laâsker is . Itwaṭṭef. Yugurten ikcem tiγremt. Am Aderbal, am Imaziγen illan yid-es din, iḥkem asen s Imut.

Zran kra waguren, laâsker n Ruman zegren d ilel, kecmen d tamurt nneγ. Aqerru nsen d Consul Calpurnius Bestia, idda d yiwen wemγar n Senat, Aemilius Scaurus.

## Tallit n Bestia Calpurnius

Tewwed ay d tafat yer wanzaren. Ur illa anida a nerwel.

Di tidett ur bγiγ tṛad nekwni akw d Ruman. Nekwni yid-sen icerk aγ umezruy γezzifen seg wass-mi yella jedd-i Masnsen di tṛad n Carthage. Iḍelli kan, nek Iliγ yid-sen, s imnayen imaziγen, di tṛad n Numance di Sbanya<sup>19</sup>. Cfiγ ass-mi i yi yuzen Makawsen akken ad zegreγ ilel Agrakal<sup>20</sup>, ad nnaγeγ γer tama nsen. Zegreγ Ilel nek akw d ujemmal n imnayen Imaziγen. Newwet aneccab, axtuc, acangal, ajenwi. Nefka tayett i jiniral Scipion armi nessenger acengu. Necrew tidi, nečča aγrum asemmaḍ yid-sen. Dinna i lemdeγ tussna n tṛad n Ruman, amek i yas teddun, amek seddun tiḥḥerci nsen. Dinna i rniγ lemdeγ ugar tameslayt nsen, talaṭinit.

Acḥal iseggwasen n talwit deg nella nekwni d Ruman, nek ur riγ ad d asen wussan n tṛad yid-sen. Γilleγ tadyant n Hiemsal akw d Aderbal ad d qqiment kan gar-aneγ nekwni di Tmazγa, ma d Ruman ur ten tewwiḍ temsalt. Γas ẓriγ tamsalt n tlisa nekwni d Ruman ur

<sup>&</sup>lt;sup>19</sup> Yugurten ifka t ugellid Makawsen akken ad yall Ruman deg imenγi n Numance di Sbanya. Ass-mi ikfa tṛad, ikker ad d yuγal, ifka yas d tabratt jiniral Scipion i Makawsen: « Ayaw ik Yugurten, yufrar deg imenγi n Numance. Tikli-s d tiṛṛukza ines sfeṛḥent iyi. Tanemmirt ik i mi yi d tunzeḍ argaz am wagi di tegwnitt n tidett. Furek ayaw i yeddan deg webrid n jedd-is Masnsen.

<sup>&</sup>lt;sup>20</sup> Ilel Agrakal : mer Méditerranée.

frant segmi sersen idarren nsen deg wakal amaziγ illan ddaw Carthage, sarmeγ ad asen d naf abrid i tifrat nebla amerzi.

Akken a sen sefruγ tadyant, uzneγ mmi, akw d kra n imγaren, nniγ asen ad awden γer Ruma ad siwden awal iw, ad magren C. Bestia, ad zren imγaren n Senat i yasen fkiγ, ad inin : "d atmaten iw, Hiemsal akw d Aderbal i d isnulfan cwal, mačči n nek ; d ayen gan kan nitni i wuγur wden nitni. Nek sarmeγ talwit, nitni kkren d i imenγi. D nek, Yugurten i tesnem idelli di Numance i d Yugurten n wass-a". Ass-mi wden γer Ruma, ur ten ǧǧan ad kecmen tiγremt, gan asen afrag. Isuter C. Bestia akken a kecmen Curia, taggara ur ten ǧǧan ad kecmen, ur ten ǧǧan ad inin awal win s γuri. Uγalen d si Ruma am akken zegren.

S tmuγli yagi n talwit i yas ddiγ i C. Bestia ass-mi d ikcem tamurt nneγ. Yal ass tedduγ akken ad d afeγ anwa abrid yes a nefru cwal agi d ikkren. Γas laâsker n Bestia di tazwara kan srewten ayen wumi zemren, serγen acḥal d iγrem, acḥal d yiger, wicqa. Nniγ as ma yella wenziz usirem akken ad tefru s talwit, anziz nni ilaq aγ ad t id nettef.

Mi mlale $\gamma$  Bestia, nni $\gamma$  as : « abrid n trad ur ilha i nitni ur ilha i nekwni. Trad ur isuffu $\gamma$  ver wayen ilhan ». Taggara, tadyant teffe $\gamma$  akken nniden.

Lli $\gamma$  di te $\gamma$ remt n Begga $^{21}$  ass-mi d usan, nnan i yi d ad ddu $\gamma$  ad  $\gamma$ re $\gamma$  Bestia di te $\gamma$ remt n Utique, deg wakal ttfen deffir uhuddu n

\_

<sup>&</sup>lt;sup>21</sup> Begga = Beja, ti**yremt tella di Tunes** 

Carthage. Ass-en, ufiγ tajmaât thegga akken ad gen azal n lehna. Ger iṛumyen, llan imγaren n Tmazγa i yellan seg wedrum n Aderbal. Neqqim, nesawel, wiγ asen d tadyant akken tella si tazwara armi d taggara, Aderbal nni i yegguman ad d ifk udem, tawaγit n Sirta. Mi nekker, nefra. I wakken a nesers talwit, ilaq aγ ad sen nefk 30 n lfilan, ajemmal n yezgaren akw d igemren. Si tama-w, nek kkiγ asen si tewwurt. Qebleγ. Ma s lfil, azger neγ agmer ad d tas talwit, d abrid qebleγ ula d nek, γas zzay wanect i d cerḍen fell-aγ. Ma yella d asfel γef tlisa n tmurt nneγ, am zun ur illa kra. Tamurt n Masnsen teddukel, ur tebda di tlemmast.

Si tifrat nni n Utique, nefka ayen i yaγ d cerden, ters-ed talwit. Irumyen deg wemkan nsen, ffγen tilisa n Tmazγa, kecmen akal n Carthage, nekwni neqqim deg wemkan nneγ.

Nγil tefra dayen. Mi yewweḍ wawal γer Ruma, slan ifra yugurten akw d tejmaât n Bestia akw d Scaurus, tekker gar-asen.

Wid ibyan ad siyen times di Curia n Senat ufan as abrid, icban C. Memmius. Ulac taḥilet ur d iwwi akken ad isendem wid n senat iqeblen tifrat n Bestia. Inna yasen "Bestia akw d imeddukal is zenzen tamurt, zenzen nnif n tmurt nsen, ...". Tiţ is netta, di tfukal nni, akken kan ad tt ifru d yexsimen is deg wurar yellan gar-asen.

Imir di Ruma terna tekker tmes ugar. Sin iderma i yellan di Senat. Yiwet tama d at "nobilis", at wakal widen yerwan, si tama nniden d at "popular", imγiden. Yal tikkelt, d timsizzelt gar-asen anwa ad d yernun tardast deg wdabu n tejmaât n Senat. Tuγal am tiddas gar-

asen. Win ikkan sya, wayeḍ ad as d yekk syin. Uγalen am wemcic d uγerda.

Γas akken bḍan γef sin iderma, di taggara tekka tama di tayeḍ ; awal n Memmius tqebl it tejmaât n Senat. Fran ad ṛẓen tifrat nni d illan gara-neγ, ad aznen ugar n laâsker nsen γer Numidya, ad smeγren imenγi.

Senat n Ruma yuzen d Cassius.

Uznen t id  $\gamma$ er Tmaz $\gamma$ a akken ad iyi d issiwed awal fran di Senat. Mi nemlal, inna yi d ccert n Ruma: ilaq ad zegre $\gamma$ , ad sutre $\gamma$  asuref (smah) d laânaya di tejmaât n Ruma. Inna yi d da $\gamma$ , yif tifrat yid-sen nitni wala trad d wegdud n Ruman.

Ufiγ d abrid. Nitni fkan d udem, nek nniγ asen deg webrid i lliγ. Friγ d rṛay iw, anida tella tebṛitṭ n tifrat a newwet a tt neḍfeṛ. Ṭriγ nek abrid n tṛad anida yesuffuγ. Win issnen, ala aγilif, imeṭṭawen akw d idammen i d irennu.

Awal nni lwaḥid d Cassius, itkaki yi d tadyant ni n wass-mi zegreγ nek akw d laâsker Imaziγen γer tmurt n Sbanya akken a nennaγ di Numance, tama n Ruman. Si γursen i lemdeγ tussna imenγi. Si γur jiniral Scipion i lemdeγ tiḥḥerci n trad, aseddes n laâsker, tikli isdarin imdanen, inif si tama γer tayeḍ, tikli γer deffir yal wa deg wemkan is. Di tedyant nni n Numance i d giγ imdeddukal Irumyen. D imeddukel idammen, cubaγ ten d atmaten iw. Ass-a ur riγ ad azleγ γer trad, ur riγ ad dehmeγ wid illan d atmaten iw iḍelli.

Tilufa n Hiemsal akw d Aderbal frant, ayen γef nudan ufan t, ma d nek ur tiţ iw ad azleγ γer imenγi nekwni mgal Ruman.

Zegreγ ilel, d abrid γer Ruma.

Mi nekcem γer Senat, d C. Memmius i d ibdan awal. Iwwi d tadyant akken i yas ihwa : nγiγ, rniγ, ffγeγ iberdan, kkseγ sser γef aγref n Ruman... Ur iǧǧa tiγmert, ur iǧǧa taḥilett. Isseks ed anda i yas ihwa akken ad isseḥmu tajmaât n Senat. Awal is iban anida yesuffuγ.

Mi yesuli awal is C. Memmius, irna d tilufa-s Quintus Minucius Ruffus, taggar sutren d akken ad asen rre $\gamma$  awal. Mi ddi $\gamma$  ad d netqe $\gamma$ , taggara d C. Baebius i d ineṭqen, igzem iyi d awal.  $\Gamma$  as ikker herwel, imdanen illan dinna sugten tiwu $\gamma$ a, Baebius ur sen isusem. Inna d ayen inwa d abrid. Anejmaâ ifra, neff $\gamma$  ed si Curia, tiyersi tebda tfessi.

Mi nγil frant, imir i bdant.

Mi tefra temsalt nek akw d Ruman, tlul ed taluft nniden nek d watmaten iw. Mi tedduγ ad uγaleγ γer Tmazγa, tadyant n Masiwen tebda tettimγur di Ruma. Masiwen, seḥman t id imeddukal is, izzi yasen i yat tejmaât n Senat akken ad as fken tamurt n Numidya, neγ ad as rren i netta amur n tmurt illan deg wfus n Aderbal.

Ilmend deg ad yili γer idisan iw, a nedukkel, netta yuγ abrid n Hiemsal akw d Aderbal. Γas d gma n idammen, yiwen babat nneγ, yiwen jedd nneγ Masnsen, Masiwen ur d iṭṭif anziz si tirrugza n jeddis. Tamurt n baba-s d jedd-is irra t d ayla n Ruman. Ibγa ad d yaγ tagelda si Ruma. Masiwen illa dinna di Senat ger widen akken isekren tiwuγa. Wid nni isegwten azeggi akw d tsusaf γef Yugurten.

Afus degneγ i yella.

Armi teḍra twayit i fehmeγ anida i tella twekka. Irumyen, tiḥerci ssnen as. Anida ur teṭṭif ad andin tixfett anda nniḍen. D wid d isḥercen Masiwen, zun d lexyal n tebḥirt, i yas d ifkan win ar as iqqimen. Fkan as t id ad t ineγ akken ad smeγren taluft, ad awḍen anida saramen : anekcum n tamazγa.

Qqimen as, nγan t di tlemmast n Ruma. Nitni nγan t, tiyita sbabben tt i Bumelxir, nek sefden d ajenwi γer yiri-w.

Suffγen d awal, yiwen seg wid inγan itwaṭṭef, nnan yuddr-ed isem n Bumelxir akw d Yugurten. Di herwel nni, nniγ as i Bumelxir ad isenser iman is si Ruma, tiḥila n Ruman nessen itent. Netta ad yuγal γer tmurt. Nek ad qqimeγ ad qableγ tajmaât n Senat. Tundar nsen banent am azal, ala tasusmi i yasen ur susumeγ. Akken teffeγ teffeγ.

Nuγal γer tejmaât n Senat. Akken nekcem, neqqim, dγa sekren felli ahlelli. Ur ğğan yir awal, ur ğğan azeggi. Widen isazlen idim n Masiwen wten ad glun yissi akken ad tt frun di yiwet tegwnitt : nγan Masiwen, akken ad glun s uqerru n Yugurten. Awal n tidett ur illa deg wawalan nsen, awalen n Memmius. D tussda kan i wumi d stufan : « Amek ? Tenγiḍ argaz di tlemmast n Ruma, terziḍ laânaya n tmurt nneγ ? ur t giḍ leqder i tmurt n Ruman! .... ».

Ayen akw d suffyen, nek susmey, gguniy anda a teffey. Ččiγ s wallen widen d isawalen, yiwen yiwen akken ad cfuγ fellasen. Win ččiγ s wallen netta ad isers allen is, ad isusem am zun ur illa di tirkeft nni iseglafen. Zziγ tamuγli-w i tzeqqa nni n Senat. Zerreγ idurran nni

n yemdanen. Nitni rekkmen seg wurfan, nek rniγ tasusmi, nitni rennun deg wurfan ugar.

Taggara, mi kkreγ ad d netqeγ, iseγl id C. Baebius, inna yi d : « d nek ad d isiwlen, kečč susem kan !». Baebius iskefl-ed tiḥila nsen yiwet yiwet, ifsi tundar cudden s wawalen i yes tent cudden nitni. Inna d tiqerḥanin, iseγl id tasusmi di tejmaât.

Yefra unejmaâ n Senat. Ticerkett nsen tezgel.

S wurfan n taluft nni i d yernan i d ff $\gamma$ e $\gamma$ , ǧǧi $\gamma$ -en Ruma  $\gamma$ er deffir, d abrid  $\gamma$ er Sirţa.

Tuffγa d ffγeγ si Ruma, fran tt nitni γursen zun d ansar i d nesreγ, d tarewla i d rewleγ. Wid yundin ticerkett, wid akken ibγan ad glun s uqerru-w, ufan tawwurt deg ad seḥmun at Senat, nnan « mi yerwel, d tidett, armi inγa! ». Akka!

Di Ruma gwten wid ib $\gamma$ an ccwal ugar. Mi tent xerrzen akken Senat ad imil  $\gamma$ er tama nsen, ad a $\gamma$  ittef akken nella, taggara nni $\gamma$  asen i imeddukal iw : ddut ! D abrid kan ar a $\gamma$  ijebren. Ayen d ikkan gar-a $\gamma$  yid-sen drus !.

Mi d neffeγ si tiγremt n Ruma, tuli d tkurt n wurfan, zziγ γer deffir, seγleγ γer tiγremt, dγa nniγ asen : ""Tiγremt usekkak, ad d yas wass n nger is ass-mi ad taf bab-is".<sup>22</sup>

<sup>22</sup> " Vrbem uenalem et mature perituram si emptorem inuenerit !" / "Ville vénale, et qui ne tardera pas à périr si elle trouve un acheteur ! ".

Mi d wde $\gamma$  yer Tmaz $\gamma$ a, mi kecme $\gamma$  Sirta i yas uki $\gamma$  i twa $\gamma$ it deg nella. Ayen akw nuzzel, taggara in $\gamma$ el, iwwi t wasif. Azar n tixubta yella deg-ne $\gamma$ , taggara yerra ya $\gamma$  t id akken tella di tazwara. Ad as nu $\gamma$ al i wgadir swadda.

Di Sirta, giγ aberraḥ, γreγ i tejmaât n yemγaren. Usan d akken llan, di yal tiγmeṛt n Tmazγa, di yal adrar, di yal azaγar. Tadyant meqqret, iγimi-s ad yiγzif.

Mi tedduγ ad asen iniγ awalen imezwura, greγ tamawt i tejmaât nni, dγa tkakiγ d ayen ẓriγ di tejmaât n Senat di Ruma, di Curia nni.

Di Sirta ur llan at Nobilis, ur llan at popular. Yiwen wedrum i yellan. Zdat wallen iw llan kan Imaziγen am nek. Yal yiwen d amγar n tmurt deg yella, yusa d seg Awras, si Aγbalu, si Tedmayt, si Tezmalt neγ ansa nniḍen. Yal yiwen yusa d acku uznen t id widen illan dinna. Ur illa d idammen n jedd-is, neγ d igran n yirden is i t id issawḍen γer tejmaât n Tmazγa. Żriγ imir ayen illan γurneγ, ayen ur illa γur Ḥuman. Γurneγ imdanen yiwen wazal nsen, ur llant tseddaṛin ger imdanen. Masnsen, jedd-i, ass-mi yuγal d agellid, yuγal s yiγil is d wayen iga s timmad is, ur illa s idammen n jedd-is netta.

Wiγ asen d i wid d izzin tadyant akken tebda armi d taggara, awal zdat Senat, tixidas n wid ibγan ad aγ snegren, tadyant n Masiwen. Nniγ asen taggara, ussan d iteddun ur llan d ussan n tifrat gar-aγ d Ruman. Si tura a nheggi iman-nneγ i yimenγi yidsen. Tilisa nneγ d nekwni kan i d tiseγlit nsent. Nniγ asen, ma zik ngen tanafa, ass-a a

ngen kan azgen, ma zik neqqen snat wallen, ass-a a neqqen kan yiwet tiţ, ma zik nedda d tikli, ass-a a nazzel.

Nek sawleγ asen, nitni slan d, nnan d ayen ẓran d abrid, tamuγli nneγ yiwet.

Tefra tejmaât n imγaren, tekker, yal yiwen yuγ abrid is ad isiweḍ awal i yat tmurt is, akken ad isuffeγ aberraḥ ameqran n tnekra.

## Tallit n Albinus Postumius

C. Bestia izzi γer tmurt is ur isers tifrat, ur iṛṇa afud n Yugurten. Awal is iṛṇa t Senat n tmurt is. Yuγal γer Ruma am zun ur d izgir. Di tegwnitt nni, laâsker nsen berken di tlisa n tmurt n carthage, nekwni nbedd γef yiman-nneγ, negguni ass is.

Ur negguni aguren mi nesla izger d jiniral Albinus s weglaf n laâsker. Yal asafar n imenγi igla d yes. Acḥal d ababur i d iččur akken ad isemγer trad. Yides idda d gma-s, Aulus, d aâsekriw am netta. Mi yaγ d sawḍen awal wid illan di tmurt n Carthage, suffγeγ awal i yal tamurt n Tmazγa. Ass n trad ass-a yusa d.

Ussan imezwura, Irumyen bdan suffuyen d tuccar nsen, tikwal da, tikwal din. Teddun am arzen nni n teyrast, ur ǧǧan iymert. Yiwen wass ad qqsen tiyremt, igran, ass iḍen ad hudden tiliwa d tmedwa n waman. Ansa kkan d ayilif, ala Imut, idammen akw d imetṭawen i d teǧǧen yer deffir. Nitni teddun, nekwni tikwal ngezzem asen abrid, tikwal neǧǧa ten ad zrin. Tiṭ nney newkni, nebya a nzer amek tikli nsen. Axbacen nni nsen, iban ed ur illa d abrid nsen nitni. Iban d abrid n tiḥḥerci. Acku Ruman, ma yeqsed tamurt, d nger. Di tallit nni, nek zriy ayen illan di tyezmert n Ruman, acḥal n yergazen i yellan, ma d nitni ur zran acḥal n yergazen i zemrey ad d sdukkley i tṛad. Γef aya, di yal timlilit yidsen, tefkey asen kan ayen iwulmen akken a ten qablen. Irgazen d igwran ugar.

Ansa i d ffγen, ad d afen imaziγen zdat nsen, neγ ad d ḥlellin deffir nsen, zun teffγen d am tγirdemiwin si ddaw tmurt. Ansa kkan ad

afen Imaziγen zwaren ten γer wemkan. Nedda yasen yiwet yiwet, armi ččan tiyita di yal tama. Qbel ad akwin ansa i yasen d tekka tyita, Imaziγen uffgen, ffγen annar imenγi. Nedda yasen am tasna n warzen, tuqqsa γef tikkelt, affug γef tikkelt.

Tewḍ ed tegrest, iɣli d usemmiḍ, tṛad ifra. Laâskeṛ n Ruman uɣen amkan nsen; qimen anda i ten tuɣ. Di tallit nni, akken iẓṛa Albinus tetraḥ ṛẓaget, teteddu ɣer uqerru-s, yuɣ abrid, yuɣal ɣer Ruma. Di Tmazɣa, iǧǧa d gma-s, Aulus, akken ad iḥkem laâskeṛ is.

Di Ruma terwi gar-asen. yal tama tekkat akken ad tettef Senat. Ur fran. Teqqim akken texrez. Tafrent ur d tezmir ad d tili. Di Tmazγa, Aulus isla amek terwi di Ruma. Ikker, wissen ibγa ad izwir ad ikfu trad akken ad yawi iseγ i yiri-s, neγ ibγa kan ad d isuffeγ tuccar is, di yennayer n tegrest d usemmiḍ, isuffγ ed laâsker is akken ad nnaγen yidneγ. Abrid is amezwaru γer tiγremt n Sutul<sup>23</sup>.

Mi nesla s tedyant nni, nuzzel akken ad as d neg afrag i Sutul. Qbel a naweḍ, nemlal deg webrid widen uzneγ akken ad d awin isalan si Sutul. Tiγremt tefreg, agadir is ad iteṭṭef. Aulus ur izmir ad ikcem. zzin as i tiγremt acḥal n wuḍan d wussan, nekwni negguni d si tγaltin. Aulus amcum, anekcum ibγa ad ikcem tiγremt, tigwdi yugad ad yaẓ γer zdat. Yuki yas d taqerḥant. Mi neẓra akken, nniγ asen i wid illan yidi : a neddu a nqeṛṛeb γures, a t id nesselqeḍ netta d laâskeṛ is γer wennar ilaqen ; syen a nẓer ma d imenγi i γef iteddu

<sup>23</sup> Sutul = Astul (?); ur nessin anta tiγremt ass-a di Tunes, neγ di Lezzayer.

Aulus, neγ d askan n tezmert is kan. Illa deg wawal n zik : "ma tseγleḍ, ewwet ! Ma ur tezmireḍ, ur sγal !

Ayen wumi zware $\gamma$ , fki $\gamma$  widen ikecmen ger laâsker n Aulus. Yal tardast i ddan, yiwen segsen ad a $\gamma$  d isiwed ayen illan, anida llan, d wayen nnan. Tga ya $\gamma$  zun gar-asen i nella.

Nekwni neteddu, nitni teddun deffir nneγ. Tameddit n wass, Aulus d laâsker is gan agraw ad nsen deg yiwen wegwni. Agwni nni zzint as d tawrarin si yal tama. Amkan nni nessen it, nessen iberdan is. Akken d iγli yiḍ, usan d γurneγ wid nneγ sawḍen aγ awal, dγa nniγ asen i ccifan illan yidi :

- "A wen d iniγ awal. Acḥal n wussan aya i nessensar i Aulus. Newkni nezra ayen illan, netta ur izri. Di traḍ d axḍaf. Win iwten d amezwaru i yezwaren γer miḥlal. Tamsalt n Aulus a tt nefru ass-a. A nekcem deg yiḍ tagrurt is. Yal yiwen segwen ad ikker ad iheggi laâsker is".

Γas ẓran imenγi n yiḍ ur illa d tanumi nneγ, taggara ẓran ilaq aγ a t nefru. Mi d nniγ awal iw susmen, yal yiwen ikker ad iheggi wid ines. Tiremt nseggem idurra, d abrid γer tekwant anida iffer Aulus akw d laâsker is. Nedda yas xmat xmat, awal ur illa. Nekka yasen d s ufella, nezzi yasen γef idisan, ur illa wanida a rewlen.

Mi zriγ nezzi d akw i terbaât, nga ameqyas, neγli fellasen am akken tγelli tmedda γef wewtul. Qbel ad a akwin ad zran ayen iḍran yidsen, nekwni nesserwet asgwen deg gnen. Ur zran ad rewlen neγ ad kkren ad wten γef yiman-nsen. Nadam, aâggu n tikli acḥal n wussan akw d wesduqqes nni, abrid nsen d anejli akka d wakka.

Ikker herwel ameqran deg wennar nni. Amur ameqran segsen rewlen, dduklen γer yiwet tewrirt illan nnig wemkan nni. Nurez Aulus, laâsker neǧǧa ten ad nesren. Yuγ lḥal nezzi d akw i tmurt nni. Teḍra yid-sen am iγerdayen deg umerdax. Aulus nurez it id, atmaten is ur illa anida a rewlen. Mi yuli wass, sutreγ as i Aulus a ten nefru.

Si tlemmast n yiḍ, si mi i yasen nekcem annar, nezzi yasen, nek refḍeγ srusuγ amek i d ixef is temsalt agi. Ayen bγiγ nek, d abrid n tifrat nekwni akw d Ruman. Imenγi n wass-a, nek bγiγ ad irnu tardast i tifrat. Tella daγ tayeḍ ; γurneγ axsim ma yeγli, iwweḍ tamurt, ixnunes, argaz n tissas ur as irennu tiyita. Akken i yas ddiγ i Aulus, qimeγ γer tama-s, nniγ as :

- Tusam d ad aγ tennaγem di tmurt nneγ. D kenwi i d izegren ilel, tkecmem d Tamazγa nneγ. Nekwni ur nra tṛad nekwni d Ruman ; i nessarem kan d talwit, yal yiwen ad iqqim di tmurt is, ad iqqim di tlisa s. Taggara tesseflem d acḥal n laâsker ad tgem tṛad deg wakal nneγ. Keč a Aulus, uγal γer tmurt ik, siweḍ awal iw i Senat di Ruma. Mi yas kfiγ awalen iw, γreγ i sin nneγ tṭfen ixtucen, sutreγ asen ad bedden, ad gen tawwurt gar-asen, si tama γer tayeḍ. Aulus di tamas, iγra i laâsker is ad sersen uzzal nsen. Imenγi ifra.

Seγleγ as i Aulus d amezwaru, idda d s leḥder, ikna, izra ddaw ixtucen nni. Syen, wa deffir wa, Irumyen nni, zran di tewwurt armi d aneggaru. Neǧǧa ten uγalen γer Utique.

Mi yewweḍ wawal n twayit iḍran γer tmurt n Ruma, ikker deg-sen uferfud. Awal nsen yiwen kan :"Amek d tella tifrat d Yugurten, amek Aulus ifka awal n Ruma, netta i yugaden ad immet, yugad ad iwwet s yiyil ilmend yessers ajenwi ines. Awal n Ruma ala Senat i izemren a t yefk. Aulus nni i yay d iwwin tacmatt, awal is ur degs azal."

Albinus, dadda-s n Aulus izra tadyant n gma-s γer yixef is i tezmer ad d teddu, iseḥma awal akken Senat a tt ifru, ad d yernu laâsker γer Tmazγa. Di tmerwi nni, Senat igguma ad idu deg wawal n Albinus, igguma ad d yernu laâsker. Albinus inneγwna, txerb as twenza, syen yuγ abrid n Tmazγa, ikcem γer Utique.

Nnan, mi d yusa kan si Ruma,  $\gamma$ as di tlemmast n tegrest, ib $\gamma$ a ad d isuffe $\gamma$  laâsker is akken ad yerr ttar n gma-s. Mi yefhem tawa $\gamma$ it deg llan laâsker nni, yugad ad yečč tiyita tis snat. Isers iman-is, igguni tafsut, igguni ass-is.

Tadyant nni n Aulus terna d fellaγ aferfud. Di Ruma cudden arkasen akken ad d rren ttar, Albinus ihegga iman-is, nekwni neqqim, newhem amek i d ixf is. Abrid is iban anida i teteddu. Ad yerγ uzegzaw γef uquran. Tilufa n Ruman nessen itent acḥal aya. Di tazwara kan suffγeγ aberraḥ i twizi tameqrant. Yal tamurt ad d tefk irgazen.

Ayen i ya $\gamma$  ixulfen nekwni akw d Ruman d wagi : nitni sbedden tamurt nsen  $\gamma$ ef tejmaât n Senat, adabu illa, laâsker illa. Yal tikkelt a sen d te $\gamma$ li taluft, d timerna kan i d rennun i wayen iheggan.

Nekwni di Tmazγa, ur teddunt akken. Nnig laâsker i yellan yidi seg yixef γer yixef useggwas, amur ameqran d ifellaḥen i d itekkren ma

yili uberraḥ i tṛad. Yugar deg-sen i yuɣen tanumi d uqabac, i yuɣen tanumi d ujenwi neɣ d uneccab. Γas akken, yal yiwen deg-sen mi yebges, zun d izem. Γas d ifellaḥen, nitni yal ass heggan akken ad wten ɣef tmurt nsen. Ma d tiyita n Ruman, tikwal alamma tewweḍ ɣer talast i d teffken udem. Acengu, ɣursen, d win kan d ikecmen tilisa n taddart nsen. Tuɣal-ed tmuɣli nsen ansi d uɣalent tlisa n wakal n tiɣremt nsen. Γursen, win d ikecmen Tamazɣa, skud ur d iwiḍ akal nsen, am zun ur illa.

Amur ameqran n tikli akw d tazzla, teddu $\gamma$  ten akken ad fru $\gamma$  tilufa n imen $\gamma$ iyen gar-asen. Mi tefra yiwet ad d tlal tayed. Akka yal tamurt, yal tallit. Tikwal  $\gamma$ ef tkessawt, tikwal  $\gamma$ ef waman n wasif, tikwal  $\gamma$ ef wulac ne $\gamma$   $\gamma$ ef wawal ger sin imdanen. Mi tekker tmes, ugar i d irennun i cwal id ikečmen i tifrat. Akka i d at tmurt nna $\gamma$ .

Ddiy i yal tamurt akken a nesbedd tanekra. Di yal tiyremt, ad yili wefrag, ad yili wayen ččen aguren ma yezi yasen Ruman. Anda ur llan t tesrafin, nyez tisrafin i yirden, timzin, tazart, tini. Yal taddart ad tili tgella ines. Anda llant tuddar ur nefrig, nesdukkel itent anda yella wefrag. Nesulli ayen illan d irgazen, imnayen, igemren. Wid isefsayen uzzal begsen, wid inejren asyar hebken i tanjert n temsegfin, n ixtucen d ineccaben. Yal yiwen ikker, irgazen, tilawin. D tiwizi tameqrant, d tiwizi n tmara. Di yal tiyremt, ilmezyen kkren, imezyanen bedden di yal tawrirt, di yal tiyilt, allen nsen hercent. Ayen imbawlen zran t, awal iwed tiyremt.

Mi fran di Senat n Ruma, Albinus ilaq as ad yuγal γer tmurt is. Ad yuγal akken d asemmad, ur d irra ttar n gma-s. D Cecilius Metellus i wumi d fkan di Senat ad ibedd γef Tmazγa. Tamurt nneγ nekwni, nitni sbedden as d aqerru si Ruma, am zun d ayla nsen nitni!

## Tallit n Metellus Cecilius

Metellus irna d laâsker ugar, irna d uzzal, igemren, syen yuγ-ed abrid n Tmazγa s wacḥal ibaburen. Mi d iweḍ yufa d Albinus. Izzi d akw i wanida llan laâsker n Ruman. Yal tama yekka yas d, taggara izra s wallen is ayen illan. Ala asekkak γer gma-s, ala yir tanumi di yir iberdan. Izra tawaγit nni n laâsker nsen. Ur llan d wid γef a yettkel. Ifhem, ur llan d wiḍ izemren ad yeg trad mgal Imaziγen.

Akken ad yaγ abrid n trad, Metellus, ilaq as ad ibeddel udem n laâsker is. Ussan kan imezwura ibeddel asen tikli, ikkes asen ayen n dir, ikkes asen yir tanumi, isbedd iten s tazzla, tikli d walmad n trad gar-asen; yal ass ad beddlen amkan, yal ass ad ddun akin akka. Acemma kan yerra yasen d ifadden nni n laâsker.

Ayen akw ixeddem Metellus, nekwni γef tiţ nneγ. Acḥal n tikkal i yas uzneγ i Metellus akken ad as d naf tawwurt. Tṛad nekwni akw d Ruman, nek ur t bγiγ, Metellus ur as illan d abrid ilhan. D yir abrid i sin yid-neγ, d yir abrid i Ruma, d yir abrid i Tmazγa. Uzneγ as imdanen akken, s wawal ilhan, a nekkes tagut illan gar-aneγ, ad d naf abrid n tifrat.

Metellus iqqen it akken nniden. Ilmend n tifrat, Metellus iwet ad yeg ticerket s yal amdan i yuzneγ. Ireggem i yal yiwen, i yal amdan ar as yessiwden ger ifassen is Yugurten icudd am izimer.

Ass-mi i ya $\gamma$  d ḥkan widen akw d iweṣṣa, fehme $\gamma$  ur illa laman d wergaz agi. Fas akken, ur kkise $\gamma$  layas. Nni $\gamma$  as, ayen nezzu $\gamma$ er

ugar, ayen d nḥella di talwit ugar. Di Ruma, zriγ tezmer ad tbeddel tallit, izmer ad ibeddel udem udabu, ad zrin waguren, ad tekkes tγennant fell-aγ. Γuri, Metellus akken i yas fkan laâsker ad yeg trad, i zemren ad as d aznen azekka ad yuγal ansa i d yusa. Yal ass i d nekkes i trad γuri ilha.

Metellus icudd arkasen, ibγa ad ibeggen i widen t id yuznen izmer as i tṛad n Tmazγa. Ibγa ad ibeggen i yexṣimen is di Ruma atan istahel amkan agi deg yella. Ibγa ad ifru uguren n Senat di Ruma s idammen n Tmazγa. Akka di yal tamurt, di yal tallit. Amdan yiwet tikli ines ; tilufa n wemkan agi ad iwet a tent ifru seg wemkan nniḍen. Tga am temsâaraqt nni : « afus is deg wfus inu, ṣṣut is agemmaḍ-in ».

Yiwen wass armi d bdan teff $\gamma$ en d laâsker n Metellus si tlisa n wakal Carthage, d abrid  $\gamma$ er Tmaz $\gamma$ a. Mi yi d sawden awal, uki $\gamma$  i yir ussan wden d. Ayen akw newwet akken ur d keččmen akal nne $\gamma$ , assatewd a $\gamma$  tafat  $\gamma$ er wanzaren. Ur illa anida a nesinef.

Di tazwara, mi d bdan tikli nsen, ur serγen, ur nγan, ur snegren. Metellus akw Marius teddun d, nwan a yi d afen deg webrid gguniγ ten. Teddun, teddun abrid nsen γer Tiγremt n Begga. Dinna di Begga, ǧǧan tarbaât n laâsker, ttfen tiγremt, syen rnan ddan abrid nsen γer zdat.

Nitni teddun, nek sedduγ awal nni inu. Nniγ as γas cudden d arkasen i tṛad, nezmer ad d naf tasarut n tifrat. Ur iẓra yiwen ansa ad d tas tafat. Awal n Metellus i widen uzneγ ur ibeddel ara, iqqim yiwen is : "awit i yi d Yugurten d ameddur neγ d aγerrus".

Illa deg wawal zik "mar a taweḍ tfidi s iγes, ur illan anida a terreḍ". Metellus isaweḍ tifidi anida ur itekkes iqerriḥ. Nufa, ilaq as ad iḥliles, ad iẓer tegreḥ n imenγi akken ad d yuɣal γer webrid ilhan.

Nefra ad sen neqqim di tzayart n Mutul, akin i wasif. Nezwar asen, nhegga iman-nney dinna. Bumelxirr yuy amkan is s laâsker is akw Ifilan illan, nek ttfey d amkan agemmad yer tama n tiyilt. Nefra amek i d ixf is mar ad d awden amkan nni. Neqqim negguni ten. Awalen nni i yasen nniy i laâsker nney ur ten ttuy. Awalen nni usan d seg idammen iw, usan d seg izuran n tmurt nni n imezwura nney. Ass-en tkakiy d jedd-i, Masnsen. Ur byiy trad ur qebbley azaglu i tmurt iw. Nniy asen i laâsker nney:

- "Ay atmaten! ass-a yusa d wass deg a nekkes azaglu i tmurt nneγ! Ur neffiγ iberdan, ur nekcim tamurt n medden, ur nezgir ilel akin i wedrar n Tgergert a naweḍ tamurt n medden! Ass-a aqlaγ di tmurt nneγ, deg wakal nneγ anida llan izuran nneγ d yeγsan n imezwura nneγ! Ur nezmir a nefk afus di tmurt nneγ! ad aγ zmen lejdud nneγ! Wid d ikecmen ass-a usan akin i yilel, usan akin i wedrar, rzan laânaya n tmurt nneγ, kecmen Begga! Ma neǧǧa ten, ad kecmen yal tiγremt, yal tamurt! Talast, d nekwni a sen t id igen s yiγil nneγ! Ur nuzzel γer trad! Nezwar s yiles, s wawal n talwit, s wawal ilhan akken ad d nefru tiyersi icudden! Ass-a ur d fkan tamezzuγt, ur gan ccan i wawal nneγ! Ma tella tuzzma, fell-asen kan a d tili! Aqli zdat nwen! Acengu ad d iteddu! Iseγ nneγ, iseγ n tmurt nneγ d kenwi i ibedden akken ad as terrem tiseγlit! Aqlaγ

neddukel afus deg wfus, tayett γer tayett a nerrez iγil i yaγ d iwden! a nerrez afus i yaγ d inulen! Abrid n yiseγ! Abrid n tissas d kenwi!". Rniγ smektaγ asen d tadyant n Aulus akken ad zren ma nebγa, neddukel, nekwni nezmer.

### Rniy asen:

"- Tadyant n Aulus iḍelli kan i teḍra. Nyil ass-en nuy abrid n yisey, nerra Aulus akw d laâsker is d imudduren, neǧǧa ten uyalen yef iḍarren nsen, yer ixxamen nsen. Nekwni nebya talwit i tmeddit, taggara Ruman yerna d laâsker, yerna d uzzal akken ad yeg trad mgal nney. Iḍelli d Albinus akw d gma-s Aulus, ass-a d Metellus. Udem nsen yiwen, d udem n tyennant akken ad rren tamurt ddaw uzaglu nsen. ihi, nekwni a sen nini ala ! Tamurt nney, akal nney, nekwni d Imaziyen ur nqebbel azaglu. Ass-a yal yiwen segwen ad iger afus ad ijeqqem azaglu n Ruman. Ass-a tamurt d kenwi i tegguni!".

Mi d iweḍ Metellus s laâsker is, yufa yaɣ d nhegga yas ticerket. Mi d wḍen ɣer wennar nni, zran aɣ d, dɣa zzin, sdukklen iman-nsen i wmenɣi. Rutilus, s wmur n laâsker nni, yuɣ abrid tama n wasif, Metellus iteddu ɣer zdat s wmur nniḍen, Marius igwra ɣer deffir. Ur nezzi, ur nezzuɣer. Nek si tama, Bumelxir si tama nniḍen, neɣli fellasen. Tussna imenɣi n Ruman tga am tiddas. Am akken tt lemdeɣ di Numance i tella. At tmurt nneɣ daɣen nek ssneɣ ten. Armi tt cerweɣ meṛriɣet i sen slemdeɣ tussna imenɣi n Ruman. Nnig laâsker nni yellan yidi, wiyaḍ d ifellaḥen. Ur tella tiddi, ur tella tmussni. Mi tekker, nitni ad hebbjen am tassna n waṛzen. Yal yiwen

akken i yas d tusa tmuγli, akken i yas d tban tyita ad as iddu. Laâsker nneγ, yugar i llan d ifellaḥen i llan d iaâskriwen.

Deg imenγi nni, yella wayen i yaγ iferqen nekwni akw d Irumyen. nekwni nessen amkan, nitni ur t ssinen. Nitni zzayi-it, nekwni fesssus-it, nekwi nesgunfa, nitni aâyan si tikli mi d wden γer tzaγart nni. Ayen i yaγ iferqen, rriγ t d afud akken a nesserwet Metellus akw d laâsker is. Rniγ asen taggara i wid nneγ, qbel ad tekker : "anida twalam yessefk, serset tiyita". Akken i teḍra. Mi nemmeγ fell-asen, yekker degsen herrwel.

Metellus iḥrec, issen. Di tlemmast n tyita, Iẓra d iḍ i d iteddun, isdukkl ed kra n wid is, yuɣ abrid n tiɣilt nni yellan zdat-es. Wid nneɣ yellan dinna, ur as d gezmen abrid, nesren akka d wakka. Acemma kan armi neẓra amur ameqran n Ruman uɣen tiɣilt nni. Iḍ yeɣli d, nefra imenɣi ur tekka tama di tayeḍ. Metellus inser, neǧǧa-t ad yuɣal ɣer wansa i d yekka.

Tidett, ur riγ ad snegreγ laâsker n Metellus. Lemmer d ayen i riγ, yili dinna ad as nezzi. Ad azneγ i yal tamurt ad d tefk irgazen. Ur d iteffeγ si tewrirt nni alamma yemmurt neγ yurez s icuddan nneγ. Neǧǧa t ad inser akken ad as neg abrid i tifrat γer zdat.

Ilmend deg ad yerr aḍar, ad d yelli tiwwura n talwit, Metellus yu $\gamma$  abrid n nger. Anida yedda, anta tamurt ikcem ad d yeǧǧ nnger  $\gamma$ er deffir ; times i yigran, ahuddu n i $\gamma$ erman, tamettant i wid d yufa deg webrid is. Ansa yekka ad yeǧǧ ixerban, idim akw d imettawen.

Ilmend a t id nqabel akken ad as negzem abrid, nekwni neğğa iteddu. Simmal iteddu, simmal itezzu taγennant, issakway-ed ttar,

imdanen zerren s wallen nsen udem n Ruman. D udem n twayit, n times, n nger. Yal tamurt nekcem deffir Metellus ad d begsen wid illan ddren. anida nufa yeğğa Metellus laâsker aten nessenger. Akken i yas nedda acḥal. Nufa d Metellus i yaγ d isenkaren imdanen, i yaγd irennun iγallen.

Nek, γas nerra zun d urar n wemcic d uγerda, tiţ rriγ tt γer Ruma. Unzaγ acḥal d amdan akken ad zren imeddukal iw dinna, am wid n Senat, am wid d iffγen si Senat. Riγ ad d naf tifrat, yal yiwen ad izri di tewwurt. Γas amennuγ mgal Metellus iteddu, abrid n tifrat nek γuri ur irgil, asalu illan izmer ad irez, asirem ur ikkes. Tilufa n Metellus, γas mačči s lfeṛḥ i tent nzer, nerra tent zun d uzu i tγennant mgal Ruman. Yal yiwen a yezren aγezzu nni n Ruman, ad yeg talast garas d Ruman. D asif idammen i yeγz Metellus akw d Marius ger Imaziγen akw d Ruman.

Di tikli nni, Metellus inwa iteddu anida i yas ihwa. Di tidett, iteddu anida i yay ihwa newkni. Tamurt ney tiyremt ur nra a tt ikcem, nteg as d afrag isennanen. Acḥal n tyita i d ičča deg webrid is. Netta iyil iṭṭef tamurt, nekwni nezra nesseksay it akken ad irnu ad d yefk udem n tidett n Ruman. Akken day at tmurt nney ad zren azal n tmeddurt tilellit, akken ad gen talast ger tudert n talwit, tudert tamaziyt, akw d tuqqna ddaw uzaglu n Ruman.

Metellus, giγ-as afrag akken ur ikeččem Sirta akw d tiγremtin nniden. Ma deg wzaγar, neǧǧa t iserwet. Di tidett, tikli ines tefka d i at tmurt nneγ udem n Ruman. Win ur t nessin zik, ass-a issen it.

Tudert n talwit tikwal tesufffuγ ed ayen n dir seg wayen ilhan. Assmi illa jedd-i Masnsen d agellid, neγ deffir-es di tgelda n Makawsen, ulac tiγmert n tmurt deg ur d illa imenγi ger tiγremtin, ger tuddar neγ ger txerrubin. Tikwal d imenγi γef wayen deg ur illa wazal ; γef tlisa n tkessawt, γer terga n waman i tissit n tebḥirin, neγ tikwal γef snat turdas n wakal. yal tikkelt ar d taweḍ γer tummeẓt, γer ucangal, timseggft neγ aneccab. Mi γlint tmegraḍ, syen ad uγalen i tuzzma, i "tenniḍ-i d, nniγ-as". Di tallit nni, ur ẓran acengu n beṛṛa. Imir, acengu nsen d atmaten nsen, d lǧar nsen, neγ d win icerwen tidi yidsen. Tilisa n tmurt, ur tent ẓeṛṛen, ur llant deg wallaγ nsen. Tilisa n tmurt baâdent fell-asen akken ibaâd igenni γef tmurt.

Tikli n Metellus, nek γuri, tusa d akken ad tekkes tidderγelt agi n at tmurt nneγ. Ansa izra Metellus ad yeğğ imeţṭawen, ad yeğğ daγ taγennant n at tmurt i yisem n Ruman. Γas ulac ticraḍ nebla idammen, tallit nni ur nra ad tiγzif. Yal tikkelt neẓra anida yella netta s laâsker is. Anida yella nekwni ad as nheggi tarbaât ad ten inebcen si deffir mi kecmen tiγremt. D anbac kan, syen laâsker n Ruman ad d uγalen γer deffir ad gen afrag i yiman-nsen; tiγremt nni a tt ğğen, ad nesren deg webrid nsen.

Amur ameqran n laâsker is i d neṭṭef deg imeɣi, neǧǧa ten d imudduren. Mi sen nenna awalen iseggmen, amur segsen uɣalen d laâskeɣ nneɣ, ddan yidneɣ.

Urar nni n wemcic d uγerda gar-aneγ idda acḥal n waguren. Lemmer irna aseggwas yili ad negren laâsker n Metellus, ad d igwri

iman-is, ad yu $\gamma$ al  $\gamma$ er Ruma. Si tazwara, di yal imen $\gamma$ i anida yella, awal iw nek yiwen kan : anzad n Metellus ur ilaq ad t innal yiwen. Metellus yusa d d ameddur ad yu $\gamma$ al d ameddur  $\gamma$ er Ruma. Ur sen nettefk sebba nniden.

Yiwen wass nesla, Metellus yuγ abrid n tiγremt Zama<sup>24</sup>. Iweḍ aγ d wawal akken kan bdan tikli. Nekwni negzem, nekka ansa nniḍen, nezwar iten γer Zama. Metellus neǧǧa iserwet anida nebγa, ma d Zama ur tt keččmen iḍaṛṛen is. akken tebγa teffeγ. Amezruy n Zama d ameqran. Nek, cubeγ Zama am mummu n tiṭ-iw seg wass-mi lliγ d amezyan. Zama d tiγremt deg innuγ jedd-i masnsen mgal laâsker n Carthage. Dinna i yerza afud n Hannibal d laâsker is. Zama d iẓuran nneγ, d akal ur isendaf Metellus ass-a.

Di tallit nni, Masnsen akw d Scipion sdukklen iγallen nsen akken ad dehmen Hannibal akw d Sifaks ass-mi d kecmen Tamazγa. Dehmen ten, srewten ten, srewlen ten, taggara rran d akw akal n Tmazγa i wgellid Masnsen. D Masnsen s timmad is, izwar zdat laâsker is, ikcem annar imenγi. Tadyant nni n Zama<sup>25</sup> teqqim-ed ar

\_

 $<sup>^{24}</sup>$  Zama = Zama (ti $\gamma$ remt anida innu $\gamma$  Masnsen mgal Hannibal ; ti $\gamma$ remt illan di Tunes.

Trad n Zama yura fella-s Tite Live, amaru n Ruman "L'historien latin Tite-Live fait un récit très imagé de cette bataille: « Un combat singulier s'engage entre Massinissa et Hannibal. Hannibal pare un javelot avec son bouclier et abat le cheval de son adversaire. Massinissa se relève et, à pied, s'élance vers Hannibal, à travers une grêle de traits, qu'il reçoit sur son bouclier en peau d'éléphant. Il arrache un des javelots et vise Hannibal qu'il manque encore. Pendant qu'il en arrache un autre, il est blessé au bras et se retire un peu à

ass-a: "Di tlemmast imenyi, Hannibal akw d Masnsen myezren, myaâqalen tiţ γer tiţ. Hannibal ineggez d tidist inser i waxtuc nni yerran γures. Syen iwt-ed s tezmert is. Axtuc is inta deg wagmer n Masnsen, iγli immut. Masnsen ineggez γer tmurt, yedda s tazzla γer wemkan deg yella Hannibal. Netta ittazzal, ixtucen nettun deg wefrag is (bouclier) igan s weglim n lfil. Mi d ikkes yiwen wextuc a sen t yerr yer zdat, ad iyli yiwen segsen. Deg wedwi nni, yiwet tyita tenta deg yiγil is. Idim ittazzal ; Masnsen isedreg iman-is, yunef akin, cudden as iyil is, syen yedda yer zdat yef wegmer nniden. Imenγi iḥma ugar mi d zran Imaziγen agellid nsen yedda tt am yizem yer zdat. Hannibal iteddu ikkat, itsuyu yef laâsker is, tikwal ad yerr akin, tikwal ad yerr akka, axtuc idda, ajenwi idda, acangal idda. Fas akken ikka tt di cedda, Hannibal izra simmal irgazen is nessren, wa d amejruh, wa isedreg ixf is. Irna iwet ayen wumi izmer, taggara, isdukkel tarbaât, izdem akin, yeffey seg wennar imenyi. Masnsen izra t ula d netta. Isdukkel tarbaât is, idda di later is akken a t id ittef

l'écart... Sa blessure bandée, il revient dans la mêlée, sur un autre cheval. La lutte reprend avec un nouvel acharnement, car les soldats sont excités par la présence de leurs chefs. Hannibal voit ses soldats fléchir peu à peu, certains s'éloignent du champ de bataille pour panser leurs blessures, d'autres se retirent définitivement. Il se porte partout, encourage ses hommes, abat par-ci, par-là ses adversaires, mais ses efforts demeurent vains. Désespéré, il ne pense qu'à sauver les restes de son armée. Il s'élance en avant, entouré de quelques cavaliers, se fraie un chemin et quitte le champ de bataille. Massinissa qui l'aperçoit se lance avec son groupe derrière lui. Il le presse, malgré la douleur que lui cause sa blessure, car il brûle de le ramener prisonnier. Hannibal s'échappe à la faveur de la nuit dont les ténèbres commencent à couvrir la nature. » (2eme guerre punique (-218, -202)).

neγ a t ineγ. Win ittazzal, win ittazzal deffir-es. Hannibal inser di tillas n yiḍ i d iγlin". D tadyant nni n Zama i yenfan Hanibal si tmurt is. Iffeγ si Carthage, inγa iman-is di tmurt n Surya.

Di tikli nneγ γer Zama, negla yidneγ amur ameqran n laâsker nni n Ruman i d nettef d imeḥbas. Neẓra ad gen nnig wayen wumi zemren akken ur d γellin ger ifassen n Ruman.

Dinna di Zama, nseggem tiyremt, nesuli ifergan d ineccaben, nyez tisrafin, nerna ayen ilaqen i trad. Imezday n dinna begsen, heggan iman-nsen. Mi zriy afrag i Metellus d Marius yuli, ffyey d si tiyremt akken a sen d gganiy si Ibaâd. Tiţ iw nek, riy a neg taḥilett akken laâsker n Ruman a ten nesselqeḍ berra n tiyremt, akken ur keččmen Zama. Riy imenyi ad d yili berra n Zama.

Mi d neffe $\gamma$  si Zama nekka abrid ad d a $\gamma$ en Metellus akw d laâsker is. Deg webrid nni mi nteddu, nemuger widen nne $\gamma$ , nnan a $\gamma$  d  $\gamma$ ran Ruman iteddu d. Nnan a $\gamma$  d tarbaât tameqrant teteddu deg webrid is, ma d Marius s terbaât is yunef  $\gamma$ er ti $\gamma$ remt n Sikka ad d iglu irden i laâsker nsen.

Dinna sin iberdan i yellan. Ilaq aγ a tt nefru : anegzem abrid i terbaât tameqrant n Metellus d iteddun γer Zama, neγ a neḍfeṛ Marius iteddun γer Sikka. Zama ttekleγ fell-as, ẓriγ tezmer ad teṭṭef adham amezwaru n Metellus. Zziγ, nniγ asen i laâskeṛ iw, d abrid γer Sikka. Deg yiḍ i neweḍ γer dinna. Nufa Ruman izwar aγ, uγen amkan, heggan isuka n yirden ad d win. Mi yuli wass, mi kan d ffγen si tiγremt, neγli fell-asen. nekwni nedda fella-sen si zdat, at Sikka

hemlen d fella-sen si deffir. Nerra ten am iγerdayen gar-aneγ. Ala win i snesren iḍaṛṛen is id iffγen d ameddur. Marius netta iḥrec, mi tekker kan irwel akin i wennar imenγi, isenser agerru-s.

Mi tefra tin n Sikka, nezzi d γer webrid n Zama. Nezra Ruman zwaren γer zdat, am Metellus am Marius abrid nsen iban anida teddun. Nekwni neteddu, nferru tent amek a sen neg. Mi nemcawar gara-neγ, nseggem laâsker, nenna yasen ayen negguni segsen. Nedda yiwet yiwet.

Mi newweḍ zdat Zama, neẓra imenɣi yekker. Ruman zzin i tiɣremt kkaten, wid nneɣ begsen, win d qesden a t id ḥerqen. Yal tiyita tedda, iẓra imeqranen, aneccab, axtuc, zzit d waman yerɣan. Si yal tama ala tiwaɣyin. Afrag n Zama ur irtim.

Am tyita n Sikka, am tedyant n wass-a zdat Zama. Ruman tnaγen γer zdat armi zran laâsker nneγ yekka yasen d si deffir. Ikker degsen uferfud. Ur zran anida a rren, ur zran anida a rewlen. Nerra ten d ilemmasen, nesserwet ayen wumi nezmer, syen simmal nekkat, simmal njebbed iman-nneγ akken ad nessebaâd γef Zama, nitni ddan di later nneγ. Nudi tt, teṭṭef! Ruman ttun γer Zama i d abrid nsen. Iḍ yeγli d, yal yiwen yuγ amkan is. Ur tekka tama di tayeḍ.

Metellus ittef yiwet tzaγart, isemlal dinna laâsker is, nekwni nuγ tiγilt akin, at Zama theggin i wass amcum.

Qbel ad yali wass i heggaγ laâsker nneγ. S leḥder, nbeddel amkan, nezzi yas d i laâsker n Metellus akken a neγli fella-sen si anida ur bnan. Akken i teffeγ. Mi yuli wass, nitni heggan iman-nsen, nekwni

nekmen, nesusem, ur zran anida i nella. Mi bdan tikli qublen afrag n Zama, nekwni neγli d fella-sen. Am idelli nni, am ass nni. Nezwer igemren s tazzla, di tlemmast n laâsker nsen. Yugar i rekden igemren i newwet s iγallen nneγ. Si tsebhit armi d tameddit nekwni d imenγi. Yal tama tekkat ayen wumi tezmer. Iγli d yiḍ, yal yiwen yuγ amkan deg a yesgunfu.

Γas nezmer newkni a nekcem tiγremt n Zama, nek ur riγ a nekcem. Ufiγ d tṛad nni ibeddel udem. Win i d yusan ad as izzi i tiγremt, yufa d iman is nezzi yas nekwni. Tiyita nni n Sikka tefka yi d tasarut n imenγi. tadyant n Zama tefra tt id ugar.

Ass wis sin, akken kan yuli wass, Metellus isdukkl-ed ayen d igwran di laâsker is, yu $\gamma$  abrid is akin.

Zama ur tt kecmen idarren n Metellus.

Tagrest tewd-ed, Irumyen sdukklen iman-nsen di tmurt n Carthage neγ di kra iγerman i ttfen di Tmazγa. Nekwni di Sirta, ncudd itt akken ad d naf abrid n tifrat akw d Ruman. Kks-ed ansa i nekka, reglen d iberdan. Senat n Ruma igguma ad aγ d ifk udem. Widen illan degs seḥman abendir akken ad idum webrid n trad. Wid iran talwit, awal nsen ur sen sellen.

Mi uzneγ irgazen i tifrat, a ten id rren qbel ad kecmen Ruma. Teqqim tcudd.

Metellus akw d ifesyanen is,  $\gamma$ as imen $\gamma$ i ur illa, stufan d i tḥila. Iweḍ i d wawal n tikli-s. Ayen ur d iwwi s yi $\gamma$ il is d laâsker is, ikkat a t id yawi

s tiḥerci. Izzi akw i wid illan yidi, icban Bumilker neγ wiyaḍ akken ad d yaf iγisi gar-aneγ, ad yaf afus ar aγ izenzen. Tikli s ẓriγ tt.

Si Ruma reglent ed tewwura, nuγal nerra tit nneγ γer Metellus. Nniγ asen i wid nneγ, ma nesserdeb Metellus, tamezwarut a nessenγes uguren n trad i tefsut d iteddun, tis snat netta ad isiweḍ isalan ilhan i Ruma. Ma nerra t id γer webrid n tifrat, illa usirem ad aγen awal is di Ruma. Yella deg wawal, "dir win ittaysen".

Akken i nefra. Metellus ad as nazen tarbaât n tifrat. D Bumilker i d amγar n terbaât. Nefra ad as inin awalen agi i Metellus :"Nekwni nra tifrat akw d Ruman. Abrid n trad ur ilha i nekwni, ur ilha i tmurt n Ruman. Nekwni yidwen nemyussan. Acḥal iseggwasen aya neddukel, nennuγ deg yiwet tama, nennuγ di Sbanya, nekkes ugur n Carthage. Ass-a ilaq aγ ur ntettu ayen izran. Abrid n Scipion akw d Masnsen, ilaq ad yili d abrid nneγ ass-a. Tadyant i kwen id iskecmen γer tmurt nneγ, lmut n Aderbal akw d Hiemsal, d ugur illan gar-aneγ nekwni. Ur newwiḍ Ruma, ur nra a nekkes leqder γef Ruma. Ayen nra nekwni d tifrat d webrid n talwit. Nek, Yugurten n At Yiles, qebleγ ad rzuγ γer Utique di tmurt n Carthage neγ γer tmurt n Ruma akken ad qableγ imγaren n Senat nwen. Ur ugadeγ, ur illa kra i wen sanfeγ."

Ass-mi d tuγal terbaât si tmurt n Carthage, win d awal ilhan : Metellus isuter ad gableγ dinna di tiγremt n Tisidum.

Akken friγ ayen ilaqen di Sirta, friγ d ṛṛay iw ad awḍeγ Utique. Anziz usirem ma yella ilaq aγ a t id nettef. Awal nenna a nettef degs.

Sdukkle $\gamma$  tarbaât, u $\gamma$ e $\gamma$  abrid n Utique. Llan yidi wid iddan tikkelt tamezwarut akw d Bumilker, rni $\gamma$  kra n wiyad. Abrid  $\gamma$ ezzif, nteddu nferru tent, nreffed nesrus i tedyant deg nella.

Tuccar n Metellus,  $\gamma$ as sli $\gamma$  yissent, semzi $\gamma$  tent.  $\Gamma$ as ssne $\gamma$  t, nni $\gamma$  as wissen ib $\gamma$ a ad ya $\gamma$  abrid n yise $\gamma$ , ad isen $\gamma$ es uguren i tmurt is. Netta illi d tawwurt, nek ilaq iyi a t defre $\gamma$ .

Abrid uγeγ nek s timmad-iw, riγ ad as sfehmeγ tadyant. A nemlil akken ad as sfehmeγ ayen d isuter dgi d ayen ur nqebbel. Isuter d ad as nefk ayen akw illan d Ifil, urawen n ureγ, akw d imeḥbas Irumyen i d neṭṭef deg imenγiyen. Asuter agi n Metellus ur illa d abrid isuffuγen γer tifrat. Argaz ad d isutren anect-a ur illa d argaz n wawal. Timlilit n Tisidum tugi tt neyya-w. Di tazwara d Utique, tezzi tuγal di Tisidum. Sbeddeγ agmer, nniγ as i terbaât :

abrid irgel, a nuγal γer Sirta!

Mi d nezzi, nniγ asen ayen walaγ d abrid. Imir zriγ ur tezmer ad tili tifrat gar-aneγ, nek akw d Metellus.

Nerna kra waguren i deg ur d illa imenγi, ur tella tifrat. Anida llan Ruman keblen, nekwni nettheggi iman-nneγ. Yiwen wass usan d isalan si Ruma: Senat yefka tamurt n Numidya i Metellus!

Awal nni isduqqes iyi. Ma yella kra kukraγ deg webrid uγeγ zik, assen yekkes ukukru. Senat n Ruman di Ruma yefka tamurt n baba d jeddi i Metellus, argaz i d izegren idelli kan si Ruma!

Ayen wumi xemmeγ tazwara, mačči i yat tmurt-iw iddren am nek. Wid wuγur xemmeγ d wid immuten, d iγsan n ibabaten nneγ, n tiyemmatin nneγ, iẓuran nneγ. Wigi ur zmiren ad d γren, ur zmiren

ad d kkren akken ad rren tiyita, ad kksen aqezzul n Ruman. Nitni mmuten, nekwni a ten nesdari, a nerr talaba i yiγsan nsen, i wakal nni deg netlen.

Metellus tettunefk as d tmurt si Ruma, zun tamurt ur tesaâ imawlan, ne $\gamma$  tlul ed deg waman n yilel, ger Carthage akw d Ruma. Isalan nni fran d tadyant n temlilit ihegga Metellus di Tisidum. Nek  $\gamma$ uri ur tella d timlilit n tifrat. Fur Metellus, timlilit nni, d ticerkett, d tasraft deg a yessedrem widen yumnen awal is.

lberdan n tifrat reglen d, i yaγ d igwran ala abrid n yiseγ.

Nekker fellaγ, nezzi i tmurt, nga aberraḥ akken ad d nesbedd irgazen a yekksen lḥif n Ruman. Yal tamurt seg nekka nufa nnig wayen i nesarem. Yal tamurt seg yezra Metellus, anida i yesserγ igran d tizeγwa, nufa atmaten nneγ kkren d akken llan. Aḍu n twizi isuḍ ed i truzi uzaglu n Ruman, yuγ yal tamurt.

Mi d nesemlal irgazen nne $\gamma$ , nu $\gamma$  iberdan seg ikka Metellus. Yal tamurt seg izra nerra d asirem segsen. Anida llan Ruman nesenger iten, anida ur llan nerna d irgazen. Akken armi nesmed ajemmal.

Deg wedwi nni, llan iγerman i yaγ izwaren i tnekra, i tyita n Ruman. Tadyant n tiγremt n Begga tezwar itent. Tadyant nni teṛza d asalu i tnekra mgal Ruman.

Deg wass amenzu n tefsut, tiγremt teččur d laâsker n Ruman. I imensi n tefsut, yal Amaziγ n Begga isekcem d inebgi n Ruman, yiwen neγ sin segsen. Taggara gan asen timecreţ, tečča ten tefrut, ur d igwri yiwen segsen. Wid segsen illan di berra, ur iila anida a rewlen. Tiwwura n tiγremt reglent, ixammen deg zedγen gan as d

afrag Imaziγen. Zzin asen imezdaγ, wa s uneccab wa s ujenwi, armi ten snegren. I d igwran segsen d ameddur ala afesyan nsen, T. Turpilius. Ğğan t at Begga d ameddur, yuγal γer Utique.

Dinna di Utique, Irumyen hekmen as s Imut, nγan t.

Si tedyant nni n Begga i yaγ ikkes unezgum. Nek, kkseγ ccek deg iman-iw : azar n tnekra yella deg idammen nneγ ; illa ugellid neγ ur illa, yal amdan n tmurt nneγ izdeγ degs uzar nni n yiseγ seg ur iqebbel tabarda n imnekcem. At Begga kkren, begsen, cuddden tt gar-asen, taggara ksen isem n Ruman di tiγremt nsen. Ass-a zran, ayen yebγu yili γer zdat, nitni huccen, sengugin adabu n Ruman s iγallen n tdukli nsen. Γas ur sen tdum tallit nni.

Tadyant n Begga akken i tt nezra nekwni d iseγ i yewweḍ wawal n twaγit is γer Ruman, Metellus akw d Marius. Mi yesaweḍ Turpilius γer Utique, ala netta i d ameddur, tuγal asen am wid idrewcen. Ur fhimen amek imezdaγ n Begga rzan lqanun n Ruman, nγan laâsker n Ruman! Tuγal asen d tuḥsift, d taγennant.

Qbel ad slen, ad ikcem uferfud di laâsker n Ruman, qbel ad beddlen tikli nsen, teddun ad zerren lexyal n watmaten nsen immuten di Begga, Metellus icudd arkasen is. Ur d zzin sin ne $\gamma$  tlata wussan mi d isuli ajemmal n laâsker, abrid is  $\gamma$ er Begga akken ad yerr ttar.

Iseγ degneγ i yella, laâr degneγ i yella. Yal tamurt akka. Yal tamurt i tekcem tmurt nniḍen, amur ameqran s ufus n at tmurt nni. Anida ur illa wfus, ur illa imnekcem. Akka tadyant n Begga.

Mi teddun laâsker n Metellus γer tiγremt n Begga, qbel ad awden tiwwura n tiγremt, isbedd iten Metellus deg webrid. Izwer imnayen Imaziγen illan yides. Iga ten Metellus d afrag γer zdat. Mi wden timizar n Begga, akken ten id zran imezdaγ is, ur gan anezgum, nwan d imnayen nneγ. Udem nsen d Imaziγen, iles nsen d tamaziγt. Si tmuγli nni, iaâssasen n tiγremt d akw d ifellaḥen illan deg tebḥirin nsen qimen di tfellaḥt nsen, tiwwura n tiγremt ǧǧan tent Ilint. Akken kecmen imnayen nni n Metellus γer Begga, taggara zzin d γer deffir, srewten wid illan zdat nsen, nγan wid i ten id iqublen, urzen tiwwura n tiγremt, syen iwd-ed Metellus s laâsker is Irumyen, ikcem Begga. Ikker usuγu di tiγremt, Ruman ikcem tasga. Nγan wid nγan, serγen tizeγwa n tiγremt, hudden ayen hudden. Cudden imeḥbas fernen, win ten d aklan nsen.

Si tyita nni n Begga, nek kkseγ layas n tifrat si tama n Ruman. Ayen i wumi zemren xedmen t. Tikli n Metellus akw d Marius tban am azal. I d igwran yidsen d ajenwi!

Zriγ amennuγ mgal Ruman ad yiγzif. Ilmend n wedham kan n laâsker n Ruman deg imenγiyen imeqranen, alamma tama tekka di tayed, nek ddiγ abrid nniden. Ilaq aγ a nessiγzef imenγi, a ten nesefcel yiwet yiwet alamma imeqraren n Ruma ttun tadyant n Tmazγa. A nesiγzef imenγi, a newwet akken ur d rennun laâsker si Ruma, syen ad d yas wass ad ibeddel wudem n Senat di Ruma. Nessarem ad d nemlil γer zdat imγaren wid wukud a nemsefham, wid wukud ad d nefsi tundar.

Sin iderma nni n Senat, popular akw d nobilis, d amjaddel yal ass anwa a yaγen adabu n Senat. Yal tama tekkat s wayes tezmer, s tidett neγ tfukal, akken ad d teţţef tasawent. Deg was γer wayed, tezmer ad tbeddel udem. Wid d ifkan Metellus γer Tmazγa, zemren ad irez wawal nsen; ad d asen deffir nsen wid ar as d iγren i Metellus ad yuγal akin netta d laâsker is.

Γas abrid imenγi injer, abrid n tifrat ur t nettu.

I Metellus fkiγ as wid ad t isedhun, i Ruma uzneγ i wid illan dinna ad siwden awal iw i wid iseddun Senat akw d wid sarmeγ ad kecmen tazeqqa n Curia γer Senat si sya γer zdat.

Zziγ i tmurt akken tella. Yal azaγar, yal adrar kkiγ as d akken a nesemγer tanekra. yal tamurt nekcem, amager yiwen is : tawaγit n Ruman tewed iten neγ slan yes, irgazen heggan i twizi. Wid i d yuγalen seg imenγiyen hkan asen tidyanin deg llan.

Mi d tusa tegrest, amur ameqran n laâsker n Metellus u $\gamma$ alen  $\gamma$ er tmurt n Carthage, wid iqqimen deg wkal n Tmaz $\gamma$ a sdurin iman-nsen deffir ifergan n tregwa i  $\gamma$ zen deg wakal, tisulal n wes $\gamma$ ar d wuzzal. Qqimen, gunin ussan n tefsut. Nekwni ncudd itt, nuzzel akwessar d usawen i tnekra.

Tallit nni, seg wakken rriγ tamuγli-w i imenγi n Ruman, anida rezfeγ ufiγ at tmurt iw, mezzi neγ meqqer, begsen i twizi tameqrant, nwiγ nezmer i wedrar a t nerr d luḍa. Udem nni n tdukli isferḥ iyi. Uγaleγ ttuγ tilufa nni yakw illan ger at tmurt. Ttuγ imenγiyen nni di yal tamurt γef tlisa, γef ifergan, γef igran n tkessawt deg izuγar neγ deg idurar.

Yal tallit usegwass s tlufa s. Tikwal a tekker ger sin, taggara a tuγal d tṛad ger snat tiγremtin, neγ sin laâṛac. Mi tekker, azzel keč ad tt tefruḍ. Tikwal alamma kecmen imnayen annar i tferru.

S tmuγli nni n tdukli gar-aneγ deg lliγ, tadukli nni am iḍudan ufus, i d iγli felli wesyax n Bumelxir.

Bumelxir illa am gma neγ ugar. Anida ur lliγ, d netta i d awal iw, d netta i d titt iw. Neddukel, nemyussan si zik n zik. Nedda lwaḥid, di temzi, deg imenγi, di talwit. D netta dγa i γef tekleγ, fkiγ t ad iselqem awal akw d Metellus. Bumelxir issen Ruman, issen amek teteddu tmurt nsen.

Ilmend a yesedhu Metellus, a t isgen s wawal akken a nezzuγer imenγi ar d yas wass n tifrat, Bumelxir yuγ abrid nniḍen.

Di tazwara ur umineγ. Bumelxir illan am gma, ur nwiγ ad d yas segs uγurru.

Acḥal n tikkal mar a neqqim, netta ad d yuɣal ɣer wawal nni ines : "ilaq aɣ a nefru nekwni d Ruman ; ur nezmir i imenɣi mgal adrar n Ruma ... uɣal ɣer Ruma, suter smaḥ n Senat, a sen nefk ayen yellan d lfil, d agmer neɣ d agerruɣ n wureɣ ; awi d kan ad aɣ ǧǧen ...".

Yal tikkelt a ten d isni wawalen agi, nek ad as iniγ i Bumelxir : "Ruman ur ssinen talast nnig talast n yiγil nsen. Wid illan zik, wid ifran d Masnsen, wid iqudren awal nsen nitni d Makawsen, ass-a negren. Wid d igwran di Ruma, d wid i γillen timura akw nsen. Anida tewweḍ tiṭṭ nsen ad γillen d ayla nsen nitni. Nek ssneγ ten, ẓriγ amek ẓerren timura ass-mi lliγ yidsen deg imenγi n Numance di Sbanya.

Tawat tesuffuγ γer yir iberdan. Akken i yasen teḍra i Iṛumyen. Γillen ddunit tebna γef yiγil neγ γef yixef ujenwi, mačči γef tmussni akw d leqder n tlisa. Akka i llan nitni."

Akken i yas kkiγ i Bumelxir, netta ad d izzi γer wawal nni n kennu. Iggim as zun d tanicca deg wallaγ is.

Acengu illan γer zdat, ayen d yusan seg-s tebniḍ fell-as. Tiḥila, tiḥerci, yal tifxet tezmer ad d tili, yal tiyita tezmer ad d ternu. Acengu n zdat, zwir it γer tyita qbel a k izwir, zwir it γer tsawent qbel a k izwir. Ma d acengu ad d iffγen deffir-ek, acengu ad d ilalen ger watmaten ik, winna ur tella degs tewwurt. Tiyita n deffir ur tebniḍ fell-as, tqeṛṛeḥ, tesefcal ugar.

Akka tiyita n Bumelxir, tekka yi d si deffir ur bniγ fell-as.

Ger webrid n yise $\gamma$  deg a nekkes azaglu  $\gamma$ ef Tmaz $\gamma$ a, netta ifren abrid n kennu zdat Ruman, syen yu $\gamma$  abrid n tixubbta. Ilmend a yesgen Metellus, taggara yu $\gamma$ al iyi d afus n Metellus i tyita n watmaten is.

Cudden tt, xerzen tt. Metellus, Bumelxir akw d wid nniḍen, gan tifxet akken ad a $\gamma$  arzen, ad a $\gamma$  cudden d imedduren. S ufus n Bumelxir, Metellus igguni ad a $\gamma$  awin  $\gamma$ ures ncudd aḍar afus. Taggara, tirga nni ur as teffi $\gamma$  i Metellus.

Yiwen wass, iweḍ i yi d wawal s tesraft nni i gan qbel a neɣli deg-s. Tabratt nni d yusan ger ifassen n Nabdales syen tewḍ ed ger ifassen iw tefra tent id. Ur illa din ccek. Tadyant teqqen, tefra, nek ur ukiɣ.

Ass-mi d nurez Bumelxir, nesuter as ad aγ d isefrez iberdan i t isawden γer taluft agi. Awal is igzem : "d keč, Yugurten, i d afrag i tifrat nekwni d Ruman. Ma tettwakksed keč, ad d tili tifrat gar-aneγ. Nra tamurt nneγ, nra talwit, ma d keč teggumad ad tefked udem. Ansa i yak d nekka, ur d nufa tawwurt...".

Awalen nni n Bumelxir, win akken wukud nuzzel, nennuγ Aṛumi acḥal n tikkal, ass-a yuγ abrid n kennu zdat imnekcem. Awalen nni n Bumelxir, mi sen selleγ nek, selleγ i tiḥeṛci n Metellus.

Metellus iskecm ed tawekka gar-aneγ ur as ukiγ. Akken fehmeγ tamsalt, bant ed tḥila i yas inna Metellus i Bumelxir akken a t isiweḍ γer talast agi ; "keč a Bumelxir, Senat n Ruma ur izmir ad ak isuref seg-mi tegreḍ afus di Imut n Masiwen di tlemmast n Ruma. Azekka nezmer a nefru nekwni akw d Yugurten. Nezmer ad d naf tawwurt i tṛad agi yellan gar-aneγ. Tella yiwet, ma nefra, tifrat ad yilin ad teglu s uqerru-k keč. Senat ad isuter a k nawi tcuddeḍ γer Ruma akken a k ncaṛaâ dinna, Yugurten iqbel ad yefk afus deg-ek."

Awal nni asekkak n Metellus, yekka yas deg wul i Bumelxir, yumen tikerkas n Metellus. Ikellex it yir akellex. Tečča yas i Metellus. Bumelxir yuγal am zun d asafu, ireq ittaẓ γer zdat.

Mi nefra cṛaâ n Bumelxir, ur d igwra liser, ur d tewgra tiẓeṭṭ n tmeddurt. Fas Bumelxir immut, lexyal is izde $\gamma$  a $\gamma$ . Wid ifkan afus yides, wa yemmut, wa yerwel  $\gamma$ er tmurt n Carthage, yedda d Ruman.

Tawekka tkecm ed tasga. Ma yella Bumelxir ass-a ifka afus, yal yiwen seg wiyaḍ izmer azekka ad yefk afus, d Nabdales neɣ d wayeḍ. Refdeɣ serseɣ, ufiɣ d adway kan i d ixef is. Nnan zik « ma teddiḍ d wasif ur izmir a k yawi wasif». Tamurt i wḍeɣ, qbel ad serseɣ, ad serğeɣ i tikli anida nniḍen. Amkan anida lliɣ d wemkan anida tedduɣ uɣallen ttin, xerzen am tundar uxerraz. Anida qimeɣ i wučči, tiḥdert n weɣrum aquran, taɣenjawt neɣ snat n seksu, nek kkreɣ. Awal n tisin n Yugurten akw d wawal n tuɣalin n Yugurten, mlalen. Ur iẓra yiwen mi d usiɣ neɣ mi zriɣ, beddleɣ tamurt. S tikli nni n yal ass, safeseɣ amur uɣilif d iɣlin fell-i.

Tiyita n Metellus, ilaq ad as tuγal. Anida yella Ruman fkiγ asen wid a ten isduqsen. Akken daγ wid nneγ ad asen ikkes wefcal nni, ilaq asen ad rren udem nsen i imenγi mgal Urumi. Yal tamurt tekker, tezzi yasen i laâsker n Ruman yellan dinna.

Nek abrid iw friγ t. Tedduγ uḍan ussan akken ad afeγ anida illa Metellus. Γas zik kkateγ akken ur t tekkat tyita, akken ur t ittaweḍ uneccab, ad d iqqim d axṣim, azekka a nemsefma yides, ass-a tallit tbeddel. Netta iwḍ ed aqerru-w, nek ad qesdeγ aqerru-s. Tedduγ, simmal seqrabeγ γer later is. Tuγal gar-aneγ am amcic d uγerda. Tedduγ ad t id ttfeγ am uγerda deg wmerdax. Yal yiwen ikkat ad izwir wayeḍ. Netta iẓra, nek ẓriγ.

Di tiγremt Tala<sup>26</sup>, qrib i nemlal. Rziγ γer din akken ad d kkseγ syen arraw iw. Γas amkan ifreg, ufiγ iqreb tamurt n Carthage. Metellus izmer ad idwi γer din. Ur zran sin neγ krad wussan si-mi d ffγeγ tiγremt mi yewweḍ Metellus s laâsker is.

Zzin as i Tala, sulin tisulal i yaâricen akken ad kken nig wefrag, nnig icerfan izzin i tiγremt. Gan ayen wumi zemren akken ad kecmen Tala. Metellus inwa din i lliγ. Isdukkl ed ayen yellan d laâsker γer din, iγil ad ikfu din tṛad n Tmazγa s tuṭṭfa n Yugurten. Nnig wagur imenγi d wamek kecmen Iṛumyen Tala.

Ass-mi wḍeγ γer din, deffir tyita nni n Metellus, d nnger i yeḍran di tiγremt. Riγ ad ẓreγ s wallen iw. Ur d igwra ugadir ibedden, ur d igwra useklu ibedden, ur d tegwra tmazirt zegzawen. Anida yeweḍ ufus n Ruman, iǧǧa d ixerban, tabuxt d lmut γer deffir. Inigan d igwran d imedduren, d wid kan inetlen di tmizar n Tala. D tiselbi kan i yasen d igwran. Gwran d, ur mmuten, ur ddiren.

Tadyant n Tala iffeγ wawal is di Tmazγa. Imdanen zran ayen wumi yezmer Ruman, anda izmer ad isiwed. Acengu a yesiγen times i tiγremt akken s imezdaγ is, ur illa usirem ad d yas liser seg-s. Imenγi yekker, ad tekk tama di tayed. Yal yiwen izra iman-is.

Tikwal llan isalan isefraḥen, llan wid iseqraḥen. Di tiyremt n Lebda (Leptis Magna), imdanen uyen abrid nniḍen. llmend deg ar a fergen tiyremt nsen, nitni uyen tama n Ruman. Sutren i Metellus ad a sen d irnu laâsker akken ad harben fell-asen.

Taggara n Yugurten

57

<sup>&</sup>lt;sup>26</sup> Di tiyremt **Tala** i d kkren, i llan zedyen warraw n Yugurten.

At Lebda ur llan d Imaziγen deg izuran nsen. Amur ameqran segsen usan d si tmurt n Tyr. Γas iles nsen yuγal d Amaziγ, nitni ǧǧan laâwayed n tmurt seg d usan. Tṛad n Tmazγa, zun nitni ur ten id iwwiḍ. Ilmend deg ar a begsen γef iman-nsen, nitni malen γer win ugaden. Sutren laânaya i Metellus d laâsker is. KKsen d iman-nsen seg wakal nni γef teddun, rran iman-nsen ddaw laânaya n win d yusan s ibaburen si tmurt illan akin, agemmad i yilel.

Tamurt tekker, tiwizi mgal Ruman tbeddel udem is. Akken ad d nernu irgazen, zegreγ tiniri γer watmaten nneγ Imucaγ, illan din. Γas ur aγ qriben, tcerk aγ tmurt. Ruman ma yeṭṭef Tamazγa ufella, tama deg anida nella nekwni, azekka ad yaweḍ tamurt n wadda. Acengu ilaq ad as tgeḍ talast akin, ansa kan i d ikcem. D awalen agi i yasen nniγ i yat tmurt n wadda. Taggara, rran d awal, nnig wayen sarmeγ. Aẓar nni n tnekra akken illa γur-neγ i yella γur-sen. Ass-mi d uγaleγ syen, d timrawin n imnayen i d iddan yidi.

Tamurt n wadda kkseγ tt deg weγbel, tekker, syen qesdeγ tamurt ugellid Buxus, Tamazγa utaram.

Ilaq aγ a nessemγer admer n imenγi mgal Ruman. Ilaq aγ a nesdukel iγallen nneγ akken a nessemγer tiyita. Di tazwara, Buxuc ur t tewwiḍ temsalt. Ur illa d aḥbib, ur illa d acengu n Ruman. Maca, tella yiwet. Ma Ruman yuγ tamurt nneγ, abrid is iban, tikli-s tban,

azekka ad iwet ad isihrew. Azekka ad yaweḍ tilisa n Buxuc. Mačči d asif n talast, asif n Melwen<sup>27</sup>, ar a t id irren γer deffir.

D awalen agi i yas nni $\gamma$  i Buxuc. Fas nemyussan, nemcarak, yelli-s deg wexxam iw i tella, sawel $\gamma$  as akken a yesiwel wemdan i gma-s. tesdukkel a $\gamma$  tmurt, tesdukkel a $\gamma$  tmeslayt, sdukklen a $\gamma$  idammen. Acengu d yusan  $\gamma$ er yiwen, yusa d  $\gamma$ er wayed. Ur tella trewla, ur tella tdarit deffir wuffal, icban awal nni "axxam n baba yer $\gamma$ a, meqqar ad seḥmu $\gamma$ ". Times n Ruman ur tferreq ger tzeqqa ma tella akka ne $\gamma$  akin i talast.

Buxuc yuγ abrid n yiseγ, ibges ed i tnekra mgal Metellus.

Mi nefra nek akw d Buxuc, nesemlal ed laâsker nneγ deg wzaγar akken a sen nesefhem tamsalt i ifesyanen n Buxuc. Din i yasen nniγ ass-en: Yal tamurt tefka leqder i tlisa-s, yal tamurt tbedd i tudert di tmurt ur tettili ddaw uzaglu n win ad d yasen ansa nniḍen. Si zik n zik, tudert nneγ tebna γef tlelli. Nekwni d Imaziγen ur nessin azaglu d tirni. Ass-a ur nezgir asif, ur nezgir ilel a nekcem tamurt n medden. Ruman d ikecmen tamurt nneγ izegr ed ilel yusa d a yerr tamurt nneγ ddaw uzaglu. Ur illa d ayen a neqbel. Anwa deg-wen ar iqeblen azaglu n Ruman?

Imdanen, tiγremtin, timura, di ddiq i d tettban tdukli nsen. Ass-a, aqlaγ neddukel acku tesdukel aγ temsalt, sduklen aγ izuran, isdukel aγ uzekka. Izmer azekka ad yili d tafat ma neddukel, izmer ad yili d tillas ma ur neddukel. Timlilit n wass-a tefka γaγ d tafat ar aγ

<sup>&</sup>lt;sup>27</sup> Asif n Melwen (Muluca, Moulouya) : talast ger tamurt Numidya, tagelda ugellid Yugurten akw d Tamazya utaram (Maurétanie), tagelda n ugellid Buxuc (Bocchus).

isiwden akin i yi $\gamma$ il, akin  $\gamma$ er wussan anida imdanen ur kennun ddaw uzaglu.

Tamurt tekker, d kenwi i d iyil is, d afud is, d azekka usirem ines."

Nebda tikli, abrid nneγ γer Sirta.

Si tedyant n Begga, n Tala akw d tiγremtin nniḍen, Metellus ikcem s laâsker tiγremtin nniḍen. Di taggara ur riγ ad irnu ad iserγ yal tiγremt n Tmazγa. Si tedyant nni n Begga akw d Tala, yal tiγremt seg a zriγ tiniγ asen yiwen wawal : ma yusa d Ruman, eǧǧet tiwwura n tiγremt llint. Γas ikcem ass-a, azekka ad iffeγ, ad yafeg am tagut unebdu. Yif ad ikcem tiγremt ibedden wala ad iserγ ayen nebna acḥal iseggwassen aya.

Akken i teffeγ. Anida yewweḍ Metellus akw Marius, ad afen tiγremt llint tewwura s. Netta iγil malen γursen imezdaγ, nekwni neǧǧa beddent tiγremtin nneγ.

Tadukli n laâsker nneγ akw d wid n Buxuc, abrid is yiwen. Nefra γef Metellus ad as nekkes aqerru. Ur illa webrid nniḍen.

Anida yella a neγli fell-as. Ma yeffeγ si Tmazγa, a t neḍfer alamma d Utique, di tmurt n Carthage, ula d tinna d tamurt nneγ. Nefra, ad d nuγal s uqerru-s, anida yebγa yeffer.

Deg webrid n Sirta, nedda netheggi imenγi mgal laâsker n Ruman. Imenγi izmer ad yili zdat n Sirta, di Tiddis, neγ deg wzaγar. D Metellus ad d ifken tasarut is. Sirta nefra a tt nekcem, ad d nerr

tiγremt i imawlan is. Syen tamsalt n Metellus a tefru din neγ anida nniden.

Mi yesla Metellus s tdukli nneγ, iga anezgum ameqran. Tiḥerci nni n Ruman s wayla-s. Metellus iwet ad aγ ibḍu nek akw d Buxuc. Tifukal isedda i Bumelxir, iwet ad tent iseddu i Buxuc. Yuzen d wid ad d isiwḍen awal is i Buxuc. Yal tamacahutt i iwet yis akken ad aγ ibḍu, ad d yeg ugur gar-aneγ, inna yas i Buxuc : "nekwni yidek a nemsefam, ur illa tṛad, ala lxir i yellan ; a naru laâqed anida wa ur ittaweḍ wa ; tamurt ik ur tt nkeččem. Ur tafaṛ Yugurten, di yir abrid i yella ...".

Buxuc, irra yas awalen ilaqen i Metellus. Inna yas, ma yella kra n laâqed, netta d Yugurten ar a t yaru, mi yeffeγ si tlisa n Tmazγa, ma d Tamazγa n Buxuc, Mauretania, tebaâd akin fell-as.

Tadyant teqqim akken, ger imnayen d yuzen Metellus akw d wid d yuzen Buxuc i Metellus. Ur nekcim Sirta, ur nekkis Metellus.

Tusa d tegrest, yal yiwen yuγal γer wemkan is, ar d kksen igefran imeqranen, ar d fsin isula ideflawen.

### **Tallit n Marius**

Yiwen wass yusa yaγ d wawal ; ikka d si Senat n Ruma : Marius ittwafren, yuγal d netta i d consul (jiniral) n Numidya deg wemkan n Metellus. Yuγ it lḥal yuγal γer Ruma nnig lebγi n Metellus.

S wawal nni nefhem s uzu $\gamma$ er nni izu $\gamma$ ur irennu Metellus. Si tazwara ines, zi $\gamma$  d asedhu kan i ya $\gamma$  isedhuy . Tamsalt teffe $\gamma$  as afus.

Nefhem tamuyli n Ruma: ur ibeddel tamuyli-s γef tmurt nneγ. Ilmend deg ad d llin tiwwura, ad d aznen γuri akken ad d naf tifrat, nitni fernen win ar iseḥmun trad ugar, win ar yernun tardast akin γef Metellus. Marius ssneγ t di trad n Numance, d aâsekriw deg idammen, d argaz n wawal, iḥemmel tamurt is. Mi yella ddaw Metellus, ur as fsin iγallen, icudd it Metellus. Ass-a d netta wuγur d tegwra. Fehmeγ, ad as nuγal i temsalt s wadda.

Di tefsut d yusan i nesla izegr ed Marius  $\gamma$ er Utique, irna d ibaburen n laâsker. Ass-mi d yusa Marius, Metellus tu $\gamma$  it izger akin, yu $\gamma$ al  $\gamma$ er tmurt is. Ur ira ad t id yaf Marius, ur ira ad imlil yides di Utique. Garaasen si tazwara d tismin d tuzzma.

Mi d iwed Marius, ikker, yuγ abrid n tṛad.

Sibda iseggem laâsker is, isdukkel wid illan akw d wid i d irna, iffγ ed si Utique, izegr ed tilisa, ibda tikli di tmurt n Tmazγa.

Amennuγ mgal Metellus ifka yaγ d abrid a nedfer di tallit tamaynut mgal Marius. Di tazwara negguni ad ifreq laâsker is. Neǧǧa ten

kecmen d tamazγa, teddun iberdan nsen, beţṭun γef tiγremtin. Simmal ferqen, simmal tazmert nsen tferreq ugar. Yal tiγremt wden ad afen tiwwura llint. Ur illa imenγi, ur tella tmes, ur lluzen imezdaγ nni. Nufa abrid nni ilha.

Nek akw d Buxuc, negguni ass-is deg a nedwi fell-asen.

Acḥal n tikkelt i neɣli ɣef laâsker n Ruman anida ur aɣ ggunin. Snat tyitwin kan, mi ten nesduqqes, neqqed kra seg-sen, ad d neffeɣ seg wennar. Nitni ad ɣillen nerwel, nugad iten, nekwni a neddu deg webrid nneɣ a nesduqqes tarbaât nniḍen. Akken i yasen nedda acḥal n waguren. D axbacen kan, imenɣi ameqran ur d illa. Marius nessen it iḥrec, nekwni nunef seg webrid is.

Tiyita tameqrant tamezwarut n Marius tusa yaγ d si Gafsa.

D tikkelt tamezwarut i yedda laâsker n Ruman deg webrid aγezfan, igzem azaγar nekwni ur nesla. Nuγ tanumi, di yal tikkelt ar a mbiwlen laâsker nsen, nekwni ad aγ d yaweḍ wawal. Di yal tiγremt, di yal tiγilt, di yal taqiccurt, nesbedd wid iggunin, wid izerren iberdan uγen lrumyen. Anida ddan, nekwni nesla. Tiyita n Gafsa tenser aγ. Marius mi yeffeγ s laâsker is, yezzi deg webrid, yunef akka d wakka. Mi yeweḍ asif n Tanis, ibeddel abrid. Ihegga tiyelwin n waman, syen iffeγ seg webrid ameqran. Iteddu deg yiḍ, iteffer deg wzal. Ur iẓri yiwen anida i yella.

Yiwet yiwet armi wden tawwurt n tiγremt n Gafsa.

Mi yeweḍ Gafsa, iɣli ɣef imezdaɣ n dinna ur bnan ɣef iman-nsen. Marius yurar urar ni n Metellus ass-mi ikcem Begga. Mi qrib ad yaweḍ, izwer imnayen Imaziɣen, wid illan ddaw ufus n Gawda. Mi ten id ẓran at Gafsa nwan d at tmurt s tidett. Taggara, mi ẓran ɣer deffir laâsker n Ruman, ikker herwel.

Akken ad isekcem tawekka di tmurt nneγ, ad yeg iceqqic ur nselleγ, Marius iseḥṛec Gawda, gma nni, irra t d acengu n Tmazγa. Marius ifka yas laâsker, iteddu deg wmennuγ mgal at tmurt is. Iṛeggem as Marius ad yuγal d agellid ma yemmut Yugurten. Tura deg wennar imenγi, tikwal d at tmurt iw i d ixṣimen. Sya d syen d idim Amaziγ i yemmaren.

At Gafsa nni, ilmend ad gen am akken i yasen nenna, ad llin tiwwura n tiyremt, nitni beddlen tikli. Mi d zran imnayen n Ruman, medlen tiwwura, bedden i tyita.

Taggara, teffeγ akken teffeγ. At Gafsa ur zmiren ad qablen ahdum n laâsker i yasen izzin. Tiremt kan lrumyen hudden ifergan i yas izzin, kecmen tiγremt s ujenwi deg wfus. Wid meqren nγan ten din, wiyaḍ win ten id d aklan. Tiγremt n talwit n tezdayin n tini, tuγal as d yir targit, ijdi amellal yuγal d azeggaγ seg idammen.

Tiyita nni n Gafsa tekkes as akukru i Marius. Tamurt issen itt, irgazen llan, iyil teswa yas d s wedfel.

Acemma kan deffir tadyant n Gafsa, Marius igzem Tamazγa seg yixef γer yixef, ikcem akal yellan tama n wasif n Melwen, talast ger Nekwni akw d tmurt n Buxuc. Dinna igsed ad ikcem Tawrirt.

Tawrirt tebna γef wezru ameqran, di tlemmast uzaγar. Yal tama d acruf ur izmir ad yali wemdan. Abrid is seg yiwet tama kan i yella, injer s wfus deg wezru, idyeq, yesuddem; win imalen degs ad yezg di tesraft n wadda. Ifellaḥen, s yiwen i sezrayen izgaren, tistan neγ igemren nsen. Amur ameqran tgen asen ifergan deg wzaγar.

Tawrirt d tiγremt iddurin am laâc igider. Tama ufella, d luḍa zun injer itt ufus. Di tlemmast n luḍa nni tγez tala. Imezdaγ is si zik n zik ur izmir yiwen ad asen ikcem tasga. Sin yergazen zemren ad d gen afrag γef tewwurt s ineccaben nsen. Ifellaḥen, yal ass ad d tt̞ren akwessar, ad xedmen tibḥirin neγ igran nsen, mi yeγli yiṭij ad alin γer tkanna nsen.

Am Metellus di Begga, Am ass-a Marius di Tewrirt, inwa ad a $\gamma$  d yaf dinna, nek akw d Buxuc, ad yaf agerruj n Tmaz $\gamma$ a, ad a $\gamma$  d ittef s wfus. Izzi i Tewrirt, syen isedhem laâsker is  $\gamma$ er ifergan. Win iqerben ad d yečč tiyita, ad immet ne $\gamma$  ad d irwel  $\gamma$ er deffir. Wid isulin tigejda i walluy, mazal ttawden  $\gamma$ er yixef ma a ten id yečč ujajih n tmes ne $\gamma$  n wezru, ad d grirben  $\gamma$ er deffir. Yal adham ad yawi  $\gamma$ er lmut tissi n laâsker n Marius.

Di Tewrirt ur as gan aγilif. Afrag illa, aman d wučči llan, irgazen llan. Yal tikkelt ad d grirben lrumyen akwessar a ten id defrent tiγratin n tlawin. Marius iffeγ it laâqel. Akken ixdem ur as yufa tawwurt.

Ifra d yiman-is, iteddu ad ikkes laâsker ni i yezzin i Tewrirt, ad yuγal akin γer tmurt ufella, mi yas ikcem γer uqidun is yiwen waâsekriw , n tmurt Liguria nnig Ruma, inna yas : "ufiγ abrid isuffuγen γer tiγilt n Tewrirt. Lliγ leqdeγ iaârusen, uliγ acruf si tama nniden, deffir, armi ufiγ yiwet tasaft temγi d γef weslad. Uliγ γef tasaft nni, ddiγ γef ufurk nni usawen armi d ufiγ iman-iw γef tqacuct, di Tewrirt ; zriγ s wallen iw Imaziγen ufella, nitni ur yi d zran, sentleγ iman-iw. Syen uγaleγ d ansa i kkiγ. Ma tebγid ad uγaleγ akw d wiyad ad sen mleγ abrid".

Marius tuli t tawla. Iqdef aâsekriw nni, ifka yas wid γef ittkel, ddan yides. Qbel ad alin, kksen taselsa n Ruman, Isan am Iamziγen, ulin seg webrid nni n iaâuras. Mi d uγalen, d awal d inna umezwaru nni i d nnan ineggura. Abrid illa. Marius iffreḥ. Yufa telli yas d tewwurt anida ur isarem.

Azekka nni kan ihegga tarbaât, yerna yasen Ibuq akken mi wden luda ufella n Tewrirt ad wten Ibuq. Isels asen iceţţiden n Imaziyen akken ad fken anza γer Imaziyen n tewrirt. Akken i teffey. Azekkan nni, mi yulin wa deffir wa, s leḥder, taggara kecmen luda ufella. Mi wden akw, dduklen γer yiwen wemkan, heggan iman-nsen syen bdan tiyita n Ibuq, tilawin iddurin γer deffir suγent, dγa at Tewrirt iffey iten laâqel, acengu ikka yasen d si deffir. Mi d bernen yergazen, ğğan imukan n tyita n zdat nebla irgazen. Irumyen, nitni seḥman d tiyita s wadda, ulin d seg igudar, kecmen d talemmast n yeγrem. Syen, win a yemten illa, win a yenγen ulac. Imenγi ifra. Wid ufan dinna d imedduren nγan ten, ur d igwri yiwen, d aqcic, d argaz neγ d tamettut. Gan timecret deg at Tewrirt.

Deffir tedyant nni n Tewrirt i d yusa Sulla si Ruma, yewd ed γer tmurt, yerna d laâsker i imenγi. Senat n Ruman illi yasen tawwurt, Marius akw d Sulla gan ayen wumi zemren. Abrid n trad injer zun d iγzer.

Si tisin nni n Marius, kkseγ asirem. Ur illa wayen gguniγ si tama n Ruman. Abrid nsen d tṛad, abrid nneγ d tṛad. Tama ad tekk di tayeḍ. Asirem n talwit ikkes, zziγ d tikkelt nniḍen i tmura. Awal i yasen nniγ yiwen : "Ay atmaten! Aṛumi ikcem d tamurt, Aṛumi ilaq as ad iffeγ tamurt. D nitni i d izegren ilel Agrakal, mačči d nekwni. Yiwet tmurt kan i nla. Ur nezmir a tt neǧǧ, neγ ad tt nefk d tarzeft i Uṛumi. Yiwen webrid i yellan ass-a, d abrid n yiseγ, d abrid n tnekra a nesenger ajṛad ikecmen. Anida tufam laâsker n Marius, ur din awexxer, ur din inif. Win d isutren laânaya eǧǧ-it, ma d wayeḍ zwi t! Iṛumyen i d yusan a sen neddukel zun d aweṭṭuf. Ma s tubbya kan a ten nessenger. Ay atmaten! ma teddukel tcemlit nneγ, a nesergagi Ruma. Ass-a nwen, azekka nwen, tamurt d kenwi i tegguni."

Mi d zziγ i tmurt, ufiγ yuki d ugar uẓar nni n tnekra, uγeγ abrid γer tmurt n Buxuc.

Si tedyant nni mi nedda a nekcem Sirta, teqqim akken gar-aneγ. Uγaleγ γures akken a nessemγer admer a yesergagin Ruman.

Mi ufiγ Buxuc, fkiγ as tamuγli-w amek ilaq ad as neddu i trad mgal Ruman. Tamurt yiwet akal yiwen, laşel nneγ yiwen, iles yiwen. Nniγ as ilaq aγ a nekkes talast illan gar-aneγ si tallit n Sifaks, si tallit n

Masnsen. Talast ibeţţun a tt nekkes, a nerr tin isdukklen, anida ibγa nek qebleγ. Nniγ as, Sifaks d jedd nneγ, Masnsen d jedd nneγ. Ma nesdukkel iγallen nneγ ad d nerr leqder i tmurt nneγ. A nekkes imennuγen gar-aneγ, a nekkes ayen i yaγ ibḍan a nesemγer ayen i yaγ isduklen. Ad aγ zzmen wid ad d ikkren azekka. Ad aγ izzem wakal γef nteddu ma nuγ yir abrid ass-a. Abrid nneγ ass-a d abrid n yiseγ, d abrid n tissas. Tikemmict n Ruman a tt neselfeγ am tkemmict nni n tizwal. Arumi d ikecmen ass-a tama ufella, ma yesers iḍaṛren is azekka ad d ikcem tama wadda. Arumi ur issin ala awal n yiγil, ala awal n tummezt akw d wezduz. Arumi yusa d γef tkeckult n wesγar idegger it id waḍu, azekka ad yuγal ansa d ikka a t idegger waḍu n tnekra nneγ, abrid is akin γer Ruma.

Buxuc ifka yi d tamezzuγt, yuγ abrid n jedd-is.

Nesdukkel laâsker nney, nuy abrid yer tmurt anida illa Marius.

Wid nesbedd deg iberdan, deg icuqar, ayen ilan  $\gamma$ ef tiţ nsen. Anida mbawlen lṛumyen, ad a $\gamma$  d yaweḍ wawal.

Mi nella nteddu deg webrid i d nemlal amnay s wegmer is iteddu d s tazzla. Isalan i yaγ d iwwi sfeṛḥen aγ : "Marius akw d laâsker is llan teddun di tzaγart illan akin zdat, deffir yiγil".

Ilmend a neddu acḥal n waguren, a nezzi di tmurt γer tmurt akken ad d naf later n Marius, taggara yeγli d netta deg webrid nneγ.

Din, nbeddel tikli, nefka imnayen izwaren γer zdat ad aγ d awin isalan n wanida llan, acḥal i yellan, anwa abrid deg teddun. Nek d

Buxuc nesemlal ed ifesyanen nneγ a nheggi tiyita. Nteddu, nferru tent amek ad as neddu i imenγi d Marius.

Ibda iyli wass mi nemlal Marius akw laâsker is deg walma.

Tamurt nekwni nessen itt, d azal neγ d iḍ, irgazen nneγ zemren ad nnaγen akken ran. Nebla ma nezzi nefka tissi tamezwarut n imnayen teγli fella-asen. Qbel ad d ren tiyita, mi llan tezzin akken ad gen afrag izzin, nekwni nerna tissitin n yergazen nniḍen. Ikker uhetwir, nekwni nekkat, nitni kkaten.

Tiţ nneγ nekwni ad asen nezzi, a sen neg tasraft anida yiwen ur d iteffeγ. Nek sya, Buxuc sya, tekker tγebbart, simmal nessidyiq annar, simmal nzer nferrez anida nekkat. S terbaât n imnayen illan yidi, kecmeγ di tlemmast akken ad awḍeγ Marius, nekwni nekkat, nitni ḥebbken akken ad snesren iman-nsen. Ajenwi idda, timseggeft tedda, aneccab idda. Yal tama tekkat, tettazzal, tnehhet, nettuγu, tekker tγebbart, irgazen wa ibedd γef iḍarren is, wa isred am uceṭṭiḍ. yal tikkelt mi wteγ ad qerbeγ anida nwiγ illa Marius, taggara tiyita, adham n imnayen ad aγ d rren γer deffir, ad aγ sinfen γer yeffus neγ zelmed.

Imenγi yeḥma, itij ibda iγelli, irgazen nneγ am izmawen.

Acemma kan tenγes tyita, Irumyen bdan nesren d tidist. Agus nni i yasen nhegga ur iţtif, Marius akw d kra n laâsker is nesren, syen uγen amkan deg yiwen wegni, yufrar d asawen. Win snesren iḍarren is inser, wayeḍ icca t uneccab neγ ajenwi.

Laâsker n Ruman, γas zran mačči i tmurt nsen γef kkaten, mačči d akal nsen i γef ttnaγen, nitni ssnen as i imenγi. Tussna imenγi

lemden tt, rnan tta $\gamma$ en awal ugar. Akken i yasen inna ufesyan ad a $\gamma$ en abrid nni. Marius izwar asen  $\gamma$ er wegni nni, nitni ddan di later is, teddun kkaten d $\gamma$ er deffir, nekwni nedda deg idarren nsen. Id ye $\gamma$ li d, imen $\gamma$ i ifra.

Nefra abrid is nek akw d Buxuc. Skud tella taffza, nezzi yas d s laâsker i wegni zun d taxatemt. Ur tella tardast nezgel, yiwen waâskeriw n Ŗuman ur izmir ad d iffeγ syen.

Nemsefham akw d Buxuc i tyita sibda a yali wass. Ansa d wenten ad d ffγen a ten nesni d asnay. Mi nemsefraq, yal wa yerra anida llan laâsker is. Neẓra ad yiγzif yiḍ.

Akken sersen iman-nsen Imaziγen nneγ, saγen iḥeğğuğa n tmes, kkren i wbendir d lγiḍa. tarewla nni irwel laâsker n Ruman iffer, γillen dayen ifra imenγi. Abendir ikker, mačči d ayen ad d tessusmeḍ. Atmaten nneγ smeγren adriz. Nnig nneγ, Marius akw d laâsker is xemten, ur illa ṣṣut, ur illa wawal, zun mmuten.

Mi yedda yiḍ, Imaziγen susmen, win yaâyan ad isers iman-is ad igen armi d ters tsusmi ula deg wedriz ukwessar.

Lawan nni kan deg aâziz yiḍes, atmaten nneγ zlen, imir i yesker aγebbar Marius akw d laâsker is. Di tlemmast n yiḍ i d heggan imannsen ad nesren. Uγen d takwessart d adham, s tazzla d usuγu, lbuq ikkat, ajenwi ikkat, aneccab ikkat. Mazal d nseggem iman-nneγ i tyita, nitni zran akin, nesren i tcebbakt nni i yasen nga. Win nγan nγan t, win rekden rekden t, Marius inser i lmut.

Sduqsen aγ asduqqes nni ilhan. Ilmend d nekwni a ten isduqqsen acemma kan qbel ad yali wass, Marius yugar aγ tiḥerci, izwar alluy n wass.

Timlilit n Walma tefka yaγ d udem n imenγi. Marius i d neţtef ger ifassen nneγ, inser aγ s tmussni-s, s tiḥerci n tṛad. Ger wid wukud nennuγ, icban Bestia, Albinus neγ Metelllus, γuri Marius yerna adar s tmussni n tṛad. Ma zik imenγi d adrar, ass-a d igenni. Akken i yas nekka i tedyant nni nek akw d Buxuc ur as nufa ixef is. Amek i nettwakellex ? Amek i yaγ tenser ? Nečča tt teḥma.

Ur tella din teγzef n wawal. Akken i yaγ ikkes uzaylal nni, nserreğ, nedda deffir Marius d laâsker is.

Marius iteddu, nekwni nedda di later is. Udan ussan nteddu deg webrid is. Abrid n Marius iteddu  $\gamma$ er Sirta. Ass wis rebaâ ne $\gamma$ li fellaasen.

Mi teddun ad deg webrid nsen, sersen ad sgunfun ad segmen imannsen, nekwni nfures tagwnitt, nezzi yasen. Annar imenγi ihegga.

Nekcem annar, nek sya, Buxuc syen, newwet a nesnefsusi agus nni nsen. Di tazwara fki $\gamma$  imnayen, d nitni i d azduz n tyita ; yugar i srewten igemren i wten irgazen s ineccaben ne $\gamma$  s ijenwiyen. Irumyen zzin, swezlen annar akken ad miqraben. Marius akw d Sulla llan di tlemmast. udem imen $\gamma$ i ibda ittseggim ger adwi n Buxuc s laâsker is akw d nekwni. Marius ur ibeddel tikli, ikkat ad a $\gamma$  isefcel s tuzzya nni i yasen nezzi.

Acemma kan mi teḥma tyita armi neẓra iwḍ ed s laâsker is Bilak (Volux), mmi-s n Buxuc. Mi d iweḍ kan indeh γer ifesyanen is. Γas amur ameqran degsen γef uḍar i d ddan acḥal n wussan, gezmen d Tamazγa seg yixef γer yixef, ur sersen, ur sgunfan, kecmen annar. Imenγi yal tikkelt ittbeddil udem, Buxuc netta d imnayen is iṭṭef yiwet tama, nek tama nniḍen, Bilak ikcem di tlemmast. Nek d Buxus sya, nitni, Marius akw d Sulla, yal wa tama d iṭṭef. Seg wakken teḥma, taggara ur iẓra yiwen anwa i d axsim is. Wa yekkat, wa yesdari, wa yuzzel, wa yesred, wa yemmut. Ma teγli d tmellalt seg igenni ur d tettaweḍ γer tmurt. Tameddit n wass, mi d iγli yiḍ yal yiwen ijebd ed laâsker is. Azekka akken, nuγal γer imenγi. Si mi tebda kan, Buxus ijebd laâsker akin γer deffir.

Mi yefra imenγi, tama ur tekka di tayeḍ. Marius akw d Sulla sduklen irgazen nsen akin, nekwni nezzi d γer deffir, nesnesr ed widen ijerḥen. Irgazen feclen deffir imenγi amezwaru, tikli n tlata wussan d aḥbak, rnu yas imenγi n wass-a. Tazmert s talast is. Annar nni neǧǧa ur illa d win a ẓrent wallen. Irgazen, igemren, wa yemmut wa iteddu γer lmut, wa yenta deg-s uneccab d yidis inehhet, wa icelleḥ s ujenwi ikkat ad ikker syen ad iγli γer deffir. Idim, idim isezweγ akal d uhicuṛ. Agwni yuγal d azeggaγ s yidim. Ur tella d tamuγli n tudert. Ger wid immuten d wid iteddun γer lmut, llan imeqranen, ilemmasen, imezyanen. Imaziγen akw d Iṛumyen dduklen. Nnuγen di tudert nsen, dduklen di tmettant nsen. Akka, lemmer ur tella tγennant, yili yal yiwen deg iγrem is, deg wexxam is. Yal yiwen ad d ilhu di tfellaḥt is, ilmend n uneccab d waxtuc, ad iţtef tayuga d

wemger, ad ixdem laz n warraw is. Imdanen ur uksanen, si zik n zik.

Marius ikemmel abrid is akin, deg webrid n Sirta, Buxuc<sup>28</sup> isdukel laâsker is, iţţef yiwet tiγilt akin, nekwni neqqim din a nenţel irgazen nneγ. Neqqim ad as nesuffeγ i tedyant iḍran.

Tagrest tusa d, Marius yuli akin γer tama n Carthage, yerna isdukel laâsker is di tiγremtin ttfen di Tmazγa, icban Sirta, Zama, Tala. Buxuc yuγal γer wexxam is, nek uγaleγ i tazzla akken ad d snekreγ tamurt i twaγit nneγ. Imenγiyen izran selmeden iyi ad as dduγ abrid amaynut i Marius. Ma yella ccek, aneggaru yagi isban ed anda i tent nuγ. Nuγ itent di tuddsa. Mi yekker imenγi, atmaten nneγ ad dewwin akka d wakka, zun γer tasḍaḍ uzerzur. Adway nni ur illa d abrid. Ilaq aγ a nernu aselmed ugar i laâsker nneγ. Di tuddsa kan i yaγ ifen Ruman, nekwni ad as neqqim.

Imenyi  $\gamma$ ezzif, wala $\gamma$  iteddu ad yi $\gamma$ zif ugar, nekwni ilaq a $\gamma$  a nesdari ilmezyen nne $\gamma$ . Mačči d ahmal kan s yedmaren  $\gamma$ er zdat. Imen $\gamma$ i s webrid is, s tuddsa s, am tiddas nni ileqqafen yes netturar  $\gamma$ ef

20

<sup>&</sup>lt;sup>28</sup> Salluste: « Buxuc ijbed laâsker is di tlemmast imenγi mi yella Yugurten iteddu ad isenger Marius akw d laâsker is. Buxuc yurar tiḥila akken ad ibeggen i Marius awal ifka. Imir illa wfus gar-asen. S tuffγa nni deg wennar imenγi, mi teḥma, iteddu ad imil γer Marius ». Kra wussan γer zdat, nnan as Ruman i Buxuc: « Ruman ur itettu aḥbib is, ur itettu acengu is. Ass-mi ad aγ d tbeggneḍ s wayen ilaqen, ass-en ad k negbel d aḥbib ». Tawekka n Ruman simmal teteddu i tyita si deffir.

tebladin. Yal aleqqaf iddukel akw d wid izwaren, yerna ihegga abrid i ileqqafen d iteddun. Tuddsa Tedres, temcuddal.

Imenyi mgal Ruman friy ad as nbeddel abrid.

Ilaq aγ ad as neqqim skud ur nhegga laâsker am akken i ten ihegga Ruman. Tiyita n Walma, tin n Sirta fkant aγ d talast yellan gar-aγ d Ruman. Tidett, γas ttfen tiγremtin, zzin agadir n wefrag, tamurt d nekwni i tt ittfen. Γas a nanef i imenγiyen imeqranen, anida kkan ad aγ d afen zat nsen, yal takemmict n laâsker nsen i d iffγen si teγremt ad tenger, anida kkan ad afen tasraft deg webrid nsen.

Akka i yas ddiγ. Mi nefra nek akw d ifesyanen nneγ, yal tarbaât tuγ abrid is. I yal tiγmert n tmurt a nesiweḍ awal, a nesiweḍ asirem i tnekra yugaren tin izran.

Di tallit nni deg lliγ tedduγ deg iberdan, rwiγ akwessar d usawen, Buxuc, deg webrid is, yuzen irgazen i Marius akken ad d yaf tawwurt. Si tedyant nni n Ruma, nek ur uγaleγ i wawal yidsen. Ayen wumi zemreγ giγ t. Ulac abrid i yasen d kkiγ akken ad d naf tifrat, Irumyen gguman ad d fken udem. Ayen qesden, nek fehmeγ t si tazwara : seg wass-mi yemmut Makawsen, tiṭ n Ruman ad d kecmen Tamazγa s yiγil nsen. Ayen d irnan γer zdat d tisebbiwin kan.

Mi sliγ Buxuc ifka irgazen γer Sirta, akken ad zren Marius, di tazwara rfiγ. Amek, tiγremt ibna Masnsen, anida yedder, anida

yențel, anida igelled Makawsen, anida ințel, ass-a Buxuc ifka udem i Urumi ?

Urfan d urfan, tikwal llan, tikwal zran. Taggara, ufiγ tikli n Buxuc tezmer ad tili ur tezlig. Marius di Sirta i yella, γer din kan a yazen Buxuc irgazen is.

Di tallit n imenγi, Buxuc yusa d netta d mm-is, win d laâsker nnig wayen sarmeγ. Kecmen annar imenγi, wten ayen wumi zemren. Acḥal n yergazen i yaγ immuten. Taggara γas tiyita nni ur aγ teffiγ, nitni fkan d tazmert nsen. Ass-a ma Buxuc inwa abrid isuffuγen d awal d Marius, ar d imγi ad iban.

Deg yiwet tama, awal ilha. Di lawan nni, imenγiyen imeqranen ad neγsen. Anida yella usirem, ineqqes weḥḍam imenγi. Newkni, di lawan agi ad nesker laâsker icban Ruman. Ayen yesiγzef wawal ugar.

Ass-mi zriγ Buxuc, nniγ as ad i yi yefk amek isedda awal netta d Marius, Sulla neγ wiyaḍ. Awal is igzem : "zik d keč kan i iqublen Ruman, ass-a nella γer tama-k nesaweḍ tanekra nneγ γer webrid imenγi. Irumyen, zran anda maleγ, zran tazmert nneγ ma neddukel. Illa wawal γurneγ, nγar « ma tseγleḍ ewwet ; ma ur tezmireḍ ur sγal », nekwni nekkr ed, newwet. Ass-a ma nuγal γer wawal ur tella degs tuzzma. Ihi nek walaγ, Ruman yif it ad yili si tama nneγ, wala ad yili d acengu nneγ. Ma zemreγ ad sinfeγ tallit agi deg nella γer tifrat, anida yella tter?"

Abrid d iwwi Buxuc, nwiγ d abrid.

Ayen ri $\gamma$  ad as skecme $\gamma$  i Buxuc  $\gamma$ er walla $\gamma$  is d tikerkas, tiḥerci n Marius akw d ifesyanen is. Nek  $\gamma$ uri tamsalt tefra d di Ruma. Marius flan t id ad iseddu trad, netta ad iwet s wayes izmer akken ad yaweḍ isew-is : ad iţtef Tamaz $\gamma$ a.

Ayen nniden akw d urar, d tuzya n wawal. Takti yagi tekcem iyi  $\gamma$ er walla $\gamma$  iw ur zmire $\gamma$  ad tt id suff $\gamma$ e $\gamma$ . Awal n Ruman yebna  $\gamma$ ef tikerkas, ur yella din yisem n tidett.

Atmaten nneγ illan di tmurt n Carthage, di Utique, sawden aγ awal. Marius simmal isekcam ed laâsker irennu d, si Ruma. Win isarmen talwit, ur d irennu iγallen d ifadden n tṛad.

Di lawan deg Buxuc iselqam awal netta d Sulla, nek Ihiγ d di tfellaḥt iw. Yal ass anida a yeγli yisneγ. Nejjem a nens sin wuḍan deg yiwem wemkan. Nedda d timzizzelt, yal tiγremt nekcem yiwen wudem i nufa. Imdanen bedden, heggan i tnekra, kkren i twizi mgal Aṛumi. Γas irgazen Ilan, γas idamen ḥman, amur ameqran d ifellaḥen. Ifassen yuγen tanumi d uqabac akw d wanzel, ur zmiren azekka nni kan ad segmen i wneccab, axtuc neγ ajenwi. Ur zmireγ ad d megreγ irgazen di tmura, a ten fkeγ d asfel i wjenwi n Ruman. Abrid iw nek, yal ilemzi nneγ, ilaq as ad ikcem γer wennar imenγi, ad iwet, syen ad d iffeγ d ameddur. Riγ ad ilin d wid i yewten, mačči d wid a yemten.

Zegreγ asif n Melwen, kecmeγ tamurt n Buxuc. Yuzn ed γuri a t zreγ. Mi nemlal, ifka yi d anida isaweḍ awal gar-as d Marius. Netta

isarem ad d naf tawwurt i tifrat. Inna yi d Irumyen fkan d udem akken yal yiwen ad yaγ abrid n talwit; ma neqqim, nezmer a nefru uguren illan gar-aneγ; ma neqqim, ur tella tindert ur nfessi.

Taggara, buxuc isegwra d awal, inna yi d :"Marius yuzen d Sulla a nemlil yides. Abrid n tifrat ad t id naf akken yebγu yentel. Keč a Yugurten, ilaq ak ad d tredbed, ad d tefked udem akken a nekkes tazzla idammen gar-aneγ d Ruman."

Awal n Buxuc s webrid is. Acu tettnadid a yaderγal, d tafat!

Nek, s tidett, walaγ awal nni d uffal. Ayen ur d isefrez Buxuc, nek γuri d tagejdit n wawal. Ma yella isawel netta d Sulla, awal amezwaru d wa : Irumyen ad ffγen si Tmazγa, ad ffγen si Sirta, ad uγalen akin i tlisa nsen, γer tmurt n Carthage. Ih neγ ala ?

Buxuc ur yi d isefrez tamsalt. Akken i yas ddiγ, tagut simmal trennu teddal awal is. Nek, tiḥerci n Marius ssneγ tt, tin n Sulla terna tardast γer zdat. Taggara friγ as i Buxuc, nniγ as :

- Nekwni akw d Ruman am tedyant nni "mm-is n taγat a t yečč wuccen". Sulla inna yak ad d yas. Nek, yiwen webrid kan i walaγ isuffuγ. Sulla a t neṭṭef ger ifassen nneγ, syen Iṛumyen ad d ffken udem, am Marius am Senat di Ruma. Ma nurez asen argaz am Sulla, nitni ad gen ayen nra nekwni akken ad asen yuγal wergaz d ameddur. Mi neṭṭef Sulla, nezmer a ten nesseks akken ad aγen abrid nra nekwni, ad ffγen si tmurt nneγ.

Buxuc idhec. Abrid i yas d wi $\gamma$  ur ibni fell-as. Ur yi d inna zzant ne $\gamma$  r $\gamma$ ant. Isuter iyi d ad as iwzen i tedyant kra wussan  $\gamma$ er zdat, syen a tt nefru.

Nek uγaleγ d γer wemkan iw, netta ǧǧiγ ad iseddu awal netta d Sulla. Nefra ad d yerr γuri kra wussan γer zdat.

Timlilit nni n Buxuc ur tris γef neyya-w. Awal i yi d isaweḍ Dabeṛ, illan tama-s, qbel timlilit agi n Buxuc akw d wawalen n Buxuc s timmad is netta, fehmeγ tella talast gar-asen. Ur ẓriγ anida illa iceqqiq, ma d nek iceqqiq nni illa, ukiγ as.

Zran kra wussan, Buxuc isawḍ iyi d ad aseγ tikkelt tis snat a nefru awal nneγ. Ilmend d nek ar izegren γer tmurt is, ifka yi d amkan n temlilit akka d i wasif n Melwen<sup>29</sup>, talast ger Tamazγa d Muretanya.

Nuγ abrid nek akw terbaât, yid-neγ ddan sin warraw iw.

Mi qrib a nawed, nezra s lbaâd adeggal iw Buxuc, ibedd γef yixef n tiγilt netta d imnayen is. Izegr-ed i wasif akken ad aγ d imager. Nekwni nseγel as, netta isγel aγ d s yiγil is.

Mi nerna tikli a neddu  $\gamma$ er zdat, qbel ad ten naweḍ i d  $\gamma$ lin fell-a $\gamma$ . Izzi ya $\gamma$  d weglaf n laâsker n Ruman. Llan netlen i tmu $\gamma$ li, akin ddaw udernu.

<sup>&</sup>lt;sup>29</sup> **Asif n Melwen** = Moulouya ( **Malva**, s tlatinit), asif illan d talast ger Tamazγa/Numidya d Tamazγa/Muretanya.

Nekwni nella ifassen nneγ d ilmawen. Ur illa s wayes a newwet. Ruman nγan akw wid illan yid-neγ. Negwra d, nek akw d sin warraw iw. Rran aγ tixelxalin n wuzzal.

Sulla iffγ ed si ger laâsker is.

Buxuc, izzi udem is akin, yuder akwessar. Yewwi ise $\gamma$ , izenz idammen is i Ruman...

# 3. Tikli n Ruma<sup>30</sup>

Ussan n tegrest izdey iten usemmid.

Tewzel n wussan nni rennun amur i teγwzi n wuḍan akken ad sebken idammen, ad iggar weglim, ad kkawen ifadden.

Asemmid n Ruma iqseh, di tegrest irna tardast γer zdat.

Campus Martius<sup>31</sup>, agwni di tlemmast n Ruma, iččur d imdanen, iččur d igemren, d izgaren acḥal n wussan. Imezdaγ nni ur llan d wid itturaren, ur llan d wid d yusan ad nezhen uraren n circus Flaminius neγ circus Maximus, deffir tawat, deffir učči ilhan akw d tissit n

Ce défilé était attribué par le Sénat romain, et constituait une récompense pour le général victorieux. Il pouvait avoir lieu longtemps après sa campagne. **Un des critères importants était le butin rapporté, mais <u>il ne pouvait y avoir de triomphe si l'ager romanus, le territoire de la République, n'avait pas été augmenté</u>.** 

Dans la Rome Antique, le Triomphe (Triumphum), c'est la procession accomplie au temple de Jupiter Capitolin par un général vainqueur. Cette cérémonie, d'origine étrusque, était régie par des règles religieuses strictes. [...] Précédé par ses licteurs, le triomphateur richement vêtu et couronné de lauriers, traversait la ville monté sur un char attelé de quatre chevaux blancs. L'armée criait "io triumphe" et chantait des chansons paillardes. Suivaient les membres du Sénat, les magistrats, les prisonniers, le butin et les animaux destinés au sacrifice. Le cortège partait du **Champ de Mars**, hors les murs, entrait dans Rome par la **porte triomphale**, traversait le **Circus maximus**, contournait le Palatin, avant d'emprunter la **Voie sacrée** pour atteindre le **Capitole**. Parvenu au **Temple de Jupiter**, le général immolait lui-même les animaux destinés aux sacrifices et offrait sa couronne de lauriers au dieu....

<sup>&</sup>lt;sup>31</sup> Campus Martius (Champ de Mars) / Annar n Meyres, berra ugadir n Ruma.

waman waḍil. Imdanen nni qimen d tikemmucin, susmen, laâsker n Ruman itezzi yasen, teddun akka d wakka, afus γef ujenwi.

Urar n wennar n Martius di tegrest useggwas -104 ur illa d win ssnen imezdaγ n Ruma. Urar nni i yasen d ihegga Consul Marius i yat Ruma, ad yili d win γef a cfun iseggwasen d iseggwasen, d win ar a ḥekkun imdanen i tarwa nsen, i warraw n warraw nsen, di lqern γer lqern. Akken i t ira Marius.

Acḥal n wussan si mi iččur wennar n Campus Martius. Yal ass rennun d imdanen, igemren, izgaren. Mi d tekcem tissi ad taγ amkan is akin di teγmert is i yas heggan laâsker nni.

Tasusmi n wennar nni trennu ayilif ugar i wemkan nni. Taduli n tigugemt teweḍ ula d izgaren akw d iserdan nni. Şut i d yulin si Campus nni, tikwal d win kan n laâsker nni i yezzin i wegraw, neγ d astenten n txelxalin n wuzzal. Tixelxalin nni yurzen irgazen.

Asemmid nni n tegrest n Ruma isberber asen, isdukel iten, idel taduli n tsusmi fella-asen.

Acḥal n wussan si mi yeččur wennar nni. Laẓ d usemmiḍ kecmen iysan n imdanen. Tiyimit nni n yal ass, si tsebḥit ar tmeddit, si tmeddit ar tsebḥit, teskerf iten, laẓ d usemmiḍ irna yasen. Qqimen feclen.

Γas serden, ur uysen, sarmen ad tbeddel fell-asen, am akken nnan imezwura, "akken triḍ γezzifeḍ a yiḍ, taggara ad yali wass". Tikwal

dγa saramen ad d yas wass deg a tefru fell-asen, ad d iffeγ yiţij, ad yekkes uγemγum nni deg llan. Melmi ad d yas wass nni saramen? Imdanen nni iqqnen am akraren ur llan d imezdaγ n Ruma, ur llan d imezdaγ n Latinium, n Liguria neγ n tmura n Ruman i d izzin. Nitni usan d si tmurt illan akin i yilel, akin i waman izegzawen. Usan d nnig lebγi nsen, ur llan d inebgawen n Ruma.

Tikli nni nnig waman, ahuccu nni n waḍu, asendu nni n waman, nitni cudden, keflen d iẓeṛman nsen. Ussan nni n tmezgert ger Tamazγa d Ruma ukin as zun d aseggwas. Mi d rsen seg wbabuṛ nni, yuli ten id lfeṛḥ. Meqqar ad ikkes imiṛzeg deg yimi nsen. Γas kecmen tamurt ur ssinen, feṛḥen mi yasen ikkes ukuffir nni n lmujat n waman, ferḥen ad bedden γef tmurt ur tesebruqqul.

Yal wa segsen anta tamurt i t id ifkan, taggara isemlal iten id webrid nsen ger ifassen n Ruman di tlemmast n Ruma.

Wid ur d newid, am wid immuten mi d zegren, wa ččan t waman, wa ččan t wuccanen akin i yilel. Wid d igwran qqnen am akraren, ggunin tawenza nsen.

Di tiggugemt nni, llant tikkal deg ad d yali şşut amezyan gar-asen, ger sin ibecbucen, tamezzuγt γer tmezzuγt :

- Ansi-k keč? Amek i k id ttfen?
- Nella di tiγremt mi d yewweḍ laâsker n Ruman, nella nferren irden i yizid. Mi d kecmen kan snegren tamurt, ger wayen serγen d wayen nγan. Ur d igwra useklu ibedden ... Win sreweln iḍaṛṛen is inser, nekwni cudden aγ d, i keč ?

- Ufan aγ d nkerrez, akken kan yuli wass. Si mi nebda takerza, nefreh teswa d, akal irdeb. Idelli nni kan i zwaren i tkerza At Ufella. D nitni si zik n zik i d isuffuyen tagwersa d imezwura ilmend d nitni i d axxam amezwaru ger wid ibnan iyrem nney. Nekwni neggen tayuga a nmeggel taferka, itij iffy ed, tagut tuli akin di tegnewt. Mi d mmyen fell-ay, tayuga nni nney zlan tt din laâsker Irumyen, ččan tt, nekwni rran ay icuddan nni, ggnen ay zun d izgaren nni. Anzel yuyal i nekwni. Ijreḥ wul iw γef tyuga nni. Yiwen wezger, win isaân tarqemt taberkant ger wallen, ilul γurneγ, nesutted it, wayed yuγ it id baba si suq n Tasift. Achal n wussan d wussan d wamek i ten iselmed i tkerza. Yal ass a ten isdukel, aten iggen i wedref ney sin, taggara gan tanumi i sin, myussanen, kerrzen nebla wal. Anzel nni i tnalit kan i yella. Taggara n tneggura tura yasen tefrut n Ruman! Mi yaγ d skecmen ass-a γer wennar agi deg nella, zriγ aqwdar n yezgaren imellalen derren akin; d izgaren am tyuga nni nneγ. Ijreh wul iw am ass-en amcum. Lemmer ur zriy s wallen iw, yili ad skidbey iman-iw. Izgaren agi, si tmurt nney i ten id zegren.

Di tama niden n wennar,

- I keč?
- Nezra Irumyen teddun d. Mi wten ad d kecmen tiγremt, nekwni neffγ ed si tama nniḍen ; nezzi yasen, nexdem afernas degsen, ulac win inesren segsen. Nγil tefra. Mazal nessers uzzal, mazal tekkaw tidi, mi d yerna wehdum n laâsker nsen, d aweṭṭuf neγ ugar ; yal tama tefka d ; mačči d ayen a nqabel. Taggara n tedyant, iγrem

yuγal d ixerban, wid nγan mmuten, nekwni qqnen aγ d am izamaren...

- I keč amek tedra?
- Mi yuli wass i d nezra udmawen n Ruman nnig ugadir ; zzin d i tiγremt nekwni ur sen nuki ; iγrem nneγ intel di teγzut, nγil ur aγ d ttawden, taggara ufan d anida nezdeγ ; ur aγ ǧǧan ad d nakwni, d asduqqes i yaγ d sduqqsen deg wusu ; llan wid snin s ujenwi nsen akken deg wussu yeḥman ; azgen nγa t, azgen cudden t id...
- Nekwni, mi nesla yusa d Ruman, neffeγ seg iγrem, neffer deg yiger anda intel; neqqim dinna kra wussan, nγil tezra tyita, zegren akin. Taggara mi d nezzi a nekcem γer yiγrem nufa ten id ggunin tawwurt; ur illa wanida a nerwel, nekcem deg umeṛdax; fernen imeẓyanen, wid izemren, rran aγ d isuka n yirden fella izugar nneγ, nedda d yidsen. Wiyaḍ ičča ten ujenwi.
- Nekwni nella neγγaz anu n waman. Acḥal n wussan nesalay-ed tiquftin n wakal seg wanu. Nyez tiddi n wergaz d wergaz, nnig snat temrawin iyallen. Win illan deg wadda ur d isel i wawal n wid illan yef yimi n wanu. Niqal d nek i yellan akwessar ; lliγ γazeγ, taquffett deffir wetma-s, wid illan tama ufella salayen d akal. Tiremt tis snat, nek uliγ d, yuder Ğender. Iffel yiţij akin i yiγil mi d yeγli fell-aγ weglaf n Ruman. Yal tama teteffk ed amur is. Nek d Wakli akw d Ḥemmu , zzin aγ, ttfen aγ, fkan aγ ayen wumi zemren n tyita, syen cudden aγ. Ma d Ğender nni ur zriγ amek teḍra yid-es. Ur zriγ immut neγ idder. Ala netta i d turew yemma-s. Tikli n wussan d wuḍan nnig wakal d

waman, tiddi n wussan d wuḍan, i laẓ d usemmiḍ, ass-a negwra d di txennaqt agi n Ṣuma...

Yal yiwen tadyant i d yeḥka, yal wa d aγilif t icqan ; wa yeǧǧa-n tarwa-s akin i yilel, wa iteẓẓeḍ deg wallaγ is tamuγli nni n wid iglalzen, mmuten zdat-es deg wasif idammen. Yir taggara!

Imdanen qqimen, qumcen, ggunin, tiddi ur tella. D amured kan di snat turdas nni deg llan. Win iwten ad ikker neγ ad ibedd am akken bedden yemdanen, at sin iḍaṛṛen, din kan a t id taweḍ tyita γer wallaγ, neγ aneccab ger yedmaren. Si tazwara nni, sin segsen i suffγen seg wennar d iγerrusen, ikka yasen uneccab si tama γer tayeḍ, mmuten din. Wid d igwran kerfen, uγalen γef tgecrar. Ifen ten igemren nni d yezgaren nni izeggaγen, nitni meqqar zemren ad qimen, ad bedden.

Yir tariḥt tuγ akw annar. Ger tuffγa n yemdanen d tin n waxfiwen, tazefrant nni trennu teqseḥ yal ass. Laâsker n Ruman simmal rennun teddun akin, simmal rewwlen akin, γunfan tariḥt n imdanen nni, tariḥt n wufni.

Acḥal n wussan i yezran, imdanen nni ggunin tafat ansi ad d tekk. Deg wass amcum, qbel ad yali wass i yekker herwel deg wennar Martius.

Asuγu nni n laâsker n Ruman ad d isawki win immuten. Teddun, afus ikkat, iḥebbek akka d wakka, win iqqimen ad ikker, win immuten ad d ikker, win ur nezmir a t yečč ujajiḥ. Akken llan

imdanen nni neggzen, bedden nnig leb $\gamma$ i nsen. Bedden yir tiddi deffir acḥal n wussan n uqummec, n tikerfi. Tagwecrirt tenteq, taweṭzit tsu $\gamma$ . Win imrehwalen ad iqqim, din ad t id taweḍ tyita n wanzel n Ruman.

Si teqreḥ nni n zellum usemmiḍ, iγsan saḥen, igwelman ddubzen, tiddi n yemdanen nni tmal, tekna am terga uγanim deg wass n wadu.

Tagut nni idlen Campus Martius tettifrir, tafat n wass trennu aγilif ugar s wudmawen nni akw d wallen nni nsen, udmawen n laz d uγilif. Ilmend tafat a tekkes tillas, a teffeγ tiţ akin i tmuγli, taggara d tafat nni i d irennun tillas si tmuγli taberkant n yemdanen icudden, imdanen iknan ur d tewwid tizi n tewser.

Asuγu, aḥbak, amdegger ... Ikker herwel deg wennar. Win iqimen ikker, win ikren iγli, win iddan ičča tiyita, terki deg wennar amcum. Imdanen illan γer zdat derren, iqwḍaren derren, Ruman, anzel deg wfus, teddun tseggimen adar rennun. Yuli wass mi bdan tikli, teddun tikli taẓayet, imdanen teddun ur ẓran anda teddun.

Wid illan segsen ssnen Ruma, zran zdat nsen Circus Flaminius. Zran, ur bedden zdat circus nni. Urar n circus ass-a agemmad i tewwurt n circus i yella. Di tezribt nni deg teddun imdanen icudden, izgaren derren, igemren bubben ihemblen d ibernusen, ur illa wawal, ur tella tadsa. Afrag ineccaben n laâsker nni si yal tama iksa fell-asen ayilif.

Di circus, di lawan is, llan wuraren, tella temzizzelt n igemren, n yemdanen. Uraren n wass-a, zdat circus, ur ten ggunint twuγa, ur ten igguni waḥḥay.

Imdanen zran, tasusmi tazayant tdel i circus.

Aqwḍar n yergazen, igemren d yezgaren ddan abrid nsen. Simmal ass iteddu, simmal imezdaγ teffγen d zdat ixxamen nsen zerren "iddawen agi", imdanen iberkaken agi n Numidya i d izegren. Di tazwara dehcen kan, syen ikkes asen ukukru. Imaziγen nni zerren zdat nsen cudden, afrag nni n laâsker nsen irna yasen tirugza. Ur qqiment tsusaf, ur iqqim yir awal, ur iqqim ubuṛrem s waṭṭawen, ur iqqim wesγal s yiγil. Imdanen nni icudden, teddun aḍar deffir wayeḍ, susmen, ur sfiḍen tisusaf, ur sulin aqerru nsen.

Mi kkan si tewwurt n tiγremt, tawwurt n "Triomphe"<sup>32</sup>, laâsker nni i yasen izzin sersen ineccaben akw d ijenwiyen nsen akin. Akken i tella si zik nsen. Anekcum γer Ruma, ad yili ifassen d ilmawen, d anekcum n talwit<sup>33</sup>. Mi ten tefka tewwurt nni, tiwuγa n imezdaγ n Ruma simmal rennunt, ifergan n yemdanen si yal tama n tzerbatin simmal iderres; γursen d ass n tmeγra. Γas tawwurt nni n

 $^{32}$  Triumphum / porte triomphale

<sup>33</sup> « Le triomphe : le parcours du cortège est immuable, considéré comme un retour à la vie civile des soldats citoyens. En franchissant le pomœrium, le général vainqueur abandonne son pouvoir de commandement militaire (imperium), symbole de son retour à sa condition de simple citoyen. Partant du Champ de Mars, où les légionnaires déposaient les armes, se détournant symboliquement du dieu de la guerre ».

"Triomphe" deg-s tiddi n mraw irgazen neγ ugar, imdanen nni icudden aḍar afus knan tuyat nsen, knan tiddi zun zran ddaw uzaglu.

Tikli nni di tlemmast n Ruma, ger tsusaf d yir awal, tuγal asen d tamagert. Sarmen ad d telli tewwurt ddaw idarren nsen, ad ten tečč tmurt akken llan, ad sgunfun.

Teddun tikli n tmara, tiwu $\gamma$ a simmal rennunt ugar zdat nsen. Nitni teddun  $\gamma$ er zdat, awal iteddu seg yiwen  $\gamma$ er yiwen  $\gamma$ er deffir : "agellid nne $\gamma$  illa zdat ; icudd am nekwni ... agellid nne $\gamma$  ... Yugurten, icudd s wuzzal, iteddu zdat-ne $\gamma$ , akin deffir ucaṛiḍ n Marius... llan warraw is di sin...".

Win islan i wawal nni ad yiwriγ wudem is, syen ad iseddu awal nni i wid d iteddun deffir. Awal iteddu si tmeẓuγt γer tmeẓzuγt, yuγ idurra nni iteddun tikli n taggara.

Deg yixef n terḥilt γer zdat, Yugurten iteddu ger sin ifergan n laâsker, uzzal iqqen iḍaṛṛen d ifassen. Deffir teddun sin warraw-is. Iteddu tikli taẓayant. Γer zdat, akin, iban as d Marius ibedd, iteddu γef ucaṛiḍ i jebdent snat tyugwin n igemren imellallen. Yugurten ikna i tuyat is, iteddu aḍar deffir wayeḍ. Ur isla i twuγa, ur iwala iγallen d isγalen, ur iẓra arquqen i t id ibeṛmen. Iteddu, isers aṭawen is, zun di targit i yella.

Abrid izzi, tarḥilt tezra zdat Forum Boarium<sup>34</sup>, syen tuγ abrid n Circus Maximius, kecmen di tlemmast is, si yal tama d agwlaf n yemdanen s twuγa d uzeggi. Fer zdat, yal asurif d ṣṣut n "Viva!" akw d "io triumphe!" i Marius ; γer deffir d awalen ifuḥanen i widen yurzen. Yiwet tikli, sin wudemawen.

Imdanen nni iteddun deffir ttun tilufa deg llan. Si mi slan agellid nsen, Yugurten, illa gar-asen, yurez ula d netta, ikkes fella-sen uzar nni usirem. "Yugurten, mm-is n tsedda, ass-a iqqen am yiγid, ger laâsker n Ruman !".

Awwah! Ur tezmir ad d tili tagi. Gguman ad amnen.

Mid ffγen si circus Maximus, ddan γer zelmeḍ zzin i tiγilt n Palatinum. Teddun tikli n tmara ur zran anida teddun. Ma γer lmut, yif γir lemmer zwaren degs. Ma d tudert am ta, yif γir lmut tameṣṣart. Teddun di Ruma zun di tlemmast n tasna n warzen. Irumyen simmal sedyaqen d abrid, simmal qerrben d iγallen nsen d ifassen nsen γer udmawen nsen. Tikli simmal tettiγzif mi yas zzin i tewrirt n Palatin, syen uγen tazribt tameqrant, Via Sacra.

. . . . .

<sup>34</sup> Abrid n triumphum : Campus Martius (Champ de Mars) > Circus Flaminus > Porte Triomphale > Forum Romanum > Forum Boarium (tura isem is "Piazza Bocca della Verita") > Circus Maximus > Palatin (izzi i tewrirt n) > Via sacra (Voie sacrée) > Clivus capitolinus (abrid yulin γer Capitole) > Capitolinus (Capitole).

Tikli n luḍa,  $\gamma$ as ma ifadden kkawen,  $\gamma$ as ma ifadden cudden s ixelxalen n wuzzal, amdan izmer ad iseddu iman-is, aḍar deffir wayeḍ, ad yefk llu i tiddi-s.  $\Gamma$ as alla $\gamma$  sellaw si laz, zzay s usemmiḍ d u $\gamma$ ilif, imdanen nni teddun d tissi, win imalen ad as d gen tarkizt, ad t id allen watmaten is. Teddun deg webrid ur ssinen, di tmurt ur ssinen.

Mi bdan tikli usawen di tezribt n Via Sacra akw, ukin i tegwecrar nsen feclent. Abrid ibeddel, teddun ikkat iten wufur ger teblaḍin nni tizegzawin n Via Sacra. Tiwuγa rennunt simmal, abrid itti, irna γezzif γer zdat. Γas d asemmid, tidi n tkuffirt tetqiṭṭir deg udmawen nsen. Ur tella tiddi, ur illa wesgunfu. Yal yiwen segsen iẓra anida ar as teffeγ i win ibedden, i win iγlin isred ur izmir ad iddu. Tuddma nni ddmen laâsker winna iγlin di Tewwurt n Triumphum teqqim di tmuγli nsen. Tuddma nni kan tefka d udem n wanida iteddu.

Teddun zun d tameqqunt nni n tgedrin di tallit n tmegra. Yal yiwen inted  $\gamma$ er gma-s, win imalen ad d id iţţef wayed. Teddun, adar ifcel, afud ikkaw, alla $\gamma$  iffe $\gamma$  it usirem.

Fer zdat tekker tawla n lferḥ d ubayur yer ibeṛnas n Marius : « io triomphe ! ».

Targit deg yella Yugurten, tefka anza i targit nni n win illan deg yifri n teryel. Targit akw d takwayt dduklent, ur tella talast garasent.

Acḥal n wussan izran si mi t id ttfen Ruman. Ussan nni n tuber,  $\gamma$ lin d waman di lawan is, teswa d d $\gamma$ a, llan wid ikerzen. Ilmend ad isirem

ad mγin yigran, ad ččarent tesrafin, ad d isdukel tamurt i tnekra tameqrant, taggara tunef, tmal, iwet wesyax di tlemmast.

Tikli nni yuki yas γezzifet. Abrid nni deg iteddu, γas d iberdan issen si zik, ass-mi d yusa acḥal n tikkal γer Ruma, ass-a ur as yufa udem. Ruma nni issen, ass-a tenger. Tiwuγa nni akw d yir awalen nni n wid iččuren iberdan kksen sser γef tiγremt n Ruma. Ruma d ikkan nnig akw timura!

Yugurten iger tamuγli akka d wakka ma ad d γlint wallen is γef yiwen neγ sin ger wid issen dinna, wid wukud ičča tagella, yufa ur illa din yiwen. Udmawen n wid i yas d izzin ass-a cuban wid nni n yifri n teryel, udmawen nni n tmucuha. Ruma nni n zik tenger.

Abrid usawen di Via Sacra simmal irennu ittiyzif, simmal isuddum zun d tinifift, tikwal d aswawen tikwal d akwessar. Imdanen teddun nehten, ifadden kennun, tiddi tzelleg. Wid illan di tlemmast feclen, laâsker illan di tama teddun s teḍsa, aḍar afessas, udem innecṛaḥ. Abrid nni isudmen yuyal asen i nitni d azayar.

Tafat n yiţij n tegrest simmal trennu, wid iteddun s tmara γezzifet fell-asen tiremt. Lemmer zran anida teddun, zemren ad as gen ul, ad sebṛen i dderk, i laz, i laâtab. Zemren ad rekden γer ul nsen, ad qeblen laâtab nni, laz d usemmid nni, taggara ad awden anida teddun. Ad awden, ad tefsi tiyersi fell-asen, ad sgunfun. Imdanen n tikli di Ruma, ur ten id iwid wawal, ur qdicen i tikli nsen. Amdan icudden s ixelxalen n wuzzal, ur iqqim d amdan i tiţ n win i t icudden.

Si tallit nni deg icudd, zun iffeγ si lufeq n yemdanen, ikcem adaynin n war amdan. Akka ! Timanit, tanefsit, tezmer ad tuγal d urar ger ifassen n yemdanen, ger ifassen n wid d yuγen tama ufella.

Yiwen seg wid iteddun zdat, tama tazelmaţ, imal abrid neγ sin, syen yuγal ed. Irna idda γer zdat, aḍar ifcel, tigecrar rgagint, irna idda γer zdat asurif neγ sin. Mi d gren wid illan deffir-es a t idd arzen s iγallen nsen i yasen inser. Abrid idyeq isuddem. Argaz iwwi tiγiγit akin, imrehwal akka d wakka, inţer s lqedd is, isred. Tikufta ffγent ed seg yimi-s. Mazal ters tergagit nni mi t id wḍen, γlin d fell-as zun d tamedda. Zuγren argaz nni am zun d aceţṭiḍ. Sin deg ifassen, sin deg iḍaṛren, sdergen t akin deffir ugadir.

Nnig wid illan zdat-es akw d wid illan deffir-es, argaz nni yufeg, yucka, ur t izra yiwen. Iffeγ si tmeddurt, zun ur d ilul, ur yuzzil, ur iḍsa, ur inneγna. Ass-mi d ilul di taddart nsen, di Tewrirt, di Taberka neγ deg lγil Imula, ass-en tefṛeḥ yemma-s, slalwent as tlawin di taddart, gant as urar armi yuli wass. Ayen akw tessarem yemma-s, ayen akw yuzzel netta akken ad yuγal d argaz, inγel deg wass nni n tubeṛ mi t id urzen Ṣuman. Ass-a isax di tegrest, deg webrid n Via Sacra yulin γer Capitolinus, di tlemmast n Ṣuma.

Yuli wass mi d suffγen Yugurten si lhebs deg yella.

Usan d γures d agwlaf n laâsker, zzin as, sulin t γef ucariḍ i zuγren sin igemren. Suffγen t id akken s wuzzalen nni yurzen iḍarren d ifassen. Yugurten iteddu s leḥder lemmer ad iγli. Γas akken argaz

iqqen, laâsker nni zzin as am arzen, gan afrag, afus γef ujenwi neγ γef uneccab. Ur illa wawal ger Yugurten akw d wid d yusan γures.

Tamuγli nni n tewwurt n Triumphum tefka yas d tasarut n tuffγa i t id suffγen taşebḥit. Tikkelt agi izra mačči γer lmut i t id srekben.

Mi yezra anect nni n laâsker, n imeḥbas, n igemren, izgaren d wayen icudden fella n icariden nni, ifhem anida i d abrid is.

Yugurten issen Ruma, issen Irumyen am zun d tamurt is. Achal n tikkal i yezger ilel, irzef γer Ruma. Dya si tedyant nni n trad n Numance iga d imeddukal ugar, imeddukal nni n tidett, wid illan γer tama-s, wid wukud idegger laâsker n Numance. Ameddakwel illan di tizi n ddig, di tizi n tidett anda γellin yergazen, yiwen ur izmir a t ittu. Di tedyant nni dya i yuki ikcem di tlemmast n idles arumi ; issen amek teddun, amek zerren tameddurt, timmanit nsen ; isefra d ayen izwaren yursen d wayen igwran yursen. Mar a yili di tlemmast imeddukal is Irumyen, ittakwi i yiman-is zun d yiwen segsen ; ayen ilhan issen it, ayen ur ilha issen it. Tikwal dya isaram ad d yas wass deg ad isdukkel ayen ilhan yur Ruman akw d wayen ilhan yur Imaziyen am netta akken ad ibnu tamurt akken tt imenna netta. Di tallit nni deg yella baba-s Makawsen d agellid, tikwal izer tagelda n Sirta abrid is yer deffir mačči yer zdat. Llant tikwal dya deg isaram ad d yuyal jedd-is Masnsen, ad d yuyal d ilemzi akken ad as ibeddel abrid i tmurt. Tikwal dya mar ad izer ilmezyan nni di Sirta, icban Aderbal, Gawda akw d wiyad, wid akken d ikkren di lehrir d tadutt, rennun d wurfan degs ugar. Di lawan deg ilmezyan n Ruman ur sgunfun ger tazzla s wegmer, almad imenyi s ujenwi d uneccab,

tazzla γef uḍar, wid nneγ sbuḥrun asen waklan ddaw tara tazegzawt di Tewrirt n Sirta. Abrid is netta, iẓra ur illa d abrid nsen.

Tallit nni mi i t sbedden zdat tewwurt n Triumphum, imezda $\gamma$  ččuren d annar. Awal iffe $\gamma$  s $\gamma$ ur laâsker nni, d $\gamma$ a at Ruma bdan d yir awalen  $\gamma$ er wudem is.

Yugurten issen tikli n Triumphum mačči armi d ass-a. Si zik n zik yusa d jedd-is Masnsen γer Triumphum n Scipion, yusa d Makawsen d inebgi. Ass-a lemmer tseggem, ad yili d inebgi n Senat mačči d ameḥbus s wuzzalen...

Ifhem ass-a d ass n Triumphum n Marius. D ass is ilmend n wayen d issas i tmurt is.

Isers aqerru-s, ur isel i yir awal, ur yuki i tsusaf nni i t id iwden ;  $\gamma$ as illa din, alla $\gamma$  is izger akin  $\gamma$ er ti $\gamma$ remt n Sirta. Ayen akw izran si lmut n Makawsen, ass-a iban as d am tafat nni n magu, iban as ifren, yufaf, iktal, yu $\gamma$ al  $\gamma$ er tesga. Triumphum agi iban as d am win yufan tasarut nni i yas idergen achal wussan, achal iseggwasen.

Azal ameqran n Triumphum issen it, izra anwa i d azar is di tmurt n Ruman : akken ad tili tikli n Triumphum i yiwen seg wid iseddan trad, i jiniral n laâsker icban Marius, ilaq ccert ameqran. Ilaq as ad yili irna d akal<sup>35</sup> akken ad isemγer, ad isnerni tamurt n Ruman.

Triomphe: "Un des critères importants était le butin rapporté, mais il ne pouvait y avoir de triomphe si **l'ager romanus, le territoire de la République**, n'avait pas été augmenté". L'annexion de la Numidie se confirme!

Senat i yas iqeblen ass-a tikli yagi n Triumphum i Marius, γures tefra. Marius irna d tamurt i Ruma, idegger akin tilisa, irna d Tamazγa (Numidya) d aḥric amaynut i Ruma. Fursen tefra, seg wass nni deg d ttfen Yugurten, Tamazγa tuγal d taferka nsen. Afrag nni iga Yugurten ikkes ass-mi t id cudden s ixelxalen n wuzzal !

Yugurten iteddu, adar deffir wayed, ur isla i twuγa, ur yuki i tsusaf. Aγilif nni ameqran yellan fell-as yuki yas ittifsis. Ass-a tefra yas d. Anezgum nni iga seg mi ikker i trad netta d Ruman, ass-a ittifrir am tagut nni n tefsut. Akukru nni imuger acḥal n tallit, di yal imenγi, ass-a ikkes. Seg wass amezwaru deg webrid n tissas i yella. Innuγ Ruman acku nitni begsen di tazwara ad kecmen Tamazγa. Lmut nni n Makawsen tusa yasen d tawwurt akken ad kecmen Sirta. Nitni heggan, begsen, taggara ufan d Yugurten d axsim nsen.

Abrid nni heggan t si zik, heggan arraw n Makawsen ad kerzen yissen. Lemmer ur ten heggan yili Aderbal ur d isuffuγ awalen nni zdat tejmaât n Senat ass-mi izger γer Ruma akken ad icetki. Inna yasen ass-en : "Tamurt d ayla nwen kenwi, nekwni d iqeddacen nwen ...".

Afus degneγ i yella.

Di 15 iseggwasen imenγi mgal Ruman, llant tikwal deg Yugurten iga ccek. Llant tikwal deg ifcel. Taggara, yal tikkelt ittaf tazmert γer zdat, ittaf afud amaynut i tnekra.

Yugurten iteddu s tazeyt, knant tuyat, ger tiwu $\gamma$ a d uqejjem, alla $\gamma$  is yunag akin  $\gamma$ er wedrar n Awras, akin  $\gamma$ er Sirta.

Mi d itkaki ilmezyen nni i d muger di tikli ines di yal tiγremt, izra deg wul is ass-a izza di Tmazγa azar n tnekra.

Izṛa issaγ tafat n tnekra deg wulawen nsen. tafat nni ur nxessi. Iqqen allen is, iteddu am uderγal, aḍar deffir wayeḍ.

Marius, fella ucariḍ amellal i jebdent snat tyugwin igemren imellalen, iteddu γer tewrirt n Capitolinus. Iteddu akken ad yefk lwaâda, ad izzal, ad isizzel idammen i Jupiter.

Ad as yerr lxir...

# 4. Di Tullianum

Mi tewed tikli n triomphe γer Capitolinus, Marius izzul tazallit is, isazzel idammen n yezgaren n at wacciwen. Isawed lebγi-s.

Imeḥbas Imaziyen akw d wid n tmura nniḍen, nehṛen ten  $\gamma$ er iderbaz anida Ilan. Azekka nsen yiwen, d aberkan : ad nzen d aklan ne $\gamma$  ad ten yečč ujenwi ne $\gamma$  yizem deg wuraren n circus di Ruma. Ffyen si tudert.

Yugurten sudren t γer lḥebs Mamertinum, d abrid γer tesraft n Tullianum, akin ddaw tewrirt n Capitolinus, deg yixef n Via sacra.

Qbel ad gren Yugurten deg yimi<sup>36</sup> ufella n tesfrat nni, fsin as tixelxalin n wuzzal, kksen as icettiḍen is, rnan jerḥen t mi yas d qeccmen timengucin nni n wureγ seg imezzuγen is.

Inter γer tlemmast n tesraft tasemmat, d aâryan akken t id turew yemma-s, imezzuγen teddun d idammen...

# I γezzifed a yid!

Tillas d usemmid zegγen tasraft nni deg yekcem Yugurten.

<sup>&</sup>lt;sup>36</sup> Imi n tesraft Tullianum izzi, injer deg wezru aberkan, tehri-s (diamètre) = 0,61 m; tiddi n tesraft (hauteur) = 3,53 m (= 12 pieds romains)

Tebrek akw d yir tariḥt rennunt as ugar aγilif i wemḍiq nni. Tasraft nni telli d imi-s si ddaw tmurt zun d talafsa. Ur yuki mi d yufa iman-is iglalez adda, di tlemmast n tesraft. Mi yas d bran si tama ufella, ur iẓra iγli d γef uqerru-s neγ γef iḍaṛṛen is. Iqqim, inzef.

Tariḥt nni i t id iwten γer tanzarin is, tesmekta yas d ifran nni n Taza, ifran nni anida zegγen yizmawen. Yugurten iccarew. Izzel afus-is, yufa t zzay zun d azduz. Γas kksent txelxalin n wuzzal i t yurzen acḥal n waguren, yuki yas i tesmeḍ nni nsent. Imekta d anida yella. Akken iqqim ur as yufa udem.

Teqseḥ d tesmeḍ n iseddaren nni gan as d ineccaben deg weksum is. Izzel iḍarren is, yufa yerra t id udernu n wezru. Tigecrar qiment kerfent.

Ur iẓṛa llint wallen is neγ qqnent. Ur iẓra amek i yas d tegwra i yiẓer is. Ur iẓra d ass neγ d iḍ, tezzint deg wallaγ is. Tebrek nni n Tullianum akw d tillas nni rnant tidderγelt i tidderγelt. Iqqim, isusem.

Yuki yas i tesmeḍ tu $\gamma$  agwlim is. Isers afus is  $\gamma$ ef idmaren is, yufa ur illa ucettiḍ, ur tella tselsa. Igwra-d akken d ilul si taâbbuṭ n yemma-s. Iself i wudem is, yuki i wfus is yulwa $\gamma$ , iḥma d si tnalit nni. Idim irennu iteddu deg imezzu $\gamma$ en is, yuder akwessar, iga d targa  $\gamma$ er tuyat is.

Yugurten iwet ad d itkaki. Acḥal aya i yella di tesraft agi? Imir kan? D ussan, neγ d aguren?

Ur d yufa. Xerbent deg walla $\gamma$  is.

Tariḥt nni tazefrant n tesraft terna tγezza t ugar di tinzert is. Tariḥt nni tesmekta yas d tadyant nni, ass-mi yeḍfer izem netta d

imeddukal is, Ameqran akw d Gider, di tezgi n Taza, tizgi n wagdel deg wedrar n Awras.

Yugurten itkaki d tadyant nni, izer itt, zun tella d zdat wattawen is :

- " ... mi yaγ inser yizem nni tikkelt tamezwarut, neǧǧa din imeddukal, wid iddan yid-neγ. Nuzzel, nuγ abrid deg yezra yizem nni. Nedda acḥal, izem yufeg, ur d iban later is. Nezzi i teẓgi, nekka yas tama ufella, nerna tama wadda, ur illa yizem, yucka. Nerna tikli γer zdat, syen ners. Neqqen igemren nneγ dγa nedda γef uḍar ger isekla n wagdel akw d umadaγ. Mi nuli asawen, newweḍ γer yiwen weslaḍ, nufa dinna llan icerfan, llan ifran. Negguni tiremt, ur d intiq wefṛux, ur d ineggez wewtul. Tasusmi nni tdel amḍiq nni, tesberber as zun d asalu n wedfel yessan.

Ameqran akw d Gider zzin d s-wadda, nek lliγ tama ufella. Zṛiγ ten mi bedden akin. Seγleγ asen s uneccab inu akken ad asen iniγ: "nek ad kecmeγ γer yefri nni illan zdat-i, nitni ad bedden γef imannsen".

Gider irra yi d s yiγil is, zun akken inna d : "keč zwir, nekwni ad d nergel abrid n wadda". Ddiγ snat tsuraf kan ger yeblaḍen mi γliγ γef yimi n yefri. Amruj nni n yifri yella iffer it udafal, iḍres fell-as zun d azetta.

Illa deg wawal : "ifri n yizem, γas d ilem isagwad".

Mi skecmeγ aqerru-w di tewwurt n yifri i yi d tewwet tariḥt nni γer tinzarin iw, tariḥt nni taqesḥant, tazefrant. Mi d rriγ iman-iw γer deffir akken ad nefseγ abeḥri azedgan i d ineggez kra zdat-i, iffeγ-ed ger

igenni akw tmurt, yufeg akin am waḍu γer tama n teẓgi. Imir, nek ur ẓriγ tigert. Ukiγ kan i waḍu ameqran, « huuufff!, i kra ihucc iyi, icrew iγil-iw, syen iḍegger iyi akin γer weslaḍ n tnicca.

Mi d ukiγ, ufiγ d iman-iw zleγ, ger Gider akw d Ameqran, aqerru-w icudd s ucettiḍ n tejbirt umageraman. Mi serseγ afus iw γef uqerru-w, ukiγ i ḥamu n idammen nni...".

Tesmed nni n tesraft tebda tkeččem deg iγsan n Yugurten.

Iccarew. Isferfed i weksum is, iḥukk iyallen is s ifassen is akken ad isenyes tisuqqas usemmiḍ nni. Tadyant nni n yizem terna degs anezgum. Itkaki d imeddukal is n temẓi. Gider, Ameqran, anida llan ass-a?

Di tesraft nni, izirig areqqaq n tafat i d yudren akin si tegnawt ibda iselles. Izra nni n tesraft i yas d izzin bdan netlen yiwen yiwen. Ur ifrin ma d ass i yeffalen akin i yiγil am yal tameddit neγ d izri-s neţţa wumi ddalent tillas, ibda ittderγil. Iqqen aṭṭawen is, ifka tamezzuγt ad isel i wayen i yas d izzin. Ur illa ṣut, ur illa wawal. Yuki i yiman-is Inţel d ameddur. Tuli d tkuffirt degs, inteq γer yiman-is:

 - " Nek, Yugurten n At Yiles, aqli di tesraft n Ruma, neţleγ ddaw tmurt, twarzeγ adar afus...". Di taγect is ur d iffis şṣut.

Ikref-ed tigecrar is, iskwer iman-is akken ad as inγes usemmid, ma d allaγ is izger, yunag akin i yilel, akin i idurar, akin i wzaγar n tmurt is.

Yugurten irra tamuγli γer deffir, γer wussan ineggura. Ussan nni tezzin zdat wallen is, tezzin rennun : timlilit n Tzaγart, Buxuc, Sulla, dabar, Irumyen zzin as d am wejrad, idammen, tisusaf, uzzal, tixelxalin, yir awal...

Yugurten iţţef aqerru-s ger ifassen-is, iwwet ad ikkes deg wallaγ is ayen akw izer di tedyant deg yella, taggara tixelxalin nni n wuzzal azayan rrant ed tamuγli-s γer wemkan nni deg yella. Mačči di targit i yettargu. Islef i ifassen is, i iḍaṛṛen is, ur iẓṛa illa neγ ur illa wuzzal.

Ayen i yesnedfen ul-is ugar ur illa d tadyant iḍran yides, tufa t id assa iṭṭef tama wadda zdat ucengu Aṛumi. Tidett, neṭṭa tuɣ it innum tilufa, innum akwessar d usawen, innum uguren seg wass-mi i t id turew yemma-s. Isers afus is γef idmaren is d tuyat is, islef i weksum is, yuki i cwami nni n tyitwin uneccab, tiyitwin ujenwi neɣ ucangal. Γas llant cwami nni deg weksum is, γures am zun ur llant. Acḥal imenγiyen deg yella, deg yewwet, deg yečča tiyita, taggara yufrared di yir tallit. Ajraḥ n tyita acengu iqqaz iḥellu...

Ayen i yesnedfen ul-is ass-a, d tiyita nni i yas d ikkan si deffir, seg idammen is.

Ifka awal, ifka laman akken ad imlil neţţa akw d Sulla<sup>37</sup>. Ad imlil akken ad d afen tawwurt n tifrat netta akw d Irumyen, Buxuc<sup>38</sup> ad yili d inigi. Taggara teffeγ tedyant akken nniḍen.

<sup>&</sup>lt;sup>37</sup> **Cornelius Sulla**: ilul di -138, ifka t id Ruma di -108 (questeur) γer Numidya n wagmuḍ, ddaw leḥkem n Marius. D neṭṭa i d iyurzen Yugurten, s ufus n Buxuc.

Ilmend deg ad tili d timlilit n tifrat, timlilit n Tzaγart s ufus n Buxuc, taggara tuγal d yir targit. Adeggal is, d idammen n warraw is, ifka afus degs, izenz-it i Ruman.

Akken i yas iwzen Yugurten ur as yufa ixef is. Di tazwara dduklen netta akw d Buxus, sdukklen tazmert nsen d laâsker nsen, nnuγen lṛumyen di yal amkan, di Sirta neγ anida nniḍen. Taggara tunef, ... Amek iwweḍ Buxuc ad izenz aḍeggal is, a t iger ger tucar lṛumyen ? Yugurten ur as yufa tawwurt. Itkaki d awal nni zik : "tixsi d idammen is i tt inγan".

Acḥal n Imaziyen am neţţa i d igwran di tesrafin ney di leḥbus n Ruman, muten ney nzan d aklan. Yugurten yufa ur illa d amezwaru di tedyant agi. Itkaki d wid akw illan yides deg imenyiyen, wid i d ttfen Irumyen, cudden ten id d aklan yer tmurt nsen. Itkaki d dayen tadyant n ugellid Sifaks<sup>39</sup>, itwacudd am neţţa di tmurt n Ruman. Ittef it id Masnsen akw d Consul Laelius deg imenyi n Sirta. Sifaks immut d ayrib di teyremt n Tibur<sup>40</sup>, di tmurt n Ruman. Γas Sifaks yenfa, ikkr-

<sup>&</sup>lt;sup>38</sup> Buxus (Bocchus) : agellid n Muretanya (Tamazγa utaram / Merruk akw d tmurt n wehran n wass-a).

<sup>&</sup>lt;sup>39</sup> Agellid Sifaks (Syphax): immut d ameḥbus di tmurt n Ruman, di teγremt n Tibur. D Masnsen akw Laelius i t id iṭṭfen di Tmazγa, deg imenγi wis sin ger Carthage, di yiwet tama, akw d Ruman d Imaziγen di tama nniḍen (2eme guerre punique). Masnsen imal γer Ruman, Sifaks imal γer Carthage.

<sup>&</sup>lt;sup>40</sup> Tibur (tura isem is TIVOLI), d tamdint n Ţelyan, tezga d 32 km akin, agmuḍ ("Est") n Ruma.

ed mm-is, Awernin<sup>41</sup>, iseγzef imenγi mgal Masnsnen. Tamurt tamaziγt teqqim tebḍa γef sin.

Izirig nni n tafat iselles.

Yugurten iskwer iman-is di teγmert, aqerru ger ifassen, iqqim igguni. Iger tamuγli i yiseggwasen ineggura izran :

-"Tadyant i yaγ d isawden γer dagi, azar is illa si zik n zik. Nuγ tanumi, ar d inγel ubuqal i nettuγal i tuzzma. Di yal tallit, ussan izran am zun ur nessin a nelmed segsen. Γurneγ, ayen izran iwwi t wadu. Yal tikkelt ad as nuγal s wadda am zun imir kan i d nlul.

Ugur ameqran nneγ : nesimγur tin n gar-aneγ armi d tidderγelt deg ur nzer uguren i yaγ d izzin, uguren n tlisa, uguren n beṛṛa. Yal tikkelt akka. Win d yusan si beṛṛa izmer ad ikrez yis-neγ ma yufa tasarut n iceqqiq nneγ : taγennant nni yellan gar-aneγ si zik n zik.

Ass-mi yemmut babat-neγ Makawsen, γilleγ wden d wussan deg nezmer a nbeddel udem i Tmazγa. Nwiγ ad as neddukel i twizi tameqrant, ad d nesakwi ilmezyen n tmurt, a nebnu tiγremtin, a nenjer iberdan, a nγez tiregwa d isaffen i waman ad awden timura, ad swen yigran. Nγil tamussni tella, iγallen llan.

Taggara teffeγ targit tezleg.

Yir tagmatt tetruz ifadden. Mazal yekkaw uzekka n babat-neγ Makawsen, atmaten-iw Hiemsal akw d Aderbal begsen i tlufa.

<sup>&</sup>lt;sup>41</sup> **Awernin** = Vernina (s tlatinit), mmi-s n Sifaks.

Ilmend a nemyefk tayett, ad nekker i tmurt, nitni heggan tifxett. D nek, gmat-sen, i d ufan d acengu nsen mačči de laz d cwal yellan ger tmura n Tmazγa. Nitni kkren d deffir ugadir, di liser d tawat, dγa tamuγli nsen tuγal ed kan ansi d yuγal ugadir i yasen d izzin di Sirta. Kkren deg wudi d tamemt, di taḍutt, ugaden ad asen tekkes. Ur ffiγen, ur kcimen timura n Tmazγa neγ tid n medden, ur gan imenγi, ur ten tuγ deg tedyant anida a rgagin iγesmaren nsen, anida ad teffeγ seg-sen tidi tasemmaţ.

Ilmend deg ad cemṛen i iγallen nsen, nitni fran ad qimen di ḥamu d tiẓett n tamemt deg uγen tanumi ass-mi illa babat-nneγ.

Ass-mi llan, Aderbal akw d Hiemsal di tattalt, nek gezmeγ Tamazγa seg yixef γer yixef, seg wagmud ar utaram, seg wanzul ar ugafa. Zegreγ isaffen, zegreγ idurar, ulac tiγremt ur kcimeγ, ulac taddart ur ssineγ. Anida kkiγ d atmaten iw, axxam kecmeγ d axxam iw. Yal tikkelt s mraw ifassen i yi d tmagaren.

Zegreγ ilel γer tmurt n Sbanya, kecmeγ di tṛad n Numance, tama n laâsker n Ḥuman, nemyefk tayett, nečča aγrum asemmaḍ, necrew tidi d idammen. Imir Iṛumyen llan d imeddukal nneγ, mačči am assen am assen.

Di Numance, isem n Tmazγa yuli yas yiseγ. Deg imenγi, anida terki, anida tegguma ad tefru tyita, d nek wuγur d idellu Scipion. Mi nekcem annar, a neg afernas deg wcengu. Dinna di Numance, nesdukel tamussni nneγ di trad akw d tin nelmed γer Ruman, rnat d afud i yiseγ n ilmezyen Imaziγen i wwiγ yidi. Nefka iqerra nneγ i wudem n yiseγ n tmurt nneγ.

Ass-mi tefra tin n Numance, mi nekker ad d nuγal, zdat laâsker d izzin i yaγ d inna Scipion awalen ineggura : "kenwi laâsker n Tmazγa, tefkam aγ d tayett, tefkam iqerra nwen i tifrat n imenγi n Numance, i temγer n Ruma. Tzegrem d ilel akken ad d tegrem afus deg imenγi tama nneγ. Ass-a, azekka Ruma ur itettu ayen tgam di tmurt dagi. ...".

Nezra awal n Scipion anida isawed ass-a.

Ass-mi d nuγal si Numance, imeddukal nneγ immuten din ur ten nettu. Mi d nuγal kan, nezzi d i tmurt, nezra imawlan n yergazen i neǧǧa-n akin i yilel. D lmut nsen i yernan azal i tmurt n Tmazγa ; iseγ amegran, d idammen nsen nitni i t id iwwin i Makawsen."

Tasusmi nni idlen Tullianum terna d amur is n tebrek i tillas, i tazeyt uγemγum nni. Idammen nni sebken γef tuyat is, rnan d tesmeḍ i weksum is.

Yugurten ikna, iger afus is ad d innal ixelxalen nni n wuzzal i t yurzen. Isferfed ifassen idarren, ur llan ixelxalen nni. Isarem ad ten yaf akken ad ten yeg d imwansen.

Yuγal as i wsaru nni n tmeddurt is:

"- Tiyita taneggarut n Buxuc, γas ukiγ as, tugar itt tin d ikkan sγur watmaten iw. Tiyita n Hiemsal, Aderbal, Masiwen akw d Gawda sfeclent iyi. Terna d tin n Bumelxir d timsislit.

Ilmend tagmatt a d tili d tagejdit wuγur ad isenned win imderkalen, taggara yir tagmatt terna d aγilif.

Akka si zik, seg wass-mi tebda ddunit, tamurt nneγ ur as tufa ixef is. Si zik n zik, di yal tallit nekwni nerwa akwessar d usawen akken a nesbedd tilisa n tmurt nneγ. Nezga d ger sin icenga. Yiwet tama d Ruman, yiwet tama d Carthage i yegren tuccar is di tmurt nneγ acḥal iseggwasen aya.

I sin nsen sekcmen a $\gamma$  di tlufa yellan gar-asen. Tikkelt d wa, tikkelt d win. Tṛad<sup>42</sup> ameqran amezwaru d illan gar-asen acḥal iseggwasen aya, ikker  $\gamma$ ef tegzirt n Sisilya<sup>43</sup>. Ass-mi tefra gar-asen, Ruman iḥella d Sisilya, irna d tigzirin nniḍen, Sarda akw d Kursa.

Carthage ur illa d tamurt. Carhage yusa d am timmist deg weksum t Tamazγa. Di tazwara-s d tiγremt bnan Ifniqen zdat illel Agrakal. Smeγren akal is s udegger n tlisa di tmurt nneγ. Si tkemmict nni n wakal n Tmazγa akw d tmussni nsen i waman d ibabuṛen, uγalen d ixṣimen i Tmazγa, syen tazmert nsen tesimγur armi uγalen d axṣim i Ruman.

Γas adabu nsen nitni, amur ameqran n imnayen d ifellaḥen, γas ini d Imaziyen akken llan.

Carthage ittef tamurt n Tmazya s ufus n tarwa n Tmazya!

Di trad wis sin i yekker jedd-i Masnsen, ifka tayett i Ruman, dduklen γef uqerru n Carthage.

<sup>&</sup>lt;sup>42</sup> 1ere Guerre, ger Ruma d Carthage (-264 ar -241); 2ème Guerre Punique (218 ar -202); 3ème Guerre Punique (-149 ar -146).
43 Sisilya (sicile), Sarda (Sardaigne); Kursa (Corse).

Di tedyant nni i d iban wudem n tidett n Tmazγa : tamurt tebḍa ur teddukel. Di yiwet tama d Tamazγa (Numidya) n ugellid Masnsen, di tama nniḍen d Tamazγa (Muretanya) n ugellid Sifaks.

Lemmer dduklen igelliden, myefken tayett, yili Carthage ad inger. Lemmer dduklen, Ruman ad yerr adar, ad ikukru ad d isekcem iman-is di tmurt nneγ.

Akka i tella. Di trad wis sin, Masnsen idda d Ruman, Sifaks idda d Carthage. Tama tekka di tayed. Masnsen ikcem tiγremt n Sirta, Sifaks icudd di snasel.

Taγennant nni yellan ger sin igelliden, ilmend deg a teffer, a tenger, taggara tesban ed udem is i Ruman. Si tedyant nni, zran zemren, γer zdat, zemren ad uraren akken bγan s beṭṭu nni yellan ger Tmazγa/Muretanya akw d Tmazγa/Numidya. Tamurt yiwet, laṣel yiwen, iles yiwen, igelliden tebḍa ten tismin akw d tγennant.

D tadyant nni imezwura i ya $\gamma$  d isawden  $\gamma$ er wanda nella ass-a. Bettu ger Masnsen d Sifaks imir icba bettu yellan taggara ger Yugurten akw Buxuc. Fas akken necrek idammen, tabaâuct nni n t $\gamma$ ennant tkefl ed si ddaw tmurt, tesazzel idammen, tesawd ed Yugurten  $\gamma$ er Tullianum..."

Tasusmi nni n tesraft tsers-ed fell-as ayemyum.

Ger wussan nni ineggura seg d iţwaṭṭef ger ifassen n Iṛumyen, abrid nni  $\gamma$ ezzifen si Tmaz $\gamma$ a armi d Ruma, anida ur izmir ad iqqen tiṭ is si herwel imsulta, ass-a  $\gamma$ as ini yufa yas talwit di tesraft. Yuki yas i

walla $\gamma$  is yers am win akken teffe $\gamma$  tawla. Tasusmi nni tga yas d tafat deg walla $\gamma$  is ilmend n tafat n tafukt ur izer.

D izirig nni n tafat d ikkan seg yimi ufella n tesraft i yas d isbanen yuli wass. Ur izra igen neγ ur igen. Akken iskwer iman-is i d yufa iman-is tafejrit.

- "Zer kan! Ayen akw i sarmeγ, ass-a teffeγ tirga tezleg.

Acḥal iseggwasen aya i nerwa akwessar d usawen nekwni di trad n Ruman. Ansi i yasen d nekka, ad aγ d zzin ansi nniden. Ur tella tewrirt, ur illa wegni deg ur uzzilen idammen. Ruman skecmen tuccar nsen di tmurt nneγ si zik n zik.

Ulac tuzzma fell-asen. Lemmer ur ufan afus degne $\gamma$ , yili ur d keččmen tamurt, ur en tyimin din. Afus degne $\gamma$  kan i yella. D ayen ur neffir. D win i ten iskecmen  $\gamma$ er Tmaz $\gamma$ a i yi d iskecmen  $\gamma$ er tesraft agi deg lli $\gamma$  ass-a.

Ruman, si zik nsen, anekcum n tmura n medden illa yasen deg idammen. Ur tella tama i ǧǧan. Akken bnan Ruma, saherwen tamurt nsen di Urupa, ukin iman-nsen zemren, zegren ilel Adriatik, syen zegren d ilel Agrakal<sup>44</sup>. Di tazwara dγa qesden d ad nnaγen kan nitni d leḥkem n Carthage, nekwni ur aγ d wiḍen.

Di tazwara nsen, deg webrid uγezzu di leqrun izran, imezwura nsen, di tagelda n Sabin<sup>45</sup> iḥekmen Ruma, gan as talast i wnekcum n tmura n medden. Mačči d adway kan, d imenγi kan. Nnan zik, qbel

nei Agrakai . mer wediterranee

<sup>44</sup> Ilel Agrakal : mer Méditerranée

<sup>&</sup>lt;sup>45</sup> Igelliden Sabin (icban Ancus Martius), imezwura illan zedγen Ruma.

ad kecmen yiwet tmurt, uγen tanumi zewiren s wawal qbel ad awden imenγi s uneccab d ujenwi. D agwerram nsen, win illan d amγar, neγ amedyaz amedran, i zewiren akken a sen illi tiwwura n tmurt n medden.

Nnan: agwerram ad iddu ar talast n tmurt nni i qesden i trad akken a tt kecmen, ad iγum aqerru-s s uqelmun, syen ad iger tiγri, a sen yini:
- "sel iyi d a Rebbi ameqran (Jupiter), selt i yi d a wid d isellen n tmurt agi, aqli deg webrid n lheq, ayen sutureγ d wa ...".

Mi yessuli awal is ugwerram nni , syen ad iddu deg wakal n tmurt nni ar d imager deg webrid is amezdaγ amezwaru n tmurt nni, ad as yales ayen d inna di talast mi d izger. Ad irnu ad iddu. Mi yewweḍ γer tlemmast n tmurt nni, di tlemmast n tejmaât tameqrant n yiγrem, ad yernu ad yini awalen d inna, syen ad d izzi, ad d yuγal γer tmurt n Ruma. Mi wḍen 33 wussan, walan ur d yuγal wawal n ccert i widen iqsed, agwerram nni ad yuγal tikkelt tis snat γer tejmaât nni, ad a sen yini:

-"Sutreγ a wen d ayen wen d sutreγ, maca awal γurwen ur t nesla. Ass-a tewweḍ talast. Taggara, nek ad uγaleγ γer Ruma, ad ciwreγ Irebbiyen nneγ akw d imγaren nneγ akken ad aγ tt id frun."

Mi yefra unejmaâ n yemγaren di Ruma, fran abrid n trad d win kan, ad sutren i Irebbiyen a ten allen, ad zallen tazallit n trad. Syen, ad aznen agwerram nni ad yuγal. Mi yewweḍ talast n tmurt nni, ad iger tiγri i webrid n trad, syen ad isentu aneccab deg wakal nsen. Aneccab nni ad yili irγa di tixeft, iḍla s idammen. D abrid n trad!

Ger ass amezwaru d wass n trad, imir izmer ad d yili webrid n tifrat ger Ruman akw d ixşimen nsen. Di yal tallit, ger trad d talwit, llan iberdan mačči yiwen.

Ass-a, Ruman ibeddel. Ur ifka azal i bab igenwan, ur issin abrid n talwit. Anida i ten tessawed tezmert nsen i d tekka talast nsen. Azal n talast γef tebna tmeddurt, talast n wakal, n wawal, n tikli, nitni ur tt ssinen. Tga yasen am tlafsa nni ur nessin tawat.

Illa deg wawal di tmurt nneγ: si zik n zik, talast tella ger wayen illan d wayen ur nella. Tilisa gan tent imdanen akken ad beddent, ad ilint gar-asen. I yal talast tella tseγlit is. Tiseγlit nni tella kan i wallaγ, ur tella i tezmert; tella kan akken ad tektaki i wemdan ansa i yas d tegzem. Dγa, ula d izmawen d wuccayen di tezgi tgen tilisa. Yal wa deg wemḍiq is. Γas imdanen ur llan d uccanen neγ d izmawen, si talast γer da i nek, si talast akin i keč. Yal yiwen d amur n weγbel is. Amkan deg ur llant tlisa, d nger kan i γures d iteddun.

Ugur, mačči sγur Ruman kan i d ikka. Di tidett, tella degneγ si zik n zik. Illa wayen ilhan, illan wayen n dir. Akka !

Iseggwasen agi ineggura deg necrew temre $\gamma$ , deg nerwa akwessar d usawen deg imen $\gamma$ iyen d laâsker n Ruman, wte $\gamma$  ad as afe $\gamma$  abrid is, ad as afe $\gamma$  ddwa i wanda i tt nu $\gamma$ .

Di tṛad, Iṛumyen ur a $\gamma$  ifen irgazen, ur a $\gamma$  ugaren tiṛukza, ur a $\gamma$  ifen tamussni. Ifen a $\gamma$  di tuddsa<sup>46</sup>. Di tin i deg tettwa $\gamma$  tmurt !

Di Numance<sup>47</sup>, di tmurt n Sbanya, i d ssneγ tamuγli n Ruman, amek zerren tamurt nsen, amek zerren timura n medden. Lliγ mezziyeγ, maca lliγ allen iw, sherceγ imezzuγen iw, di tallit nni n trad mi nennuγ di Numance agellid Viriathe.

Di tlemmast n at tmurt i tzemred ad tissined at tmurt nni. Di tlemmast n trad i tzemred a tissined ugar imdanen. Di tlemmast n herwel, akken illa wemdan ad as d yefk udem is, udem n tidett. Ur illa wurar, ur llant tkellax. Di ddiq, yal yiwen akken illa wudem is i yella s timmad is. Izem ad d iban, awtul ur izmir ad intel.

#### Abrid n Masnsen.

Ugur ameqran d illan gar-i d watmaten iw, Aderbal akw d Hiemsal, simmal izzad deg yixf iw. Llant tikwal deg teggeγ aγilif ilmend ur fkiγ awal, ur qqimeγ ayen ilaqen akken ad asen sferzeγ ugar abrid zerreγ, abrid ilaq a neḍfer. Abrid agi ur illa d nek i yerzan asalu ines ; abrid agi d abrid nni n jedd-i, agellid Masnsen.

Γas iban webrid, di tidett idres, iffer, tedl-it tagut n iseggwasen.

<sup>47</sup> Di -134, Yugurten iffeγ si Tmazγa, s laâsker is, d abrid γer imenγi di Numance. Ifka t ugellid Makawsen akken ad yefk tayett i Ruman mgal agellid Viriathe. D Scipion i yellan iḥkem laâsker n Ruman dinna di Numance.

<sup>&</sup>lt;sup>46</sup> Tuddsa = organisation (stratégie/discipline militaire)

Lemmer yura Jedd-i Masnsen ayen izer di tgelda nni ines, ayen d iteddun i Tmazγa γer zdat, yili izmer ur aγ tderru akka. Mi yedder Masnsen, mi yemmut Masnsen, awal is, ayen inna, ayen iga, ayen iwehha, nekwni nelqed iten id d iceqfan. Lemmer yura adlis anida d yesefsi tiyersiwin, yili fell-aγ ad tifsis, abrid ad aγ d iban γer zdat. Yili daγ nek ad afeγ tagwest γef ar a tekkiγ. Ad afeγ afud yes ad sdukleγ atmaten nneγ i twizi tamegrant.

Tikwal, mar ad d tkakiγ tadyant tamezwarut i yaγ d iglan uguren imeqranen gar-aneγ segmi yemmut Makwasen, tafeγ amur ameqran si γurneγ i d tekka. Tilufa nni gara-aneγ, nek, Hiemsal, Aderbal, izmer ur d ttilint, ur d tlalent.

Fas tuzzma ur salayent aman d asawen, tidett ur as gan talast. Ayen ilaq ad d yifrir ad yifrir. Nnig tidett ur illa.

Deg wussan nni imezwura, deffir lmut n Makawsen, γas abrid ilaq a t nedfer zerreγ t, maca ur d ufiγ amek a sen fkeγ udem is i Hiemsal akw d Aderbal, am akken i t zerreγ nek. Abrid γezzif, yezzi, asawen, akwessar, ma d nek iban iyi d iseggem, ibrez, d azaγar. Akken i t zerreγ nek i nwiγ zerren t wid illan yidi, am Hiemsal, am Aderbal. Di tegwnitt nni n tlufa, ur qqimeγ ayen ilaqen akken ad asen fkeγ tamuγli-w, ad asen slemdeγ tidett n webrid n Masnsen. Nekwni nbeddu deg wezlez qbel a nessali tallit umeyyez. Akka, syen mi tenγel ad as neqqim i tuzzma.

Di tesraft agi n Tullianum deg lliγ, ufiγ akken tetulles tesraft i tennerna tafat deg yeẓri-w, i tuγ ugar deg wallaγ iw. Ufiγ iman-iw

zerrez Tamazγa, ferzeγ tt am win yulin taqacuct useklu izerr-ed akwessar taferka. Ayen illan a t id izer, izmer ad d ifren irden s tiţ-is.

Seg wass-mi yekker Masnsen, ikcem deg imen $\gamma$ iyen gar-as d Ruman ne $\gamma$  Carthage, tikwal idda d wa, tikwal idda d win, tikli-s is di tidett yiwet kan i yellan : abrid is de win ar isherwen Tamaz $\gamma$ a, seg yixef  $\gamma$ er yixef, ad ikkes isem n tfidi n Cartage ad d tu $\gamma$ al i Tmaz $\gamma$ a, ma d Ruman ad iwet akken ad iqqim akin i yilel, akin di tmurt is.

Ruman d Carthage imir ğehden i sin, myezmaren, ma d Tamazγa am win d ikkren d amezyan. Ilaq as ad yernu tiram akken a d yefk afud i yiγes is. Aγilif ameqran d beṭṭu nni tebḍa Tmazγa γef sin. Yiwet tama de Masnsen, yiwet tama d Sifaks. Yal wa ikkat ad isemγer iger is s uhuddu n wayeḍ, s uhuddu n gma-s!

Tiddas agi, Masnsen ifhem-itent. Ifhem, win imbawlen, icced, ad as imil lkil is.

Di Ruma imir, am ass-a, llan sin « iderma » : win ibyan Tamazγa ad tili d tamurt iğehden, agemmad i yilel, s ugellid is, ad d teqren Ruma di talwit. Illa wedrum wis sin ibγan ad isemγer iger n Ruma akin i yilel, akin i idurar ; adrum nni isarmen yal tamurt n ddunit ad d tuγal ddaw uzaglu nsen. Talast agi gara-asen nitni tella di tallit n Masnsen, n Makawsen, akw d tura. Yal tama tekkat ad tesmil Senat n Ruma γer webrid is.

Di Carthage, Hamilcar Barca, Asdrubal, neγ Hannibal kkren ad smeγren tilisa nsen. Usan d am tfiri γef tmurt n Tmazγa. Ugar n 7

leqrun si mi tebna Carthage deg wakal n Tmazγa. Tella d takemmict n yexxamen, tuγal d tiγremt kan, syen tebna d tamurt. Γas d tamezyant deg wakal, tessahrew, tesemγer di tezmert n laâsker is, deg wakal neγ γef aman. Imir, llan at Carthage llan kecmen tamurt n Sbanya, Sarda, Kursa. Simmal teddun, simmal siqriben γer Ruma. Temγer nni, tikli nni γer idisan n Ruma, taggara tewi yasen d imenγi ameqran<sup>48</sup> nitni n Ruman. Acḥal d aseggwas, amennuγ ur ifra. Tiγmert deg tefra, ad d tekker di tayed.

Deg imenγi nni gar-asen, Masnen ifhem ilaq as ad ikcem annar. Yal yiwen seg-sen, Ruma akw d Carthage, ibγa ad ismil Imaziγen γer tama-s, ibγa ad tallen Imaziγen deg imenγi mgal axsim is. Yal yiwen tiṭ is ibγa ad ikcem tamurt nneγ. Urar nsen nitni, taggara-s γef iqerra nnaγ. Tban am azal!

Di tṛad ger Ruma akw d Carthage, abrid n Masnsen ibrez : ad izwir deg wexsim amezwaru, Carthage, win i yuyen aẓar deg wakal n Tmazya si acḥal n leqrun. Tamuyli-s akken ad iwet ad iseyli tazmert n Carthage, syen ad ikcem tiyremt. Di tama-s netta, d Carthage i d tiyremt isarem ad tili d tiyremt ugellid n Tmazya. Tella deg wakal n Tmazya, imezday is, amur ameqran d Imaziyen. Sirta yas tella, ur d teqrin Carthage.

.

<sup>&</sup>lt;sup>48</sup> Tṛad wumi semman « les guerres puniques ». Tamezwarut (di -264 ar -241) ; tis snat (di 218 ar -202), Masnsen innuγ degs-s ; di tis 3, taneggarut deffir lmut n Masnsen (di -149 ar -146), Ruma ikcem Carthage, iserγ itt ; ihudd itt aẓru aẓru. Agellid Makawsen illa deg-s, innuγ netta d laâsker is di tama n Ruman.

D abrid nni i t yefkan ikcem annar n trad di tama n Ruman.

Mi yettef Masnsen adrum n Ruman, dinna kan Sifaks imal γer Carthage. Lemmer Masnsen imir idda d Carthage, yili Sifaks ad imil γer Ruma. Tismin rnu yas taγennant tamessast!

Akka Imaziγen ! Tamurt nsen tebḍa, yal yiwen tama yuγ. Ilmend deg a dduklen, rnan beṭṭu i beṭṭu.

Fas izwar Masnsen ad ifru tamsalt n Carthage, akken ad d yerr akal n Tmazγa i yeṭṭef udabu n Carthage, netta ur ikkis zdat wallen is ugur ameqran : Ḥuman.

Ifhem tazzla n Ruman γures akken ad sen yefk tayett ad seγlin Carthage, mačči i Ifayda n Tmazγa neγ i Ifayda ines netta. Tikli n Ruman i Ifayda nsen nitni: ad kksen acengu i yugaden ad yimγur ugar, agemmad i yilel Agrakal. Syen, mi fran tin n Carthage, ad d zzin i tmura d ifergen Ilel Agrakal. Talast n Ruman tella kan ansa i ten id terra tezmert nsen. Nekwni nezga d agemmad i waman, nbedd asen am lγerd i tyita.

Akken ad iqabel Ruma tikkelt a tefru tin n Carthage, Masnsen ibna ad izwir di tid n wexxam. Ilaq as ad isdukkel tamurt si talast γer talast. Aγilif ameqran, tamurt tebḍa, iceqqiqen llan: sya d tiḥdert n Carthage, syen d Sifaks, tama wadda n tiniri<sup>49</sup> d aγeẓẓu yal ass. Ur illa ugerru, ur tella talwit.

Di tama nniden, Masnsen iwet ad isemzi tucerka netta d Ruma am akken isemyer tucarka netta d tmura nniden, icban Athena, tamurt n

<sup>&</sup>lt;sup>49</sup> Tiniri (tiniriwin) = sehra.

Nnil. Amur ameqran d tinzin n yirden d temzin<sup>50</sup> teddun deg ibaburen  $\gamma$ er Athena ne $\gamma$  akin. Di Sirta simmal llan ugar n imdanen n Athena; deg-sen wid itjaren akw d wid iselmaden tussna n Hellena<sup>51</sup>.

Di tallit nni yeffe $\gamma$  yisem n Tmaz $\gamma$ a ugar. Di tmura teddun idrimen n Tmaz $\gamma$ a. Deg wurar ameqran n Athena $^{52}$ , izger baba, Mastanabal, illa di temsizzelt igemren deg wennar n Athena. D netta i d yeff $\gamma$ en d amezwaru.

Tikli n Masnsen tedda ad tefk izuran i tmurt, ad tezzu tigejda i tlisa, ad tesnerni tamussni.

Taggara, immut Masnsen ur isawed anida isarem.

D abrid agi n Masnsen i wteγ a t id berzeγ, ad as zwiγ taγebbaṛt nni n iseggwasen. Γas iḍres, tuli t tissist, abrid illa. Ur izmir yiwen ad iffer iţij s uγerbal.

Abrid n jedd-i Masnsen zri $\gamma$  d win n tidett. Gre $\gamma$  adar-iw deg-s. Taggara, akken teffe $\gamma$  teffe $\gamma$ .

<sup>&</sup>lt;sup>50</sup> Di -200, Masnsen yunez 200000 teqlalin (boisseaux) n yirden akw de 200000 t. n temzin i laâsker n Ruman ; di -198, 20000 t. n yirden i Athena ; di -191, 300000 t. n yidren d 250000 t. n temzin i Ruma akw d 500000 t. n yirden d 300000 t. n temzin i Athena. Di -171, ifka i laâsler n Macedoine, 1000000 t. n yirden, irna yasen 11600 iqentaren i tmurt n Deliens. (sγur Mouloud GAID, « Agellids et Romains en Berbérie, pp.55-56)

<sup>51</sup> Culture grecque52 Ger aseggwas -168 d -163. Uraren n Athena (festivités panathènes).

Tagelda n Makawsen, tebda mi lliγ di tattalt, deg iγallen n yemma. Mi yemmut jedd-i, Makawsen ibedd d agellid. Ger watmaten is, baba Mastanabal akw d Gulusen yal yiwen taâkwemt iţţef deg wegraw. Ur d zin sin iseggwasen, am baba nni am Gulusen nni, mmuten i sin. Igwra d Makawsen.

Deg imenγi wis 3 ger Carthage d Ruman, ikker Makawsen, deg webrid n Masnsen, innuγ di tama n Ruman. D win i d imenγi aneggaru i d iglan s uhuddu n Carthage. D ahuddu nni i yes izza tuzzal is Ruman deg wakal n Carthage, irra t d ayla-s. D win i d asurif amezwaru unekcum n Ruman γer Tmazγa. Makawsen isusem i twaγit nni. Ur d ikkir ad iqabel Ruman. Iğğa ten fkan imγi deg wakal nneγ.

D timmist nni deg idisan nne $\gamma$ , «akal n Ruman»<sup>53</sup>, i wu $\gamma$ ur teddu $\gamma$  ad t kkse $\gamma$ .

Ass-a aqla $\gamma$  nettwarez. Ma nedder ur nemmut, tiwizi tameqrant ad as negf ass is.

Azru n tesraft ittarw-ed aman, irennu tesmed i tegres. Yugurten yuki i yi $\gamma$ san is simmal cerrwen tesmed nni. Akken iga ur as yufa talwit. Ikker, izwi iman-is, izzi i tesraft, irna izzi akken ad i iḥmu, idda akka d wakka, feclen idarren is, iqqim. Tesmed nni tezde $\gamma$  it, tegguma ad teffe $\gamma$  deg-s.

lqqumec di teγmert, isenned γer sin izra akken ad isenγes tesmed i weksum is. Tikwal, yif teqreh tesmed. Udmawen n wid akw issen,

<sup>&</sup>lt;sup>53</sup> « province romaine » = ayen illan di tazwara d akal n Carthage si mi t ihudd Ruman di -146. Tamurt tuyal d ayla n Ruman di Tferka!

win iḥemmel, wid ur iḥemmel, tezzin zdat wallen is. Tezzin zun llan ger igenni akw tmurt, di tafat n tafukt tamellalt. Nitni ur zmiren ad s siwlen, netta ur izmir ad sen isiwel. Llan wid wuyur izzel iyil is zun ad ten id iṭṭef. I d immuger ufus is ala ilem n tesraft. Nitni ur d giren afus nsen, ur as d zzin udem nsen. Tuyal as tmuyli nni d anezgum. Idduges, ikker, izwi iman-is, yuyal i wawal nni netta d yixef is:

- « Nuγal i targit nekwni nuki! A wer nesleb!

Ad kkre $\gamma$ , ad bedde $\gamma$ . Amdan ilul ed, turew it id yemma-s s ibeddi, fell-as ad ikker, ad ibedd, ad yazzel. Skud teteddu tefkert n wul, illa usirem  $\gamma$ er zdat. Ma nedder, tamurt ad as neqqim. Nnan at zik : « akken triḍ  $\gamma$ ezzifeḍ a yiḍ, taggara ad yali wass ».

Di tmuγli n tudert nneγ nekwni, nesdukel tudert n wid izran, am zun yid-neγ i llan, tudert nneγ nekwni akw d tudert n wid d iteddun γer zdat. Di yal ass γurneγ, win ibennun ad ibnu i wid d iteddun γer zdat, i warraw n warraw is, γas netta di ddiq i yella; win ileqqmen iteẓẓun, ad iẓẓu isekla ar ad ččen wid ad d ifṛuṛxen γer zdat, γas netta ad izgel tiram. Amedyaz, win isefrun awal, di yal tamurt, awal is iteddu akin i wussan, akin i iseggwasen γer zdat, akken awal nni ad yili d taftilt i webrid di tagut n tmeddurt. Ma aḍar itṛuẓu asalu, izmer ad ifcel neγ ad yaâyu; awal isfal akin i tizi, iteddu irennu tirkelt i tmussni. Awal ur izmir yiwen ad t iqqen, ur izmir yiwen ad t ikkes ma yuγ timura, iffeγ am waḍu, yuγ idurar d izuγar.

Awal nni n tlelli, nek ufiγ t deg wallen n ilmezyen nneγ, di yal tiγremt i kecmeγ di Tmazγa, di yal taddart wuγur unfeγ.

Yiwen ur izmir ad ikkes, ad isenger awal nni.

Ruman γillen fran tadyant n tmazγa si mi d skecmen Yugurten γer tesraft agi. Nek ad asen iniγ ur fran tigert. Ur illa yiwen Yugurten kan i sen d yusan d asennan deg weksum nsen. Yal tiγmert, yal tiγilt, yal azaγar, yal tawrirt ad afen Yugurten ibedd ed zdat nsen.

Mi zriγ Marius iteddu γef igemren imellalen, s ubernus azeggwaγ, zdat-i di tlemmast n Ruma, zriγ t am win ibedden ad ixbec igenni. Tazallit is ur tessirid ammus ameqran, ammus ugertil, ammus n yir iγil, n yir tazmert.

Furne $\gamma$ , tissas rennun i win illan deg webrid n tissas. Ur llant tissas i win izegren ilel, irza tilisa n tmurt n medden, ikcem tamurt nsen s ugezzul.

Mi yi d skecmen lṛumyen seg yimi n tesraft n 3 turdas di tehri, nitni  $\gamma$ illen d anṭal i neṭlen Yugurten. Kksen a $\gamma$ ilif nsen, wden anida sarmen.

Nek γuri, anṭar nni d neṭreγ seg yimi n tesraft d talalit tis snat. Am lufan nni d ilulen si taâbbuṭ n yemma-s, izewr ed tiwuγa. Nek, awal iw ǧǧiγ t in γer deffir i warraw n tmurt nneγ. Awal iw iffeγ, yuγ timura, izger akin i tγaltin, ur izmir yiwen ad t yarez.

Azekka, aseggwas iden, ne $\gamma$  iseggwasen d iseggwasen  $\gamma$ er zdat,  $\gamma$ as awal iw izmer ad iffer, ad intel tallit ne $\gamma$  ad tdel tagut, taggara ad d yawed wass deg ad d ifrari i tafat n tefsut...

# 5. Tallit taneggarut

Yugurten immut, deffir 6 wussan n laz d usemmid.

Suffyen t id si tesraft nni n Tullianum, win t akin, ičča t wasif n Tiber, asif nni ikkan di tlemmast n Ruma.

Sin warraw n Yugurten illan twarzen yides, ur izra yiwen anida i d gwran. U nessin ismawen nsen, ur iban webrid uγen si tikli nni n Ruma. Iγba yisem nsen di tmurt n Ruman.

Yugurten immut. Ugur ameqran deg webrid nsen, nwan ikkes asen i Ruman. Ufan abrid di tegwnitt, zzan tuzzal nsen di Tmazγa.

Deffir Yugurten, snulfan d win sbedden d agellid : Gawda, gma-s n Yugurten s baba-s. Rran t d agellid am lexyal nni tebḥirt akken ad kerzen yes.

Nnan Gawda d abehlul kan, ur issin, ur iwzin, ur ixebbec ur iγez.

Tamurt n Tmazγa gezmen tt, gezren tt, kkan yas iγisan di tlemmast. Amur ifka t Ruman i wgellid Buxus, rran as lxir ilmend n tixubta-s, izzenz idammen is.

Amur wis sin rnan t nitni akken ad smeyren tamurt n Carthage (province romaine).

Tegwra d tiḥdert n wakal, akw d tiγremt n Sirta, yuγal as Gawda d agellid, ddaw ubeṛnus n Ruman! D agellid ubeṛwaq!

Taggara, di snat turdas nni n wakal i d igwran i Gawda, ikcem Uṛumi yal taferka ilhan, yal iger ilhan, yal tiγremt.

Tamurt tbeddel udem.

Di tallit nni, iyli d yid yef tmurt n Tmazya. Azaglu n Ruman iqqen i wachal n leqrun yer zdat...

21/12/2008.

# 6. Asaru umezruy

- -264 ar -241: trad amezwaru ger Ruman d Carthage (1ere guerre punique)
- -218 ar -202: trad wis sin ger Ruman d Carthage (2eme guerre punique); Masnsen n At Yiles, illa d agellid n Tmazγa; innuγ si tama n Ruman.
- -149 ar -146: tṛad wis 3 ger Ruman d Carthage (3eme guerre punique);
   Makawsen innuy si tama n Ruman; thudd tiyremt n Carthage.

. . . . . .

- -158 (?): Talalit n Yugurten di Tmazγa D mmi-s n Mastanabal. Jedd-is d agellid Masnsen. Ikkr-ed di Sirta (Constantine, Qsentina di Lezzayer).
- -148 : Immut ugellid Masnsen di Sirta. Makawsen (Micipsa) yuγal d agellid n Tmazγa. Llan yid-es watmaten is : Mastanabal (baba-s n yugurten), Gulusen, Masgaba, Bogud.
- -134 : Yugurten izger ilel γer Sbanya, s laâsker is, i trad n tiγremt n Numance. Ifka t Makawsen, innuγ tama n Ruman, ger laâsker n jiniral Scipion.
- -118: Makawsen, agellid n Tamazγa, immut di Sirta. Iğğa d tamurt i sin warraw is, Aderbal, Hiemsal, akw d Yugurten, mmi-s n gma-s Mastanabal. Si mi yemmut Makawsen, tekker gar-asen. Llan daγ di lwert, Masiwen, mm-is n Gulusen akw d Gawda, gma-s n Yugurten s baba-s.
- Hiemsal, immut di tiyremt n Tuga, deg imenyi netta d laâsker n Yugurten.
- -116 : Ruman ibda tamurt γef sin ger Aderbal akw d Yugurten; tiγremt n Sirta tedda deg wmur n Aderbal

- Yugurten ikcem tamurt n Aderbal. Aderbal irwel  $\gamma$ er Ruma akken ad isuter laânaya nsen.
- Ruman nyan Masiwen (Massiva), mm-is n Gulusen, di tiyremt n Ruma, si mi d iffey si Senat. Sbabben Imut is i Yugurten, nnan as « iṛza laânaya n Ruman (legatio) di tlemmast n Ruma!». D taḥilett akken ad simsen Yugurten, ad as sbibben tamgert. D tasebbiwt akken ad kecmen tamurt.
- -112 : Yugurten ikcem Sirta, inγa dinna s laâsker is Aderbal.
   Yugurten isdukel tamurt. Si tedyant nni yuγal d acengu n Ruman.

### • -112 ar -105 :

Ikker trad ger Yugurten akw d Ruman. Iqubel 4 Ifesyanen imeqranen (Consul) ihekmen laâsker n Ruman si -112 armi d -105 : Calpurnius **Bestia**, Postumius **Albinus**, Cecilius **Metellus**, Caius **Marius** (illa yides Cornelius **Sulla**),

- -105 : Cornelius Sulla, afesyan illan ddaw Marius, yurz-ed Yugurten. Icudd it id. Izenz it i Ruman udegwal is Buxuc, agellid n Muretanya, Tamazγa utaram (Merruk akw d wmur ataram n Lezzayer), seg wasif n Melwen akin.
- 105 (taggara): Marius izuγr ed di tlemmast n Ruma, di tikli n "Triomphe", Yugurten akw d sin warraw is, cudden s txelxalin n wuzzal.

### - 104 (yennayer) :

- Yugurten immut di Ruma, si 6 wussan n laz, fad d usemmid di tesraft n Tullianum. Di laâmer is azal n 54 (?) iseggwasen.
- Gawda yuγal d agellid n Tmazγa, ddaw laânaya n Ruman.
- Sin warraw n Yugurten uckan ; ur izra yiwen anida i d gwran.

# 7. Amezruy n TULLIANUM

Lhebs Mamertine<sup>54</sup> (Mamertinum Carcere) illa di tlemmas n Ruma, tama n Capitole. Di tama wadda n lhebs i tella tesraft Tullianum.

Mamertinum ibna t ugellid Ancus Marcius di Iqern wis VII zdat Aâisa.

D amkan deg anida ttwarzen yergazen, anida ttwaxenqen, neγ anida mmuten si laz icenga (yaâdawen) n Ruman.

Ger wid ittwassnen, wid immuten din, illa Yugurten di yennayer - 104, Vercingetorix, agellid n igulwaten (Fransa), xenqen t din deg wseggwas -46 mi wden 14 iseggwasen ideg t ğğan dinna d

La cellule supérieure de la prison est une pièce trapézoïdale, voûtée, de 5 m sur 3

La prison ne se composait pas seulement des deux cachots décrits. Au-delà, sur la pente du Capitole, se trouvaient d'autres pièces, les Lautumiae. Elle était encore en activité dans la dernière moitié du IVe siècle. C'est au Moyen-Age qu'elle prit le nom de Mamertine. »

<sup>&</sup>lt;sup>54</sup> « Ce qui reste maintenant du Carcer est la partie la plus intérieure et la plus secrète du cachot. De l'église **S. Giuseppe dei Falegnami** (St Joseph des Charpentiers), un escalier moderne conduit à l'édifice antique dont la façade en travertin date du début de l'époque impériale. Derrière, on trouve une facade plus ancienne.

environ, reposant sur le roc, avec une hauteur de 5 m au point le plus élevé. La cellule inférieure, le Tullianum, est entièrement construite en blocs de pépérin, assemblés sans mortier, de forme conique, avec le sommet plat. Dans le roc, une ouverture de 70 cm (encore visible) la relie à la cellule supérieure. En l'absence de porte, c'est par ce trou que les condamnés étaient précipités. Sur le côté qui regarde le Forum, il y avait un égout de près de 2 m et près du mur opposé à l'égout, un puits. Les blocs de tuf utilisés ici permettent d'avancer la date de la seconde moitié du lle siècle av. J.-C. D'illustres personnages périrent ici – une inscription moderne gravée à droite de la porte d'entrée rappelle leur nom - comme Jugurtha, en 104 av. J.-C., pendant que défilait au Forum le cortège triomphal de son vainqueur, Marius. Notons l'humour de Jugurtha, qui une fois précipité par ses bourreaux dans le Tullianum, leur lança : «Comme votre bain est froid, Romains!» En 63 av. J.-C., les conjurés, amis de Catilina, y furent étranglés. En 46 av. J.-C., Vercingétorix y fut également étranglé après le triomphe de César.

ameḥbus. Nnan daγ dinna i twarzen St Pierre akw d St Paul, si mi d ikcem ddin n Aâisa γer Ruma.

Di Iqern wis IV deffir Aâisa, Iḥebs nni hudden t si tama ufella, bnan as tamesgida "S. Giuseppe dei Falegnami" (Sidi Yusef n ineǧǧaṛen).

Ayen d igwran ass-a di lḥebs Mamertinum, d ayen illan di tlemmast is, d Tullianum nni. Akken tella tesraft nni zik nni i tella ass-a, bnan as kan tiseddaṛin si tama akken ad adren medden  $\gamma$ er tesraft, ad zuren amkan nni. Rnan ssan as, sulin d agwens d asawen. Si 3,53 m n tiddi, gwran d kan 2,0 m. Ass-a, izmer ad ibedd wemdan deg-s.

## Awal n Salluste γef Tullianum<sup>55</sup>:

"Mamertine Carcere d Iḥebs illan ddaw tmurt, degs sin wannagen. Tama wadda, tasraft Tullianum, tedrem, izzi yas d ugadir, iqba s wezru. Yiwen yimi si tama ufella i d tawwurt is, zun d imi n wecbali. D amkan ixlan, irtem, yumes, itulles, isaggwad."


<sup>&</sup>lt;sup>55</sup> C'était une prison souterraine à deux étages. Selon l'historien Salluste : « Elle contient une salle basse, nommée Tullianum, qui s'enfonce à douze pieds sous terre. Elle est fermée de murs épais et couverte d'une voûte de pierre. C'est un cachot malpropre, obscur, infect, dont l'aspect a quelque chose d'effrayant et d'horrible. » (Salluste)

# Tikli n Triomphe di Ruma

(si Campus Martius armi d Capitolus):

Tikli di tlemmast n tiγremt Ruma tedda seg wennar Campus Martius, d abrid γer tewrirt n Capitolinus, akken ad izzal din Consul amegran.


- 1. Campus Martius (Champ de Mars)
- 2. Circus Flaminus
- 3. Porte Triomphale (Pomerium)
- 4. Forum Boarium (>> isem is "Piazza Bocca della verita")
- 5. Circus Maximus
- 6. Palatin (izzi i Palatinus)
- 7. Via sacra (Voie sacrée)
- 8. Clivus capitolinus (tazribt yulin γer Capitole)
- 9. Capitolinus (Capitole).



Taggara n Yugurten



Via sacra (voie sacrée) di tlemmast n Forum Romanum : Iblaḍen γef idda Yugurten ; abrid aneggaru n « Tikli n Triomphe » γer tewrirt n Capitolinus, qbel ad tegren γer Tullianum.



Tullianum di Ruma (30 mn n tikli udar si Gare/StazioneTermini).

Taggara n Yugurten









Taganit zdat tewwurt n Tullianum ; akin γer deffir d « Agadir (arc de triomphe) n Septime Severe

Taggara n Yugurten



Ruma di 2008 : Lhebs Mamertine carcere. Tama ufella d tamesgida S. Giuseppe dei Falegmani, ddaw-as d carcere Mamertine, ddaw as d Tullianum.





Tawwurt n Tullianum. Fef amnar, yura deg wezru : « MAMERTINUM ET TULLIANUM ». Deffir wefrag,  $\gamma$ er zelmed, llant tseddarin  $\gamma$ er tesraft.



Imi n tesraft tullianum, tamu $\gamma$ li si tama ufella. Imi injer deg wezru aberkan, di tehri-s ( $\varnothing$ ) = 61 cm. Ifreg s wuzzlan.



Imi n Tullianum, tamuγli si tama wadda, di tlemmast n tesraft.

Taggara n Yugurten





Izra ugadir n Tullianum.

Taggara n Yugurten

# **8. IDLISEN** (Bibliographie)

- Salluste, Gaius Sallustius Crispus, "La Guerre de Jugurtha" (Yugurthinum Bellum), trad. du latin par Alfred Ernout, ed. Les Belles Lettres, 1941 et réédition en 1974 et 2002 (France); et "Grand Alger Edition" (GAL), édition. 2005 (Algérie)
- 2. **C. Salluste**, La Conjuration de Catilina, Les Belles Lettres, ed. 2003
- 3. **Tite-Live**, Histoire romaine, la fondation de Rome, Les Belles Lettres, ed. 2005
- 4. **Houaria KADRA**, Jugurtha, un berbère contre Rome, Edition Arlea, Paris, 2005
- 5. **Mouloud GAID,** Aguellids et Romains en Berbérie, ENAL OPU, Alger 1985.
- 6. **Plutarque**: Biographies de Marius et de Sylla, in Les Vies des hommes illustres, Furne et Cie Librairies-editeurs, 1840 (internet: http://remacle.org/bloodwolf/historiens/Plutarque/marius.htm)

**Site internet**: timezṛa n Tullianum http://www.panoramicearth.com/326/Rome/Tullianum\_in\_the\_Mamertine Prison